

BS
345
H27
MATTHEW
1891
SOA
C. 2

MATTHEW

25

591

Lang.



BS
345
H99
Matthew
1891
SOA
c.2

Int. Rev. etc. comp. J.P.

SAINT MATTHEW

GIĒ

GIATLAN LAS.



ST. MATTHEW, HAIDA.

*By Rev. Charles Harrison J
Harrison*

LONDON:
BRITISH AND FOREIGN BIBLE SOCIETY.

1891.

PM 1274
B55
1891

KEY TO THE SOUNDS OF THE LETTERS.

a *as in* hat
ā ,, father
e ,, net
ē ,, they
i ,, tin
ī ,, machine
o ,, not
ō ,, note

u *as in* but
ū ,, rule
ai ,, aisle
au ,, pause
oi ,, toil
ou ,, house

ḡ begins a syllable

k } correspond to the deep guttural χ in the Greek
kh } language

lth is like the Welsh ll

z when initial is equal to ds

z when final is equal to ts.

THE GOSPEL ACCORDING TO ST. MATTHEW TRANSLATED INTO THE HAIDA

BY THE

REV. CHARLES HARRISON.

BS
345
H27
Matthew
1891
SC4423

SAINT MATTHEW

GIĒ

GIATLAN LAS.

Chaptergē Swaunshung.

JESUS CHRIST gwudistakāngē koginēu
īching: David kitu il idjan, waigen Abra-
ham kit ishin.

2. Abraham Isaac kaiang; waigen Isaac
Jacob kaiang; waigen Jacob Judah kaiang,
waigen il tuanalung ishin;

3. Waigen Judah Tamar stāhā Perez kaiang,
waigen Zerah ishin: waigen Perez Hezron
kaiang, waigen Hezron Ram kaiang:

4. Waigen Ram Amminadab kaiang: waigen
Amminadab Nahshon kaiang; waigen Nahshon
Salmon kaiang;

5. Waigen Salmon Rahab stāhā Boaz kai-
ang: waigen Boaz Ruth stāhā Obed kaiang;

6. Waigen Obed Jesse kaiang; waigen Jesse
King David kaiang;

7. Waigen David Uriah chā stāhā Solomon kaiang ;

8. Waigen Solomon Rehoboam kaiang ; waigen Rehoboam Abijah kaiang ; waigen Abijah Asa kaiang ; waigen Asa Jehoshaphat kaiang ; waigen Jehoshaphat Joram kaiang ;

9. Waigen Joram Uzziah kaiang ; waigen Uzziah Jotham kaiang ; waigen Jotham Ahaz kaiang ; waigen Ahaz Hezekiah kaiang ;

10. Waigen Hezekiah Manasseh kaiang ; waigen Manasseh Amon kaiang ; waigen Amon Josiah kaiang ;

11. Waigen Josiah Jechoniah kaiang, waigen il tuanalung ishin ; waigen ashgē timegē gud Babylon tligē ā ltha ltha istaodzouāni.

12. Waigen Babylon tligē ā ltha ltha istaiang silid, Jechoniah Shealtiel kaiang ; waigen Shealtiel Zerubbabel kaiang ;

13. Waigen Zerubbabel Abiud kaiang ; waigen Abiud Eliakim kaiang ; waigen Eliakim Azor kaiang ;

14. Waigen Azor Sadoc kaiang ; waigen Sadoc Achim kaiang ; waigen Achim Eliud kaiang ;

15. Waigen Eliud Eleazer kaiang ; waigen Eleazer Matthan kaiang ; waigen Matthan Jacob kaiang ;

16. Waigen Jacob Joseph kaiang Mary tlāl ā, waigen lā stāhā Jesus tlakaiang, waigen Christ hinu il kēyang.

17. Gwudistakāngē wautliwan Abraham stāhā David ā gwudistakāngē klāalth wok stanshangang: waigen David stāhā Babylon tligē ā ltha ltha istatālangtlo gwudistakāngē klāalth wok stanshangang; waigen Babylon tligē ā ltha ltha istaiang stāhā Jesus Christ ā gwudistakāngē klāalth wok stanshangang.

18. Itan Jesus Christ tlakaiangtlo, Mary il ou Joseph ināsangang, waigen gwu il inēlthawē kwunast Hānts Las alth il telthkiāyēlan.

19. Waigen Joseph il tlāl kwutungē skwunaiang, waigen ltha hangku il tlaēdāgē kum il gwulaangang, il dāngkwolthtiē tlou il gwulāgang.

20. Waigen houān ā kin isis addu il kwulthilgundang, kwoking, Shālānā giē Angelgē la an kātlang il kungaiāni, waigen hinū il shouan, Joseph, David kitu dung iching, altsī- ilth kum Mary chā unga an istiē ga lth lthwau- gāng, Hānts Las alth il telthkiēlths althlā.

21. Waigen il kit kaiashang, waigen Jesus hin lā dung kēyādāshang, il touilung kin dāunga istas stāhā il kagindāsēsi althlā.

22. Tliku Shālānā nung Prophet ga shouan kingān adshi wautliwan ēlthkigang, waigen hinū il shouan,

23. Kwoking, nung chitlthlingā nung hā- hutsu telthkiashang waigen lā il kaiashang, waigen Immanuel hin lā ltha kēyādāshang; waigen Immanuel Shānungetlagidas itil alth stungs hinū ēdung.

24. Itan Joseph il kattaiang stāhā il kā-
tlouang, waigen tliku Shālānā giē Angelgē lā
ga shouan kingānu il waugang, waigen chā
unga kinung an il istaiang.

25. Kum lā alth il tīdaangang il kit kaiasēs
kwunast; waigen Jesus hin lā il kēyādaiang.

Chaptergē Stung.

WĒATA, tlistluan Jesus Bethlehem tligē gu
tlakaiangtlo, Herod king gāgang: kwo-
king lth hāada kutungā hougust stāhā Jerusa-
lem tligē gu istlāgang, waigen hin il shūouang,

2. Kitlano lā tlakaigun Jew hādē an nung
king gas ā? kaiēlthta hougust langa talung
kinguni althlā, waigen singelthkang lā ā gūshūē
annu talung istlāgun.

3. Waigen tlistluan Herod nung king gas
kwudangantlo, il kwutungē tlakwīdistlaiang,
waigen Jerusalem hādē wautliwan lā dung-
althan.

4. Ga laplēt itlagidas gē wautliwan isken,
lth hāada an takālunglēilung wautliwan ishin
gwuda il istaiang, waigen tlitzan Christ tlakai-
asēs ta ltha alth il kiānangang.

5. Waigen hin lā ltha shūtaiang, Bethlehem
tligē ā Judea tligē gu lā tlakaigun, altsīlth
nung Prophetgas hin kālāngāni:

6. Waigen dahou Bethlehem, Judah tligē

gu dung iching : waigen Judah Princesgē hangast kum dung edāngung : dung stāhā nung itlagida kātlāsēsi althlā, waigen kiagin Israel hāadē an il itlagidāshang.

7. Itan lth hāada kutungas an Herod aiyinkwolthtaiang, waigen askaskit kīslüstlo kaiēlthta skatsalē lā alth il kiānung yūanouang.

8. Waigen Bethlehem tligē ā lā il kil istiēdouang, waigen hinū il shouan, gundiēdwala, waigen nung hāhutsūs da lth yenkien kindawang, waigen tlīstluan lā dalung kiastlo, houshen dī ga lth shūdwang, waigen tlaou ishin ā kaiitshang lā ā singelthkang lth gūshūēanā.

9. Tlīstluan nung king gas shūs il kwudungwastlo il gundiēdouang, waigen kwoking, kaiēlthta hougust il kingouang lā kwunast il skatsūdalouang, waigen giouk nung hāhutsu isis gē shā il skatsalthgīgang.

10. Waigen tlīstluan kaiēlthta il kingouangtlo yenkien kwutungē lāyūan alth il tlikagūlouang.

11. Nē ik il istsaouang, nung hāhutsūs ou unga kwulth il kingouang Mary ā ; waigen kwulung katsingalth il tlououang, waigen lā ā singelthkang il gūshūouang : itan kin kwoyā unga il kikustlououang, waigen saouhadan lā ga il istaouang, gold isken, skwunalou ishin, waigen kinlthkai skwunalou ishin.

12. Il kungouangtlo, Shānungetlagidas hin il shūdaouang, kum houshen Herod gwi lth

stilhāngwang; altsiilth kūwē kalat gud tliga unga gwi silthkang il stilhauang.

13. Tlīstluan il istiēdouangtlo, kwoking, Shālānā giē Angelgē Joseph an kātlang il kungaiang, waigen hinū il shouan, kātlūltha, waigen nung hāhutsūs lth ista, il ou han ishin, waigen houītang Egypt tligē ā kaiit: gū lth ising dung ga lth shougē kū, Herod nung hāhutsūs takāngungkasēs althlā lā il tīiyēanā.

14. Il kātlouang ken nung hāhutsūs il istaiang, il ou han ishin, waigen halgwau Egypt tligē ā il istiēdouang: Herod kwotalē kū gu il idjāni.

15. Wēata, tliku Shālānā nung Prophetgas ga shouan kingānu edāni, waigen hinū il shouan, Egypt tligē stāhā kit unga an lth aiyingun.

16. Itan, Herod lth hāada kutungas il kin-konangang ai il katlthkīastlo, yenkien il kā-tliyilthdaiang, waigen ītlansida hudila wautliwan Bethlehem tligē gu is il tlitataiang, waigen ilnigē wautliwan gīougust ishin: tada stung da hēlōsi isken wauhangast glāgāsi ishin giadlu lth hāada kutungā alth il kiānung yūanan: gē nūd ltha ga kaiawaiang gē ā.

17. Tliku Jeremiah nung Prophetgas shouan itan kingānu edāni, waigen hinū il shouan:

18. Kilu Ramah tligē gu kwudungāgung: kagininayūan isken, sahaigē ishin: ltha kwutungē lthtunagwutyūan ishin; Rachel kitilung hagunan sahaigyūangung, waigen kum tliku il

kwutungē wausaaskit tlingē kāng gaanḡung, kum hāagē langa kāng gaansi althlā.

19. Herod kwotalang tlo, kwoking, Egypt tligē gu ā Shālānā giē Angelgē Joseph an kātlang kungaiang, waigen hinū il shouan :

20. Kātlūltha, nung hāhutsūs lth ista, il ou han ishin, waigen Israel tligē ā lth istiēdo, nung hāhutsus tūiēd nung kwudunḡun kwotalths althlā.

21. Waigen il kātluang, waigen nung hāhutsūs il istaiang ken il ou han ishin, waigen Israel tligē gu il istlāouang.

22. Herod kwotalang silīd Archelaus Judea tligē gu aung unga siliā il nayēlang il kwudangan tlo, altsilth ā kāgē ga il lthwaugaiang : altsilthu tliku Shānungetlagidas lā ga shūung il kungaiang kingānu il idjan.

23. Waigen Galilee tligē gwi il stēlang, waigen ilnigē gu il kātłāsken gu il nayēlāni : waigen ilnigē Nazareth hin kēyāgun.

24. Tliku ga Prophetgas gē shouan kingānu edāni, waigen hin ltha shouan Nazarene hin il kēyāsang.

Chaptergē Lth'unilth.

WAIGEN ashgē shantlanē gud John the Baptist kātłāgang, waigen Judea tligē dāungas gu tlāgūk il gūshouang.

2. Waigen hinū il shouan, Kwutungē unga lth stilthto, shāgē kingdomgē āanān isis althlā.

3. Altsilth anisu Isaiah nung Prophetgas shūtaiang, waigen hinū il shouan, Nung kil swaunshung tligē dāunga gu hin sahailthlang, Shālānā giē kūwē tlaēlthkīu, waigen kūwē tumzūsi langa tlayāgulthu.

4. Wēata, John kin giandas camels hou idjan, waigen skidal tlidskou alth il tlīdzguwau-gang, waigen tou langa locusts idjan, waigen ātlthwun tou ishin.

5. Itan Jerusalem hāadē isken, Judea hāadē ishin, lth hāada wautliwan Jordan addu ilnigē wautliwan isis stāhā lā ā iswāgang.

6. Waigen Jordan hānlthē shengs ā hānlthē ltha gwi il istaiang ltha dāungas hansta unga ltha shūgangang.

7. Tlīstluan Pharisee hāadē kwan isken, Sadducee hāadē kwan ishin hānlthē an langa istlātalsi il kāngang tlo, hin ltha il shūtaiang, O gwudistakāngē sik dalung isis, kātliyildtals stāhā dalung gundiēdē ā kistho dalung shūtai-ang?

8. Hāna lāguns kingān kin lā lth istou dalung kwutungē tlastelgēanā.

9. Abraham itil aungu īching kum hin agung lth shūdāngu: yenkien dalung ga lth shūgung, Shānungetlagidas ashgē kwauē stāhā kitilung Abraham an tlakātluē an tagwiāgung.

10. Waigen wēata kinlthkai skūshangwē

gu kūtiljou īching, altsūlth kinlthkai wautliwan ai kum hāna lā inastlānstlo ltha skikundalgungung, waigen zanoa si ltha istagungung.

11. Hānlthē alth dalung lth baptizdang alth kwutungē unga dalung stīlthtiēanā: waigen dī tlā nung kātlās tlou dī telgu tagwiāshang: staskoga langa haiidē annu kum dī lāngung. Hānts Las alth dalung il baptizdāshang, waigen zanoa alth ishin.

12. Il stlai ou yhitouwē langa īching, waigen wheatnē stlin kouwē unga yenkien il tlas kwunāshang: wheatnē ai gwuda wheat unga il istāshang, kul tlou zanoa hēninga swaunung alth il ougulthtāsang.

13. Itan Jesus Galilee tligē stāhā Jordan tligē gu kātlāgang John an ā, hānlthē lā ga il istiēanā.

14. John langa kwudāungaiang, waigen hinū il shouan, dung stāhā hānlthē istiē da dī kwudungung, waigen dī an dung gu kātlā us?

15. Waigen Jesus hangtlan il shūtaiang, agwan lth waikingān wēata eda, kin lā wautliwan talung tlaoutliē itil an lāsi althlā. Waigen itan kingān lā il istaiang.

16. Waigen Jesus, tlistluan hānlthē il istaiang tlo, houitang hānlthē stāhā sīk il kātlaiang: waigen kwoking, shā tligē lā an helthtlālang, waigen Shānungetlagidas Hānts kaltsida yhītlatalguns kingān eds lā inku kouwang.

17. Waigen kwoking, kil swaunshung shā

tligē stāhā hin shouan, anis dī kit kwoyāyūans iching, lā an dī kwutungē lāgung.

Chaptergē Stanshung.

ITAN Hānts Jesus tligē dāungas ai halkā-gang hetgwaulana il eddē kil kingēdēanā.

2. Tlīstluan sin klālē stanshung isken hal klālē stanshung ishin il kīsalang tlo, silīd il kwōtagālang.

3. Waigen ltha eddē nung kil kingungs hin il shūtaiang, Shānungetlagidas Kit dung istōalth adshi kwauē shibili gaiēlthā hin lth shūda.

4. Waigen hin hangtlan il shouan, ou kāl-ungāgun, kum nung ītlinga shibili alth swaunan hēningāngsang : kil wautliwan Shānungetlagidas helthli stāhā isis alth swaunan il hēningā-sang.

5. Itan hetgwaulana lana lā ā il istaiang, waigen churchnē lāyūans tlimits inku agwi lā il koudaiang.

6. Waigen hin lā il shūtaiang, Shānungetlagidas Kit dung istōalth, lth agung kātalth : kāl-ungāgāni althlā, angelgas gē tuman dung unga il kingalthasang, waigen stlē unga alth shā an dung ltha hātthidzuasang, waigen kum tliku timegē ed gud dung stai kwau ī hata-wāngsang.

7. Jesus hin il shūtaiang ishin ou kāl-ungā-

gun, Shālānā Ītlagida unga kum eddē lth kil kingāng.

8. Houshen, hetgwaulana lthdou jinga yūan gwi lā il istaiang, waigen hētk tligē gu kingdomgē wautliwan isis lā il kingdaiang, waigen kin anyākwudungā gu isis ishin.

9. Waigen hetgwaulana hin il shūtaiang, dung tikwushtloasken, waigen dī ā singelthkang dung gūshūsken, ā kin is wautliwan dung ga lth istāshang.

10. Itan Jesus hin il shūtaiang, hinda Satan : ou kālungāsi althlā, Shālānā dung Ītlagīdou ĭching, lā ā singelthkang lth gūshu, waigen tlan lā an swaunan lth²tlāangwilu.

11. Itan hetgwaulana lā stāhā kaiitang, waigen kwoking, ga angelgas gē istlāgang, waigen il kwutungē wau lth saaskidang.

12. John kētsit nai ā isis tlīstluan il kwudangantlo, Galilee tligē gwi silthkang il stēlang.

13. Nazareth tligē stāhā il kaiitang, waigen Capernaum tligē gu il nayēlāni, tungē gustga ouādaiani. Zebulon tligē isken, Naphtali tligē ishin aiyūwē giougu Capernaum tligē ĭching,

14. Tliku Isaiiah nung Prophetgas shouan kingān edāni, waigen hinū il shouan.

15. Zebulon tligē isken, Naphtali tligē ishin, tungē an dūungāgung, Jordan hānlthē shengs waugust ĭching, waigen Galilee tligē gu ā lth hāada isis idjāni.

16. Lth hāada halga ā tluadaiang hatga yūan

kāngang, waigen kwotal tligē ā ga tluadaiang ishin, waigen kwotal hānts ā ga idjan ishin da hatgā ēlang.

17. Ashgē timegē stāhā Jesus tlāgūkgūshou-
idāni, waigen hinū il shouan, kwutungē unga
lth stīlthto shāgē kingdomgē āanān isis althlā.

18. Waigen Jesus Galilee tligē skwaus jinit
kāgangtlo, kwaialung stung il kāngang : Simon
Peter hin kēyāgang, waigen Andrew il tuan
ishin ; chān ga āatē unga il istaouang, āatālēi-
lung il isouāni althlā.

19. Hin lā il shūtaouang, dī tlā lth istalo,
waigen āat stāhā skātlink dalung istaguns kin-
gan kin dāunga stāhā lth hāada dalung kagin-
dāshang. Yenkien lth hāada dāunga washt kil
kagunē an dalung lth tlaoutlāshang.

20. Waigen houītang āate unga stāhā lā tlā
il istalouang, waigen aung unga il inaouang.

21. Stāhā il kaiitang ken kwaialung adda
stung il kāngang, James Zebedee kit idjan,
waigen John il tuan ishin : aungē unga alth
kontluwē gwau il isouang, waigen āatē unga il
tlinglāouang tlo lā an il aiyingouang.

22. Houītang kontluwē il takistlaouang, wai-
gen aungē unga ishin il tatlistlaouang, waigen
lā tlā il istalouang.

23. Jesus Galilee tligē askwan ai il kaouang-
ang, waigen Churchnē hudila ai lthanga isis ā
kin ltha il skadadagangang. Kingdomgē giat-
lingē las alth tlāgūk il gūshūgangang, waigen

ltha helthilthkias isken sti gwudila ed wautliwan ishin il tlanūngistlagangang.

24. Waigen giatlingē Syria tligē askwan gu langa kokgustlowaiang, waigen lth hāada sti wautliwan lā ā ltha istaiang: gwudila helthilthka ed wautliwan ishin, ltha houāgun ishin, hetgwaulana alth ltha staouas ishin, ltha konungala ishin, ltha stiglūida ishin lā ā ltha kelthilungāngang, waigen ltha wautliwan il tlanūngistlaḡāngang.

25. Galilee tligē stāhā isken, Decapolis tligē stāhā ishin, Jerusalem tligē stāhā ishin, Judea tligē stāhā ishin, waigen Jordan hānlth sheng waugust stāhā ishin lth hāada skūla yūan lā tlā istiēdang.

Chaptergē Klēlth.

LTHA skūla yūan il kāngang tlo, lthdou gwi sīk il kātlaiang, waigen tlistluan il kouwaiang tlo lagaga hatijangē lā an istlāgang.

2. Waigen helthli unga il kisistlaiang, waigen hin ltha il skadadaiang.

3. Ltha hānts kuniskidēgasu lāgung, shāgē kingdomgē lthāgiou isis althlā.

4. Ltha kagininasu lāgung, ltha kwutungē wausaakitangsēsi althlā.

5. Hētk ltha kwutungē edsu lāgung, adshi tligē ltha istasēsi althlā.

6. Kin lā ta ltha kwōtsken isken ta ltha kattuwaitu ishin lāgung, ltha skisūsēsi althlā.

7. Kin kalthshint ltha kwutungsu lāgung, Shānungetlagidas ltha kalthshint kwutungsi althlā.

8. Ltha kwutungē skwunasu lāgung, Shānungetlagidas ltha kingasēsi althlā.

9. Tlouwa gidsgutlēilung isken kintlinlanlēilung ishin lāgung, Shānungetlagidas kitilung hin ltha kēyāsēsi althlā.

10. Kin lā hagunan ltha chākwudungsu lāgung, shāgē kingdomgē lthāgiou isis althlā.

11. Tlistluan lth hāada dalung alth kilthnangstlo: tlistluan kin singētzas dalung ltha hāandungastlo: waigen kin dāunga gwudiled wautliwan alth dī hagunan dalung alth ltha kilthkadungstlo dalungū lāgung.

12. Kwutungē unga lth lādōga, waigen kwunan tlika lth gūlouga, dalung giē giasougē shāyūansi althlā: dalung kwunasta ga prophetgas gē kin singētzas ltha hāandungda gangāni althlā.

13. Tung yillā hētk tligē gu dalung iching, waigen tung yillā houkiyē wast hēlōstlo, gūshu althlu tungēlthasang: ashgē timegē glu kum kinhan an lāngung: kiak ltha dānggēan tlou lāgung, lth hāada stē unga alth inku tadte ldungēan.

14. Hatgā hētk tligē gu dalung iching: lana kītsuwau inku atlindasu kum tliku saalga tlingē kāng gaangung.

15. Lth hāada kāsotouho hokulthtastlo kum kwidou skakōna hetgwi ltha istaḡungāngung. Kāsotouho kuasi inku ltha istaḡungung, waigen ltha wautliwan nāgud isis da hatgāḡungung.

16. Waikingān agwan lth dalung hatgas lth hāada wautliwan hangku hatgādou lthāangwila lā dalung istas ltha kāngēan, waigen dalung Aung shā tligē gu isis an ltha yākwudungasang.

17. Ga prophetgas gē kil isken, lawgē ishin lth tlahustiean lth kātlātalthing lth kum kwudungāngo: ga prophetgas gē kil isken, lawgē ishin lth tlahustiēan kum lth kātlāanḡun, kingān lth waugēanu lth kātlātalgun.

18. Altsiilth yenkien dalung ga lth shūgung, shā tligē isken hētk tligē ishin hēlōwē kū, kum tliku kin lth'althskodis ska swaunshung isken, kin lth'alth hutis hu swaunshung ishin lawgē stāhā is tlingē kāng gaanḡung kin wautliwan kingān edgē kū.

19. Altsiilth kīstho adshi kingwogungē swaun wauhangastihutsūsi tlahustang, waigen waikingān lth hāada il skadadastlo, shāgē kingdomgē gu wauhangastihutsūs hin il kēyāshang: waigen kīstho kingwoguns kingān waugung, waigen ltha il skadadastlo, nung yūansi hinū il kēyāshang.

20. Altsiilth dalung ga lth shūgung, takālunglēilung isken, Pharisee hāadē ishin kwutungē skwunas telgu kum dalung kwutungē

skwunānsken, kum tliku shā tligē kingdomē gu dalung istzā tlingē kāng gaangung.

21. Tlaglu agwi tliku ltha shouan dalung kwudangang. Hin ltha shouan: kum nung hāada lth tiāng; waigen kīstho nung itlinga tiastlo ginkilislang ga agung il lthanstlāsang.

22. Tlaou hin dalung shūdang, kīstho kwai unga an kātliyildungstlo, ginkilislang ga agung il lthanstlāsang; waigen kīstho Rācā kwai unga hin shūtasken, council ga agung il lthanstlāsang: waigen kīstho dung kōnungung hin shūsken hetgwaugē zanoa ai agung il lthanstlāsang.

23. Shālānā giē tablegē ā saouhadan kin unga dung giālastlo, waigen gaigu dung kwai dung an kātliyildungas ai dung kēitstlo,

24. Shālānā giē tablegē hangku saouhadan kin unga dung istas lth ina, kūwē gud lth unga kaiit, kwai unga an kwutungē lāgelthtlāgang, waigen itan althkwi lth kā, waigen lth saouhadan kin unga dung istas ista.

25. Houān kūwē gud nung alth gwutelga dung kings alth dung kāgundang, houītang lā alth kwutunge unga swaunshung ēlthta: kum waikingan edānstlo nung telga dung kings ginkilislānglē ga dung istāshang, waigen nung ta ginkilislungs kētsitlē ga dung istāshang, waigen kētsitnai ā dung ltha istāshang.

26. Yenkien dung lth shūdang, cent ōstliē alth dung giasougē kū, kum tliku stāhā kiak dung is tlingē kāng gaangung.

27. Tlaglu agwi tliku ltha shouan dalung kwudangang, waigen hin ltha shouan, kum lth laaigungāngu, waigen kum lth chaaigungāngu.

28. Tlaou hin dalung shūdang, kīstho nung chada kingung, lā alth tīdiē da il kwudungsken, ltha alth ltha tīdaguns kingānu il kwutungē ā ēlthkīgung.

29. Waigen soolgust dung hangi dung tliditadasken, lthāalgwi washt lth ista, waigen stagan lth dāng: dung āni swaun gougē wautelgu dung an lāgung, waigen kum dung tlu tlikwan hetgwaugē ai isāngshang.

30. Soolgust dung stlē dung tliditadasken, washt lth kētsitla, waigen stagan lth dāng; dung āni swaun gougē dung an lāsi althlā, waigen kum dung tlu tlikwan hetgwaugē ai isāngshang.

31. Houshen, tliku ltha shouan dalung kwudangang, waigen hin ltha shouan, kīstho chā unga dāngung, gwud stāhā ltha itzgē kālungē lā ga il istaēu lāgung.

32. Tlaou dalung shūdang, kīstho chā unga dāngung, kum il lagāanskenan, lagā an lā il tlaoutlang: waigen kīstho nung ltha dāngs inēlgung lā ishin hingānu lā alth tīgādāshang.

33. Tlagu agwi tliku ltha shouan dalung kwudangang, waigen hin ltha shouan: kum agung lth kilth kadungadāngā, waigen tliku Shālānā ga dung shūs kingān lth wauga:

34. Waigen tlaou dalung shūdang, kum kli-

ngān sūtsu giālanu-wāngu : kum shāgē lanu-wāngu, Shānungetlagidas giē aulthkaaungwē isis althlā.

35. Kum hētk tligē lanuwāngu, il stai kuasi langa isis althlā : kum Jerusalem tligē lanuwāngu, nung King ga yūans ilnigē isis althlā.

36. Kum kats unga lanuwāngu, kum tliku katsa saas swaunshung addā isken lth'alth ishin dung tlaoutla tlingē kāng gaansi althlā.

37. Hin lth shūu Āng, Āng : Kāhano, Kāhano : ashgē gūshouwē telgu kin edis kin dāunga an nung itlagidas stāhā iching.

38. Tliku ltha shouan dalung kwudangang, waigen hin ltha shouan : nung hangi ā nung hangi kāgunḡung, waigen zing ki swaunshung ā nung zing kāgunḡung.

39. Tlaou dalung shūdang, kum lth nung dāungas hangtlan istaangu : waigen kīstho soolgust dung kānsita skodastlo hinawē ishin lth lā gwi ēlthta.

40. Nung itlinga lawgē dung an istastlo, waigen kodets dānga il istasken, agwan lth kodets chakūnas ishin dānga il dādi.

41. Kīstho tliga kwīdiē swaunshung gud dung kil kaiitstlo kwīdiē stung gud lā alth kā.

42. Kin da dung alth nung kiānungs lā ga lth ista, waigen kīstho dung alth kin lthakākitung kum lā stāhā hangouāng.

43. Tlaglu agwi tliku ltha shouan dalung

kwudangang, waigen hin ltha shouan, dung kwulth nung naas lth kwoyāda : waigen dung telga nung kings telga lth king.

44. Tlaou dalung shūdang, dalung telga ltha kings lth kwoyādou, waigen kin singētza dalung ltha hāndungdas singelthgūshū :

45. Dalung Aung shā isis kitilung dalung iselgēanā : lth hāada dāunga inku isken, lth hāada lā inku ishin, khuyigēan juiē unga il kākidalatlātidagungung, waigen ltha lā isken, ltha dāunga ishin gwi guiyēanu delē unga il gwououdagungung.

46. Dalung ltha kwoyādas swaunan dalung kwoyādasken, kasin giasou eddu dalung dāashang ? Kum gu giasougununglēilung kingān edāng us ?

47. Touilung hangā swaunan dalung kwaukalthtastlo, kasin lth hāada kalat telgu dalung istang ? Kum gu gwaigangē kalat kingān edāng us ? Kum gu gwaigangē kalat touilung hangā kwaukalthtagungān us ?

48. Dalung Aung shā isis kwutungē glaias kingān lth kwutungē unga glaiado.

Chaptergē Lthūnilth.

TUMAN lth agung kingo, waigen kum lth hāada hangku saouhadan kin unga istaangu ltha kāngēanā : kum waikingān edān-

stlo, dalung Aung shā isis stāhā kum giasougē dalung daāngshang.

2. Altsiilth tlistluan saouhadan kin unga dung istastlo, tliku ltha kwutungēstungs churchnē hudila ā isken, kūkitias ā ishin ēdungs kingān lth kum kwunast agung kin hēgundang lth hāada ltha an yākwudungēanā. Yenkien dalung lth shūdang, giasougē unga ltha istang.

3. Waigen tlistluan saouhadan kin unga dung istastlo, kum stlangust stlē unga anūnshitānda, tliku soolgust stlē unga alth kin dung istasa.

4. Saouhadan kin dānga isis kwulgung gāgēanā : waigen dung Aung wai kingkwolthtasi giasougē washt dung an astlāshang.

5. Waigen tlistluan singelthkang dalung gūshūstlo, kum ltha kwutungēstungs kingān kwutungē unga edāngōga : churchnē hudila ā isken, kū gudi kiatawas kātli ā ishin singelthkang gūshū tlazūgiangē ltha kwoyādang lth hāada ltha kāngēanā. Yenkien dalung lth shūdang, giasougē unga ltha istang.

6. Waigen tlistluan singelthkang dung gūshūstlo, nē hutsu ai lth unga katsi, waigen kūwē wau unga dung daaskitsista, dung Aung agung saalgādas ā lth singelthkang gūshu, waigen dung Aung wai kingkwolthtasi giasougē washt dung an astlāshang.

7. Tlistluan singelthkang dalung gūshūstlo, kum lth hetgwaulana touilung kingān gūshū

kwan lth giandāngōga: ltha gūshū kwans
althlu ltha kil lthanga il kwudungasang ltha
kwudungsi althlā.

8. Altsiilth kum ltha kingān edāngu: dalung
Aung kin ga dalung īstatlas anūnshits althlā
lā alth dalung kiānungsēs kwunastā.

9. Altsiilth adshi kingān singelthkang lth
gūshū: Ītil Aung shā dung isis: agwan lth
kēyi unga kwoyāda: agwan lth kingdom alth-
gwi unga ista.

10. Hētk tligē an dung kwuduns kingān lth
shāgē kingān edē:

11. Shantlan wautliwan singwud tou ītil ga
lth ista:

12. Ītil dāungas kalthshint lth kwutung:
ītil an ga dāungas gē kalthshint talung kwu-
tunguns kingān.

13. Kum ga dāungas gē shū ītil istaldāng,
waigen nung dāungas stāhā ītil kaginda.

14. Lth hāada kin dāunga istas kalthshint
dalung kwutungsken, dalung Aung shā isis
dalung kalthshint ishin kwutungsang.

15. Waigen lth hāada kin dāunga istas kum
kalthshint dalung kwutungānsken, dalung
Aung shā isis kum dalung kalthshint ishin
kwutungāngsang.

16. Altsiilth tlīstluan dalung kīsalstlo, kum
kwutungēstunglēilung hangsahaiḡāḡuns kingān
edāngu: hangi unga ltha kālunḡuns althlā,
ltha kīsals lth hāada kāngēan. Yenkien

dalung ga lth shūgung, giasougē unga ltha dāēlgun.

17. Waigen tlīstluan dung kīsals tlo kats unga lth touda, waigen hangi unga lth tlin;

18. Waigen dung kīsals lth hāada kum kingāngēana. Dung Aung agung saalgādas dung kāngēanā. Dung il kingasang, waigen giasougē washt dung an il daastlāshang.

19. Kum hētk tligē gwau kin kwoyās kinung an gwudingwi lth istatlāngo, giouk stlakum isken, whaudūnā ishin kin tasgwau, waigen giouk kwolthtalēilung kin skokwutuljasken ltha kwolthtagunggwau.

20. Shā tligē gwau kin kwoyās kinung an gwudingwi lth istatlou giouk kum stlakum isken, whaudūnā ishin kin tānsgwau, waigen giouk kwolthtalēilung kum kin skokwutuljānsken kum kwolthtagunānsgwau.

21. Tlitzan kin kwoyās dānga isisken dung kwutungē ishin gu isisang.

22. Ltha tlu annu lth hangi kāsotouāgung: dung hangi lāsken, dung tlu tlikwan hatgā alth stāougāshang.

23. Waigen dung hangi dāungasken, dung tlu tlikwan halga alth stāougāshang. Altsiilth dung hatgā isis halgastlo, kīslu halgagē yūanasin.

24. Kum tliku nung itlinga ētlagida stung an lthāangwiliē klingē kāng gaangung: nung

swaun telga il kingsken, nung kalat il kwoyā-dāsang: nung swaun alth il stungsken, nung kalat ga il gwouāsang. Kum tliku Shānungetlagidas an dalung lthāangwiliē klingē kāng gaangung, waigen dālā an ishin.

25. Altsiilth hin dalung lth shūdang, kum hēninga unga addu kwulthilthāngu: kin talung tāasēs isken, kin talung nilthasēs ishin: tlu unga kin giandasēs ishin. Kum gu tou telgu hēninga edāng us? waigen kum gu kin gian-datlingē telgu tlu edāngus?

26. Kwoking, siēt ettit ichings kum kin tlidzağungāngung: kum kin tlūdungāngung, waigen tou nē ai kum kin tatlingē gwuda ū istağungāngung, waigen dalung Aung shā isisu ltha tanudagungung. Kum gu ltha telgu dalung lāang us?

27. Dalung swaun kwulthilthyūansken, stē kisku hinawē gu il zuwē tlajingēlth us?

28. Kashintlou kin giandatlingē addu dalung kwulthilthgungung: kwulthkadis kātli ā stlakistā tliku inastlatlidzūs addu lth kwulthiltho: kum lthāangwilgungāngung, waigen kum hādang kin tlikādsulangungāngung:

29. Waigen hin dalung ga lth shūgung, Solomon anyākwudungāgang tlo, kum ashgē swaun kingān kin il giandatlidzuāngang.

30. Altsiilth Shānungetlagidas kwulthkadis kātli kun isis kin giandadastlo, aiata kougung, waigen adātlith zanowē ā iching. Kum gu

wautelgu kin dalung il giandadāngashā us?
O klingān dalung yetasgē :

31. Kum hin lth shūāngu, gūshu talung tāasin, gūshu talung nīlthasin : gūshu talung giandāsin, kum lth hin shūāngu, waigen kum addu lth kwulthilhāngu.

32. Ā kin isis wautliwan da gwaigangē wautliwan kingsi althlā. Ā kin isis wautliwan ga dalung istatlas annu dalung Aung shā isis anūnshitung.

33. Kingdom ga lth langa king tlāgangu, waigen kin lā langa isis wautliwan ishin, waigen ā kin isis wautliwan dalung an kwaiundiāshang.

34. Kum adātlth-tligē addu kwulthilhāngu : adātlth-tligē kwodanan adang kwulthilthasang. Sin saasgu kin dāunga alth unga skistliāgun-
gung.

Chaptergē Chigwau.

KUM lth ta ginkilislungāngu, waigen dalung ishin kum ginkilislungāngshang.

2. Altsīlth tliku ginkilislung ed alth dalung ta ginkilislungstlo dalung ishin alth ltha ginkilislungshang : waigen tliku kwīdou ed alth dalung kwīdastlo, dalung ishin alth ltha kwīdāshang.

3. Waigen kashintlou dung kwai hangi ā kinḡiiskuns dung kinḡung, waigen dung hangi ā kin yūan isis alth kum dung kwuskitāngung ?

4. Dung hangi stāhā lthāalgwi kin dī istada hin gu kwai unga dung shūta us? waigen kwo-king kin yūan dung hangi ā īching.

5. Dung kwutungē stungung, hangi unga stāhā lthāalgwi lth kin yūan ista tlāgang, waigen itan kwai unga hangi stāhā lthāalgwi kin dung istiēan yenkien dung an kāngūlāsang.

6. Kin lā isis kum hā ga istaangu, isi ishin kum pearlsgē kwosho kwunast unga katdāngu: stē unga alth wē ī tananungasēsi althlā, waigen dalung gwi hangousken dalung ī ishin hananungasang.

7. Kin da lth kiānungu, waigen dalung daēlthasang: kin da lth kingu, waigen dalung kiāshang: skostaḡouultha, waigen wast dalung an astlāshang:

8. Ltha wautliwan han kin da kiānungsi ū istagunḡung: kin da nung kingsu wū kiāgunḡung, waigen nung skostagasi an wast astlāshang.

9. Kasin nung itlinga ed dalung shu isis il kit shibili da lā alth kiānungskēn, kwau gu lā ga il ista us?

10. Waigen skātlink da lā alth il kiānungskēn, sik gu lā ga il ista us?

11. Dalung dāungaskenan, tliku saouhadan kin las gingangan kitilung ga istiē an dalung ūnshitstlo: kisītlu wautelgu dalung Aung shā isis lā alth ltha kiānungsa ga kin lā istāshang?

12. Altsiulth kin wautliwan lth hāada dalung

an istiē da dalung kwudungstlo, waikingān dalung ishin ltha an lth isto: ou lawgē iching, waigen ga prophetgas gē kālungē ishin.

13. Kwulthkadis kūwē ālthli tūmzu ai lth istalo: hetgwaulana giē kwulthkadazi kūwē ālthlasi althlā: hetgwaulana giē kūwē ishin ālthlāgung, waigen ga kwan ai istalgungung, gēu hetgwaugē ā ltha halistalgung.

14. Kwulthkadazi kūwē tumzūsi althlā, kūwē ishin kityāang, waigen ltha gūgē kūgungung, gēu hēninga ā ltha halistalgung.

15. Ga prophetgas gē kilthkadungasu lamato kinā giandas dalung an istlāstlo, stāhā lth ga gwudagungo, ltha kātli ou hōts saatsa isis althlā.

16. Lthāgiē hānē althlu ltha an dalung ūnshitalthasang. Lth hāada gu wine hānē kin lthkai kī stāhā gwuda istagung us? gu hōtdungal stāhā ishin figsgē gwuda ltha istagung us?

17. Altsīlth kin lthkai las wautliwan hāna lā inastlagungung, waikingān kin lthkai dāungas gud hān dāunga inastlagungung.

18. Kin lthkai las gud kum tliku hān dāunga inastla klingē kāng gaanḡung: waigen kin lthkai dāungas gud kum tliku hān lā inastla klingē kāng gaanḡung.

19. Kin lthkai wautliwan gud kum hān lā inastlānsken ltha skikundalgungung, waigen zano si ltha istagungung.

20. Altsiilth lthāgiē hānē althlu ltha an dalung ūnshitalthasang.

21. Kum ltha wautliwan Shālānā, Shālānā, hin dī shūtas shāgē kingdomgē gu islāngshang : tliku dī Aung shā isis kwuduns kingān nung was swaunan shāgē kingdomgē gu katsāshang.

22. Shantlan ostlastlo, ltha kwan hin dī shūtāshang, Shālānā, Shālānā, kum gu dung kēyi alth tlāgūk talung gūshūāngudja? dung kēyi alth kum gu kin an kaldunga talung tlaoutlāngudja? waigen dung kēyi alth kum gu ga hetgwaulanagas gē kiak talung dāngāngudja?

23. Waigen hin ltha lth shūtāshang, kum dalung an dī ūnshitāngung, dī stāhā lth issu kin dāunga dalung istas althlā.

24. Altsiilth kīstho ashgē gūshouwē dī na kwudungsken, waigen kingān il wausken, nung itlinga kutungā tīsh inku nē tlaoutlaiang kingān lā lth edāsang.

25. Waigen dela gūouang, hānlth kāgang, tatjouwē attawaiang, waigen wadshi nē inku attaouang, waigen kum khōhunzāngani, tīsh inku nē idjāni althlā.

26. Ltha wautliwan ashgē gūshouwē dī na kwudungsken, waigen kum kingān nung wāngsken, nung kōnungala tās inku nē tlaoutlaiang kingān lā lth edāsang.

27. Waigen dela gūouang, hānlth kāgang, tatjouwē attawaiang, waigen wadshi nē inku

attaouang, altsiilth nē khōhunzaiang, yenkien ū khōhunza yūanāni.

28. Jesus ashgē gūshouwē tlanēlthtaianglu, ltha skūlas kin il skadadaiang an ltha kaldunḡang.

29. Kin wautliwan an nung ūnshitungs kingān kin ltha il skadadaiang althlā, waigen kum ta kālunḡlēilung kingān il edāngang.

Chaptergē Stanshungā.

TLĪSTLUAN lthdouwē stāhā il kātlatālānitlo, ltha skūl yūan lā tlā istiēdang.

2. Waigen kwoking, nung hēlōda lā an kātlagang, waigen hinu singelthkang il gūshouang: Shālānā, dung kwudungstlo, kwunan dī dung tlaskwunagelthasang.

3. Stlē unga il jistlaiang, waigen lā il gidsgildasken hinu il shouan, kingān lth waushang, skwunageltha: waigen houītang hēlōda langa skwunagālang.

4. Waigen Jesus hin il shūtaiang, kum nung itlinga swaunshung ga lth shūdāng: kūwē gud lth unga kaiit, waigen nung laplētga lth agung kingda, waigen tliku Moses takingwoḡangang kingān saouhadan kin lā ga lth ista.

5. Tlīstluan Capernaum tligē gu il kātlagang tlo, Soldiers lagwau klēlth an nung itlagidāgang lā an kātlagang, waigen hinū lā alth il kiānangang:

6. Shālānā, dī kitzadalung swaun annā tīdang, stigliida alth il stigung waigen il w̄hauagūngung.

7. Waigen Jesus hin il shūtaiang, lā lth tlatagwiēlāshang.

8. Waigen Soldiers lagwau klēlth an nung itlagidas hin hangtlan shouan, Shālānā, kiagin nē shāshi hetgwi dung katsiēannu kum dī lāngung. Kil unga alth swaunan lth shū, waigen dī kitzada nūngistlāsang.

9. Nung itlagida hangast nung itlinga ed dī isis althlā, waigen kiagin Soldiersgē ishin dī hangast ēdung : anis hin lth shūdang, kaiitla, waigen il kaiitaḡungung : nung kalat hin lth shūdang, halūt, waigen althkwi il kāḡungung : waigen kitzada unga hin lth shūdang, adshi lth ista, waigen kingān il wauḡungung.

10. Tlīstluan Jesus kwudangāni tlo il kwulthlthālang, lā tlā ltha istals hin il shūtaiang : yenkien dalung ga lth shūḡung, Israel tligē gu anung yetayūans kum hin lth kīānḡun.

11. Waigen dalung lth shūdang, ltha skūla hougūst stāhā istlāshang, chāḡūst ishin : waigen Abraham isken, Isaac ishin, Jacob ishin kwulthlu ltha tuadāshang shāḡē kingdomgē gwau.

12. Waigen kingdomgē kitilung kiak halga ā dānḡashang, giouk sahaigasēsi gwau, waigen zing unga kokopitasēs ishin.

13. Jesus hin Soldiers lagwau klēlth an nung itlagidas shutaiang, kūwē gud lth unga kaiit, waigen tliku dung yetas kingān dung an

edasang. Yenkien ashgē askaskitē glu il kitzada nūngistlaiang.

14. Tlistluan Jesus Peter giē nē ik katsaiang tlo, il jūnan stikīna alth stigang il kāngang.

15. Waigen il stlē il gidsgildaiang, waigen stikīna gē lā stāhā hēlouang: waigen il kātluang ken tou ltha ga il istaiang.

16. Waigen singyāstlo, lth hāada kwan hetgwaulana alth stāouwas lā ā ltha kēlthilangang, waigen kil unga alth hānts dāungas kiak il dāngang, waigen ltha stis wautliwan il tlanūngistlaiang.

17. Tliku nung Prophetgas Isaiah shouan kingānu edāni, waigen hinū il shouan: itil stisu lā kwodanan istaiang, waigen itil helthilthkiasu il wunaḡungḡung.

18. Wēata, tlistluan Jesus ltha skūla yūan addūlthkang il kāngāni tlo, ingwik ltha il istasālang.

19. Waigen takalunglē swaun kātḡangang ken hin lā il shūtaiang, Nungītlagidas, tlitzan dung kās kingān dung tlā lth kāshang.

20. Waigen Jesus hin il shūtaiang, nakadziū nē daang, waigen siēt ettit isis lthtelgē daang, waigen nung itlinga kit kum tlitzan il kats kēyūda klingē il daāngḡung.

21. Waigen lagagahatijangē kalat hin il shūtaiang, Shālānā kwai lth aung unga dī tlēēwau tlāganda.

22. Waigen Jesus hin il shūtaiang, dī tlā lth

kā, agwan ltha kwotalthgiē ltha kwotalthgas unga tlēēwauda.

23. Waigen tlistluan kontluwē gwi ī il kātli-gāni tlo, lagaga hatijangē ishin lā tlā istliḡang.

24. Waigen kwoking, tungē ā aiyūdstl' yūanan, waigen aiyuwē kontluwē telgu gūstla-gāngang : waiken il kattaiang.

25. Waigen lagagahatijangē lā kwulth istzaiang, waigen lā ltha tlaskinaiang, waigen hin ltha shouan : kagindaltha, Shālānā itil gūdalung.

26. Waigen hin ltha il shūtaiang, kashintlou dalung lthwaugaḡungung? O klingān dalung yetang! Itan il kātluang ken, tatjouwē isken tungē ishin il stitaiang, waigen wadla glaiad yūanan.

27. Waigen lth hāada kaldungāḡang, waigen hin ltha shouan : kasin nung itlinga edū ā iching. Yenkien tliku il shūs kingān tatjouwē isken tungē ishin iching.

28. Waigen tlistluan Gadarene tligē gu il tlu kātlatājāni tlo, lth hāada stung hetgwaulana alth stāouwas lā an istlāgang : giouk tlēēwas stāhā lā an il istlaouang. Yenkien il kātliyil dung gīuḡangang, altsiilth kum tliku nung itlinga wadshi kūwē gud kā klingē kāng gaangang.

29. Waigen kwoking, kwunan il hin sahaigaouang : kasino dung talung edāshang, Jesus? Shānungetlagidas kit dahou iching : timegē

kwunast hetgwaugē ik itil dung dāngēan gu itil an dung kātālā us ?

30. Waigen ltha stāhā wadshgwau agwi kwosho kwan lthtanouang.

31. Altsūilth ga hetgwaulanagas gē hin lā alth kiānung tlīdzouang: kiak itil dung dāngsken, kwai lth kwoshougē kātliā itil kil istiēd.

32. Waigen hin ltha il shūtaiang, istiēdulthā. Waigen tlīstluan ltha issāgang tlo, kwoshougē kātli ik ltha istzaiang, altsūilth kwoshougē wautliwan stelahans stāhā tungē ik khūdjangaiang, waigen hānlthē ā akkītūkōodzouani.

33. Waigen tuman ga kāngang gē ishin khūstaiang, waigen ilnigē ā il istiēdouang: kin wautliwan alth il giatlindaouang, tliku hetgwalana alth ltha stāouwaiang alth il giatlindaouang.

34. Waigen kwoking, lana asku hāada kiak issāgang Jesus an ltha istlāgēanā: waigen tlīstluan lā ltha kāngāni tlo, skwausgiou stāhā lthanga il kaiitē da lā alth ltha kiānangang.

Chaptergē Klāalthswansingū.

WAIGEN kontluwē gwi il kātligāni, waigen ingwīk ā il tlu kātijang, waigen ilnigē gu unga il askidāni.

2. Waigen kwoking, nung itlinga stiglīda

alth sti lā ā ltha istaiang, waigen tīdādunē inku unga il tīdaiang: Jesus ltha yetas kāngāni tlo, nung stiglīidas hin il shūtaiang, Lth-kin, kwutungē unga lth kladskādi, dung dāungas gakakungung.

3. Waigen kwoking, takālunglēilung itli hin gwu shūtaḡangang: anung itlinga isis gūshou dāunga shūdang.

4. Waigen Jesus tliku ltha kwulthilths anūnshitalthsken, hinū il shouan, kashintlou kwutungē unga alth kin dāungas an dalung kwudungung?

5. Kinaso yāngulang hin shouḡēḡwau, dung dāungas gakakungung: kātlūultha waigen lth kaiit hin shouḡēḡwau?

6. Waigen nung itlinga kit hētk tligē gu kin dāungas gakungēan tagwias an dalung ūnshitēana, (altsīlth itan nung stiglīida alth sti hin il shūtaiang) kātlūultha, waigen tīdādunē unga lth ista, waigen nē gwi unga lth kaiit.

7. Waigen il kātlouang, waigen nē gwi unga il stēlang.

8. Waigen tlistluan ltha skūlas kāngāni tlo, ltha kaldungāgang, waigen Shānungetlagidas an ltha yākwudangang, ā kin tagwiā isis lth hāada ga il istaiāni althlā.

9. Tlistluan Jesus stāhā kaiitāni tlo, nung itlinga il kāngang, Matthew hinū il kēyaiang: giouk ltha giasougunungs gu il kouwaiang:

waigen hin lā il shūtaiang, dī tlā lth kā. Waigen il kātluang ken lā tlā il kaiitang.

10. Waigen tlīstluan Jesus anis giē nē ā il lthatanouan kouwaiang tlo, giasougunungā lēilung kwan isken, ga dāungas gē ishin istlāgang, waigen Jesus isken, lagagahatijanḡē ishin alth ltha tluadaiang.

11. Tlīstluan Pharisee hāadē kāngang tlo, lagagahatijanḡē hin ltha shūtaiang, kashintlou dalung itlagīda giasougunungā lēilung isken, ga dāungas gē ishin alth lthtanūḡung?

12. Waigen tlīstluan Jesus kwudāngāni tlo, hin ltha il shūtaiang, ga althlings gē kum doctor gustatlāḡunganḡung: ga stis gē swaunan doctor gustatlaḡunḡung.

13. Altsīlth lth istiēdo, waigen tliku lth shūs lth skado, kalthshint dī kwutungsang, waigen tagiāsa lth kum: kum ltha lā an aiyingē an lth kātlanḡun: ga dāungas gē kwutungē unga stīlthtiēanu lth kātlatālgun.

14. Itan, John gagahatijanḡē lā an istlāgang, waigen hin ltha shouan: kashintlou talung isken, Pharisee hāadē ishin kīsal kwanḡung, dung gagahatijanḡē tlo kum kīsalānḡung.

15. Jesus hangtlan hin ltha shūtaiang, nung chādunēlths houān ltha alth stungstlo, nung lainēlths touilung gu nē kātli ā sahaigaḡung us? Shantlanē althkwi isisang, waigen nung chādunēlths ltha stāhā ltha istāshang, itan ltha kīsalasang.

16. Kum nung ītlinga gioung houtla kin giandatlingē kīgā ā gwushgītlingāngung: kin giandatlingē kīgā stāhā gioung houtlas ī hananungasēsi althlā, waigen kin giandatlingē ī hananungs wu kin dāungēdsang.

17. Isi ishin, kum lth hāada winegē houtla kalk kīgā ī istaḡungāngung, kalkē hustasēsi althlā, waigen winegē kwaukunuzāshang, kalkē ishin gūashang. Winegē houtla kalk houtla ai ltha istaḡungāngung, waigen stungan kaḡungāngung.

18. Houān ashgē ltha ga il shūdagundang, kwoking, nung ītlagida swaunshung kātīāgang, waigen lā ā singelthkang il gūshouang: hinū il shouan, dī gwudjana wēata yenkien kwotalgung, alth kwik lth kā, waigen stlē unga lā inku ista, waigen il hēnanstlāsang.

19. Jesus kātīouang ken lā tlā il kaiitang, waigen lagagahatijāngē ishin kingān idjan.

20. Waigen kwoking, nung chada tada klā-alth wok stung kaginistāaiang lā tlā kātīāgang, waigen kin il giandas kiēkwun il gidsgildaiang.

21. Agung hin il shūtaiang, kin il giandas swaunan lth gidsgildastlo dī kaguntlingaḡung hinū il kwudangang.

22. Jesus lā gwi hangouang, waigen lā il kingstlo, hinū il shouan, dī gwudjangs, kwutungē unga lth wausaaskita, dung yetas althlu dung kaḡungāngung: waigen ashgē askaskitē gud anung chada is kagānang.

23. Tlīstluan Jesus anung itlagidas giē nē ik katsaiang tlo, ltha hūkingans il kāngang, waigen lth hāada takoukwudas ishin.

24. Hin ltha il shūtaiang, kwai lth edo, anung hāchadas kum kwotalāngung: laou katdang: waigen ltha wautliwan lā alth ltha kilthnangang.

25. Tlīstluan lth hāada kiak il istaiang tlo ī il katsaiang: il stlē lā il douang, waigen anung hāchadas kātluang.

26. Adshi tligē askwan gud ashgē giatlingē kinā kokgustlowaiang.

27. Stāhā il kaiitāni tlo ltha hangkagas stung lā tlā istalang, waigen hinū il shūouang, itil kalthshint lth kwutung, David Kitu dung iching.

28. Tlīstluan nē ik il katsaiang tlo, ltha hangkagas stung lā an istlāgang, waigen Jesus hin il shūtaouang, adshi lth tlaoutliē an dī tagwias gu dalung yetē? Waigen hinū lā il shūtaouang, āng Shālānā.

29. Wadlu il hangi il gidsgildaouang ken hinū il shouan, tliku dalung yetas kingānu dalung an edasang.

30. Waigen il hangi helthilthkaouang, waigen Jesus il kīngwoḡungouang kum nung itlinga anūnshitāngwang.

31. Waigen stāhā il istiēdouang tlo, adshi tligē askwan gud giatlingē langa kinā kokgustlowaiang.

32. Waigen itan il issougundang, nung itlinga kil gūdsias hetgwaulana alth stāougas lā ā ltha istaiang

33. Tlistluan hetgwaulana kiak il dāngstlo, anung kil gūdsias tuman kilthgūlaiang, waigen ltha skūlas kaldungāgang, waigen hin ltha shouan, tlaglu Israel tligē gwau kin wēata talung kingsa kingān kum kin edāngāni

34. Pharisee hāadē hin shouan, ga hetgwau-lanagas gē an nung princegas kalthgud ga hetgwaulanagas gē kiak il dāngung.

35. Waigen Jesus ilnigē wautliwan ai isken, lana wautliwan ai ishin kaouangang: churchnē hudila ai lthanga isis ā kin ltha il skadada-gāgang, waigen kingdomgē giatlingē las alth tlāgūk il gūshūgāgang, waigen ltha helthi-lthkiā wautliwan isken, lth hāada sti wautliwan lth hāada shūwīt isis ishin il tlanūngistla-gāng.

36. Tlistluan ltha skūlas il kāngāni tlo il kwutungē sahailthlaiang, ltha hāagāgang althlā, waigen lamatoē kētsitlē kum ltha daānguns kingān tligwanan ltha istalgūngāngāni althlā.

37. Altsīlth lagagahatijangē hin il shūtaiang, yenkien takwula kwanḡung, tatliidlēilung tlou gūhutsūgung

38. Tākwulas hansta singelthkang Shālānā ā gūshū tatliidlēilung tākwula ā unga il kil istiēdēanā.

Chaptergē Klāalth.

LAGAGAHATIJAŅĒ klāalth wok stung āgang an il aiyangan tlo, hānts kum skwunaans telgu tagwiē lā ga il istaouang, kiak ltha il dāngouēanā : waigen gwudila helthilthkiā ed wautliwan isken, gwudila sti ed wautliwan ishin il tlanūngistlouēanā.

2. Waigen ga apostlegas gē klāalth wok stung kēyi ā iching : Simon kwuniāgang, Peter ishin hinū il kēyāgang, waigen Andrew il tuan ishin. Zebedee kit James idjan, waigen John il tuan ishin :

3. Philip isken, Bartholomew ishin, Thomas ishin, waigen Matthew nung giasougunungs, James ishin Alphaeus kit il idjan ken Lebbaeus ishin, Thaddaeus hinū il kēyāgang :

4. Simon Canaan hāadāgang, waigen Judas Iscariot ishin : anis lā alth giadāgang.

5. Ashgē klāalth wok stung Jeşus kil istiē-dang, waigen ltha il kingwoġangang : tliga kalat hāada giē kūwē gud isken, Samaria hāada giē ilnigē gu ishin kum istalāngwang.

6. Israel hāada lamatoē gūġuns kingān eds ā lth istalo.

7. Waigen houān dalung istalgundang hin tlāgūk lth gūshū, shāgē kingdomgē dūngā-gung.

8. Ga stis gē tlanūngistlōga : ltha kwotalth-

kias ishin lth kätlūdōga: ga hēlōdas gē tlas-kwunagelthōga: waigen ga hetgwaulanagas gē kiak lth dāngōga; saouhadan kin dalung istas kingān lth saouhadan ltha ga kin istowang.

9. Gold isken, dālā ishin, nukanadz ishin kum lth gwaule ai unga istaangu.

10. Dalung istiēdstlūth, kodets sis stung isken, staskoga ishin, taska ishin kum lth wundiāngo, nung lthāangwilastlo tou il istiē lāsi althlā.

11. Waigen tlītzan lana yūan isken, lana hutsu ishin gu dalung istlāstlo, gu nung lagē da alth kiānungo, waigen lā kwulth lth isōga, stāhā dalung istiēdē kū.

12. Waigen tlīstluan nē ai dalung istzastlo hangā lth kwaugulthtōga.

13. Waigen nē lāsitlo agwan wau inku dalung kwutungē glaias lth istōga: waigen kum lāngstlo dalung kwutungē glaias agwan unga gwigang lth stilthtōga.

14. Waigen kīstho kum dalung istānstlo, waigen kīstho kum dalung kil kwudungānstlo, tlīstluan wadshi nē stāhā dalung isistlo: waigen ilnigē stāhā ishin; stē unga stāhā lth kwiē gūidowang.

15. Yenkien dalung ga lth shūgung, altsgē ilnigē telgu Sodom tligē isken, Gomorrah tligē ishin lāsang ginkilislungē shantlanstlo.

16. Kwoking, hōts shūi lamato īchings kingānu dalung lth kil istiēdung: altsūilth sik

kingān lth agung kutungādōga, waigen kaltsida kingān lth agung kungkwutungdōga.

17. Waigen lth hāada stāhā ltha ga gwudagungōga, councilgē ā dalung ltha istaḡunasēs althlā, waigen churchnē hudila lthanga isis ā dalung ltha skidunḡungashang.

18. Āng, waigen dī hagunan governorgas gē isken, ga king gas gē ishin ā dalung ltha istaḡungasang, waigen ltha an isken, tliga kalat haādē an ishin dalung witness gāḡungasang.

19. Waigen tlistluan kētsit nai ā dalung ltha istastlo tliku dalung gūshūasēs addu kum lth kwulthilthāngowang: wadlu askaskit ēlthsitlu tliku dalung gūshūsēs dalung ga lth istasēsi althlā.

20. Kum dalung gūshūānsi althlā, dalung Aung hāntsu dalung kātli ā isis gūshūasang.

21. Nung kwaiu tuan unga kwotal ā istāshang, waigen nung aung ishin kit unga kwotal ā istāshang, ltha kitilung ishin yāalung an kātliyildāsang, waigen kwotal ā ltha ltha istāshang.

22. Waigen dī kēyi hagunan lth hāada wautliwan dalung telgakingasang, waigen nung kwutungē kladska gūisitlo laou kagunasang.

23. Tlistluan adshi ilnigē gu kin singētza dalung ltha hāndungdastlo, houītang ga kalat ā istiēdwang; yenkien dalung lth shūdang, nung itlinga kit houshen kātāsēs kū Israel ilnigē wautliwan ai kum dalung istalāngshang.

24. Nung ganung tlitasisu kum itlagīda unga telgu edungāngung, waigen nung kitzada ishin kum itlagīda unga telgu edungāngung.

25. Nung ganung tlitasisu isken, nung kitzada ishin itlagīda unga kingān edgē lāgungung: nē lē Beelzebub hin ltha kēyādashang, ltha wautliwan lagiē nē ā isis wautelgu Beelzebub hin ltha kēyādāshang.

26. Altsiilth kum ltha ga lth lthwaugāngu: kin wautliwan lthtelgasu kāngēlthasēs althlā, waigen kin wautliwan saalgas an ltha ūnshitalthasang.

27. Tliku halga ā dalung ga ltha shūs lth hatgā ā shūdo: tliku kū unga alth kin dalung kwuduns lth nās inku ltha gūk shūdo.

28. Kum ltha tlu ltha tlitasgē ga lth lthwaugāngu kum ltha hātlandē ltha tlitatlingāns althlā: wautelgu ltha hātlandē isken, ltha tlu ishin nung tlitas ga dalung lthwaugiē tlou lāgung: yenkien hetgwaugē ā ltha hātlandē nung tlitas ga lth lthwaugo.

29. Kum gu kwutsugu stung cent swaunshung ā ltha istagungan us? waigen dalung Aung ādang kum tligē ingwi swaunshung gluiāngshang.

30. Katsa wautliwan dalung kats ai kous kwaiundiāgung.

31. Altsiilth kum lth lthwaugāngu, kwutsugu kwan telgu dalung kwoyāgung.

32. Altsiilth kīstho lth hāada wautliwan

hangku dī hansta shūasang, tlaou ishin dī Aung shā isis hangku lā hansta shūasang.

33. Waigen kīstho lth hāada wautliwan hangku dī da kadāstlo, tlaou ishin dī Aung shā isis hangku lā da kadāasang.

34. Hētk tligē gu kwutungē glaia hanshūtiēan lth kātālāthling lth kum kwudungāngu: kwutungē glaia hanshūtiēan kum lth kātālātā-lthāngun: tlan sitz swaunan hētk tligē gu hanshūtiēan lth kātālālgun.

35. Nung ītlinga kwutunga kalat aung unga an istiēan lth kātālālgun, waigen nung gwudjan ou unga an ishin, waigen nung kit chā jūnan unga an ishin kwutunga kalat istiēan lth kātālālgun.

36. Nung ītlinga telga ltha kings lagiē nēzai iching.

37. Aung unga isken ou unga ishin dī telgu nung kwoyādasken kum dī an lāngung: waigen kit unga isken gwudjan unga ishin dī telgu nung kwoyādasken kum dī an lāngung.

38. Waigen skaumā unga kum nung istānsken, waigen kum dī tlā il kāngsken, kum dī an lāngung.

39. Hēninga unga nung kiasu wau gūdāshang, waigen dī hagunan hēninga unga nung gūdasu wau kiāshang.

40. Dalung nung istasken dī ishin il istang: waigen dī nung istasken dī nung kil kaiitsu ishin il istang.

41. Nung prophetgas kēyi alth nung prophetgas nung istasken, nung prophetgas giē giasougē il istāshang : nung las kēyi alth nung las nung istasken, nung las giē giasougē ishin il istashang.

42. Nung ganung tlitasisu kēyi alth kīstho skatlangwē ska swaunshung alth hānlth tadas ā lth hihudila swaun ga skatlasken, yenkien dalung ga lth shūgung, kum tliku giasougē unga il gūda klingē kāng gaanḡung.

Chaptergē Klāalth wok Swaunshung.

TLĪSTLUAN Jesus lagagahatijanḡē klāalth wok stung il kingwogung ēlthtaiang tlo, stāhā il kaiitang : lthagiou ilnigē gu kin ltha il skadadiēanā waigen tlāgūk il gūshūēanā.

2. Wadlu John kētsit nē ā idjan : tlīstluan Christ lthāangwiliē il kwudāngāni tlo, lagagahatijanḡē stung il kil istiēdang, waigen hin lā il shūtaiang :

3. Nung kātlātalhtals dahou gu is? nung kalat gu talung kiatsū us?

4. Waigen Jesus hin hangtlan il shūtaouang, istiēdūltha, waigen ou kin dalung kwuduns isken, kin dalung kingsa ishin John ga lth shūdo :

5. Ltha hangkagasu houshen kin kingēdung : ltha kwollo kodasu istalgungēdung : ga

hēlōdas gē skwunagelgung, ltha kūdunas ishin kin kwudungēdung: ltha kwotalthkia katlougudungung, waigen ltha kuniskidēgas kū gu giatlan las alth ltha gūshūgungung.

6. Waigen laou wausaaskitashang kum dī an nung kwutungē dāungānstlo.

7. Il istiēdouang silīd Jesus ltha skūlas ga tliku John edang alth giatlindiēdang, waigen hinū il shouan, gūshū dalung kāngēanu tliga dāunga ā dalung istiēdang? Kun chits tatjou alth hūyhildungs gwau?

8. Gūshū dalung kāngēan tlou ā dalung idjan? Nung itlinga kin lthtanā giandas gwau? Kwoking kin lthtanā ltha giandasu ga king gas gē nai ā iching.

9. Gūshū dalung kāngēan tlou ā dalung idjan? Nung prophetgas gwau? Yenkien dalung lth shūdang, nung prophetgas telgunung eds dalung kingāgang.

10. Laou ā iching nung kālungasa: kwoking, dung hangku giatlinlē unga lth kil kaiitang, waigen dung kwunast dungīē kūwē il ēlthkidāshang.

11. Yenkien dalung ga lth shūgung, ltha chāada kaiawas shu kum John the Baptist telgunung edāngung: wauhangast nungihutsūs shāgē kingdomgē gu isis tlou lā telgu ēdung.

12. John the Baptist giē shantlanē stāhā wēat an kūelthkang lth hāada kwutungē klad-

ska shāgē kingdomē ltha skokutanḡung, waigen ga skokutanḡē kladska gwi ū kāēlgung.

13. John kū prophets wautliwan isken lawgē an ishin kin isungkasas shūtaiang.

14. Waigen istiē da dalung kwudungstlo Elijah ou īching, waigen houshen il kātālātalongkashang.

15. Kin kwudungūḡ kū nung daas lth agwan il kwudungda.

16. Gūshū kingānu adshi gwudista kangē lth edāshang? giouk kin alth ltha waddas ā lth hihudila tluadaguns kingānu ltha ēdung, waigen gwudga ltha kiāganḡungḡung.

17. Waigen hin ltha shūḡungḡung, dalung an talung hūkinganḡung waigen kum dalung yhētlthānḡung : dalung ā talung sahaigung, waigen kum dalung kagininaānḡung.

18. John kātālāgang tlo kum il lthtanuāngang, waigen kum il anīlthāngang, waigen il hetgwaulana gang ltha shouan.

19. Nung itlinga kit kātālāgang tlo, il lthtanuḡung, waigen il anīlgung : waigen kwoking, hin ltha shūḡung, kwotagalē isken winegē nēillē ishin il īching. Giasougununga lēilung isken ga dāungas gē toui il is hin ltha shūḡung. Kin kutungas kitilung tlakutungelgung.

20. Itan ashgē ilnigē gu lthāangwila an kaldunga kwan il tlaoutlaiang, waigen il gūshūsaatsḡūḡung kum kwutungē unga ltha stilthtaangāni althlā.

21. Chorazin tligē, dung an kin ga lthwōgī-gāsang : Bethsaida tligē, dung an kin ga lthwō-gīgāsang ; dalung gu lthāangwila an kaldunga lth tlaoutlagun kingān Sodom tligē gu isken, Gomorrah tligē gu ishin lth waugastlo, tlaglu agwi whaustagwāth isken haiit ishin alth ltha kwutungē stīlths gaiaungung.

22. Altsiilth hin dalung ga lth shūgung, ginkilislangē shantlanstlo, Sodom tligē isken Gomorrah tligē ishin dalung telgu lāsang.

23. Waigen dahou Capernaum tligē, shā tligē an agung dung yūandung : yenkien he-tgwaugē ā dung edālthasang : dung gu lthā-angwila an kaldunga lth tlaoutlagun kingān Sodom tligē isken Gomorrah tligē gu ishin lth waugastlo, ashgē shantlanē kū isgaiaungung.

24. Yenkien dalung ga lth shūgung, ginkilislangē shantlanstlo, Sodom tligē dung telgu lāsang.

25. Wadlu Jesus hin hangtlan shouan, tungā lth killāgung O Aungā : shā tligē isken hētk tligē ishin an dung Shālānā gāgung : ā kin isis ga kutungas gē isken tagan ga kwutajūs gē ishin stāhā dung saalgāngāni althlā, waigen lth hihudila dung kingdaḡangang.

26. Āng Aungā, dung hangku ā kin isis lāyūanāni althlā.

27. Dī Aung kin wautliwan dī ga istagun, waigen kum nung itlinga il kit anūnshitāngung tlan il Aungē swaunan : altsiilth kum nung

itlinga il Aung anūnshitāngung tlan il kit swaunan, waigen il kit Aung unga nung isis kingdastlo il Aung an il ūnshitalthasang

28. Dalung lthāangwilas isken, dalung ga kukinas ishin dī ā lth isso, waigen anshanzouta dalung ga lth istāshang.

29. Kiagin hellthkulthkitlanuwē inku lth gang isto, waigen dī lth skado, dī kungkwutungas althlā, waigen dī kwutungē ishin hēt ēdung, waigen hātlandē unga an anshanzouta dalung kiāshang.

30. Kiagin hellthkulthkitlanuwē yāngulas althlā, waigen kin lth wunḡungs ishin kiang.

Chaptergē Klāalth wok Stung.

A SHGE timegē gud sundigāgang tlo, Jesus corn kwulthkadazi kalthgwīd kāgang, waigen lagagahatijanḡē kwotagālang, altsiilth corngē kal ltha dunḡiīdang ltha tāan.

2. Tlīstluan Pharisee hāadē kāngang tlo hin lā ltha shūtaiang, kwoking sundigastlo dung gagahatijanḡē tliku kingwoguns shūs kingān kum wauāngung

3. Hin ltha il shūtaiang, tliku David wau-gang kum gu dalung readadāngudjang tlīstluan il kwotagālang tlo waigen lā alth ltha idjan gē ishin :

4. Yenkien Shānungetlagidas giē nē ai il

katsaiang, Shālānā giē shibiligē il tāgang, waigen kum il tāgēan lawgāngang, waigen lā alth ltha idjan gē ishin. Tlan laplētgas gē an swaunan idjāni.

5. Kum gu lawgē ā ishin an dalung reada-dāngudjang? Sundigastlo laplētgas gē churchnē yūans ā sundiga tlaoulthdāungūnsā, waigen ltha kwudou lāgung.

6. Tlaou hin dalung shūdang, churchnē yūans telgu nung swaunshung eds ādlun iching.

7. Kalthshint lth kwutungsang, waigen tagiāsā lth kum. Tliku adshi edgē an dalung ūnshitalstlo lth hāada kum kin dāunga istāns kum dalung ginkilislungs gaiahāngung.

8. Nung itlinga kit altsiilth sundiga ishin an Shālānā gāgung.

9. Tlistluan il kaiitan tlo churchnē hudila ai lthanga il katsaiang.

10. Waigen kwoking nung stlē yilgalā ā idjāni, waigen hin lā alth ltha kiānangang, sundiga ai lth hāada tlanūngistliē gu lā us? lā an ltha gakilskulthliēanā.

11. Waigen hin ltha il shūtaiang, nung itlinga dalung shu isis lamato swaunshung il daastlo, sundigastlo kin hēla ā il gluīsastlo kum gu stāhā lā il dungtliststāngashā us?

12. Altsiilth lamato swaunshung telgu nung itlinga kwoyāgung: altsiilth sundiga ai kin lā istiē ū lāgung.

13. Itan hin nung itlingas il shūtaiang, stlē

unga lth jistli, waigen stlē unga il jistlaiang, waigen hinawē gē kingānu langa lagālāni.

14. Waigen Pharisee hāadē issāgang, waigen tliku lā ltha tiatlidzuasēs eddēid ltha kaoukgā-gang.

15. Tlistluan Jesus anūnshitālang tlo stāhā il kaiitang, waigen ltha skūla yūan lā tlā istiē-dang, waigen ltha wautliwan il tlatagwiēlgan-gang,

16. Waigen kum hanstagang ltha il shūal-thāngang.

17. Tliku Isaiiah nung Prophetgas shouan kingānu edāni, waigen hinū il shouan :

18. Kwoking dī kitzada isis lā lth kīang : lā lth kwoyādung : waigen lā alth dī kwutungē lāgung, altsiilth hānts unga lā inku lth istā-shang, waigen ginkilislang tliga kalat hāadē il kingdāshang.

19. Kum il gūshū saatsgāāngasang, waigen kum il sahailthāngasang, waigen kūkit ā kum nung itlinga swaunshung il kil kwudungāng-sang.

20. Kun chits whaundals kum il tlawhauāng-shang, waigen kinēsta aiyoudastlas kum il tlakilthāngasang : lth hāada wautliwan il ginkilislungs silid lā gwikāēlthasang.

21. Il kēyui tliga kalat hāadē yetāshang.

22. Wadlu hetgwaulana alth nung stāougas lā ā ltha istaiang, il hangkagāgang ken il kil gouang, waigen lā il tlanūngistlaiang, altsiilth

nung hangkagas kil gūs gūshouang, waigen kin il kāngang.

23. Waigen lth hāada wautliwan kaldungāgang ken hin ltha shouan, kum gu David kit ā isāng us?

24. Tlīstluan Pharisee hāadē kwudangāni tlo, hin ltha shouan: anung ītlinga Beelzebub alth stungung, waigen Beelzebub ga hetgwaulanagas gē an Prince gāgung, altsīlth lā alth ga hetgwaulanagas gē kiak il dāngung.

25. Tliku ltha kwudungs an il ūnshitālang tlo hin ltha il shūtaiang, kingdomgē wautliwan gū istasken hēlō odzūashang: waigen ilnigē wautliwan isken nāa an ishin gu istasken kum tlazūgiangāngshang.

26. Waigen hetgwaulana hetgwaulana an kiak dāngstlo, kasino itan kingdomgē langa giangtlidzūashang?

27. Beelzebud alth ga hetgwaulanagas gē kiak lth dāngstlo, kīst althlu dalung kitilung ga hetgwaulana gas gē kiak dāngungung? altsīlth dalungīē ginkilislung lēilung ltha isisang.

28. Shānungetlagidas hānts alth ga hetgwaulanagas gē kiak lth dāngstlo, yenkien Shānungetlagidas giē kingdomgē dalung an edatlā tlingāgung.

29. Kasino nung ītlinga tagwias giē nē ai nung katsa tlidzoutlingāgung, kin ai langa il skininungēanā? nung tagwias il kētsrust tlāgangstlo itan kin ai langa il skininungasang.

30. Kum dī alth nung isāngs dī hanlthā il ēdung : waigen kum dī alth gwuda kin nung istānsu tligwanan hagwudjangung.

31. Altsiilth dalung ga lth shūgung, kin dāunga gwudila ed wautliwan isken, gūshou dāunga gwudila ed wautliwan ishin lth hāada an dalung istas gakakungasang : waigen Hānts Las ā ginggangan gūshouwē lth hāada shūtas kum gakakungāngsang.

32. Waigen kīstho nung itlinga kit ā ginggangan gūshou ed shūtasken lā gakakungasang : waigen kīstho Hānts Las ā ginggangan gūshou ed shūtas kum gakakungāngsang, adshi tligē gwau isken, tligē isungkasas gu an ishin kum lā gakakungāngsang.

33. Kinlthkai tlalāgelth, waigen hānē langa lāsang : kinlthkai tladāunged, waigen hānē langa dāungasang : kinlthkai hānē althlu an itil ūnshitung.

34. O sik gwudistakāngē, dalung dāungang : kasino dalung dāungas gūshou lā shūta tlidzūgung? ltha kwutungē ā kin isis stāhā ltha hēlthli gūshūsi althlā.

35. Nung itlinga las il kwutungē ā kin lā isis stāhā lthāalgwi kin las il istaḡungung, waigen nung itlinga dāunga il kwutungē ā kin dāunga isis stāhā lthāalgwi kin dāunga il istaḡungung.

36. Altsiilth dalung ga lth shūgung, lth hāada kil skunsalunga wautliwan shūtas gin-

kilislangē shantlanē ai lthāalgwi unga ltha istāshang.

37. Dung kil hagunan dung kagunasang, waigen dung kil hagunan dung gūashang.

38. Itan takālung lēilung itli isken, Pharisee hāadē itli ishin, hangtlan hin lā ltha shūtaiang, Nungitlagidas, kin skadagā dung stāhā isis kāngē da itil kwudungung.

39. Waigen hin hangtlan ltha il shūtaiang, ga dāungasgē isken, waigen chaaiga gwudistakāngē ishin kin skadagā da kingungung, waigen kum kin skadagā ltha ga istiāngshang, tlan Jonah swaunan giē kin skadagā ltha ga istiāshang.

40. Jonah sin lth'unilth isken hal lth'unilth ishin kwun del ā idjan kingān nung itlinga kit tligē kātli ā isisang sin lth'unilth gud, waigen hal lth'unilth ishin.

41. Nineveh hāadē ginkilislangē shantlanē ai adshi gwudistakāngē alth tlazūgiangshang, waigen unga ltha ginkilislungshang: Jonah tlāgūkgūshouang tlo ltha kwutungē unga stilhtaiāni althlā, waigen Jonah telgu nung eds ādlun iching.

42. Housik hāadē an nung Queengas ginkilislangē shantlanē ai adshi gwudistakāngē alth giangshang, waigen unga il ginkilislungshang: tliga unga stāhā Solomon kutungas kwudungēanu il kātlagāni althlā, waigen kwo-king Solomon telgu nung eds ādlun iching.

43. Tlīstluan hānts kum skwunaans nung itlinga stāhā kāgulthstlo, tlītzan kum hānlth kāng gaangs kalthgwīd il kaoungūngung anshanzouta da il kingēan, waigen kumu il kīāngūng.

44. Altsīlth hinū il shūgūng, nē gwi unga lth stīlthasang giē stāhā lth kāgwulgunā: waigen nē ik il katsastlo kal is il kīgūng, waigen lthkioudal skwunagalāsi an ishin.

45. Itan il kaiitang, waigen lā telgu hānts adda dāungas chigwau isis kinung an il istang; wai ltha istzasken waigen ā ltha naangelgung. Kwunā il dāungaiang telgu otgwau il dāungēdung. Waikingān adshi gwudistakāngē dāungasi an edasang.

46. Houān lth hāada ā il gūshūgundang, kwoking il ou isken kwaiialung ishin kiā tlazūgiangang lā ā gūshūē da il kwudungouān althlā.

47. Itan nung swaunshung hin il shūtaiang, kwoking dung ou isken dung kwaiialung ishin kiā tlazūgiangūng, waigen dung ā gūshūē da il kwudungwang.

48. Waigen hangtlan lā ga nung shūs hin il shūtaiang, kīstho dī ou īching? Kitildou dī kwaiialung īching?

49. Lagagahatijangē gwi stlē unga il jistlaiang ken hinū il shouan, kwoking dī ou isken dī kwaiialung ishin ā īching.

50. Altsīlth kīstho dī Aung shā isis kwu-

tungē kingān wausken, dī kwai isken, dī chas ishin, dī ou ishin il īching.

Chaptergē Klāalth wok Lth'unilth.

ASHGE shantlanē gud Jesus nē stāhā kaiitang, waigen skwausjinku il kouwaiang.

2. Waigen ltha skūla yūan kwudungalthan lā an istlāgang, altsiilth kontlu gwi il kātlišken gwau il kouwaiang, waigen ltha skūlas wau-tliwan skwausjinku tlazūgiangang.

3. Waigen kin kwan kīgāng ā isis ltha ga alth il giatlindaiang, waigen hinū il shouan, kwoking tatlidzalē kiak kāgwulungung tatlid-zaēanā ;

4. Waigen tlīstluan il tatlidzaiang tlo, mātla tītch kūwē kātli khūgaiāni, waigen ettit ungalatlāgang, waigen ū tāgāngāni.

5. Tliga kwau ingwi mātla tītch khūgaiang giouk kum kwiē kwanāngan gwau, waigen houītang kwustajāni kum kwiē gungāngani althla :

6. Waigen tlīstluan juiē kātlatlaiāni tlo sahādungkilthistlaiang, waigen kum skūshangu wau angāni althlā kōdanstlaiani.

7. Ītli ishin hōtdungal shuīt khūgaiani, waigen hōtdungalē inastlasken hōkhhoujistlaiang.

8. Waigen ga kalat kwiē lā ai khūgaiang, waigen hānē waugud koustlaiang, tītch gud

lagwau klēlth gangang : titch gud ishin lagwau lth'unilth gangang, waigen titch gud ishin klālē lth'unilth gangang.

9. Kin kwudungūng k̄ū nung daas agwan lth il kwudungda.

10. Lagagahatijanḡē lā an istlāgang, waigen hin lā ltha shūtaiang, kashintlou kīgāngē alth ltha ga dung giatlindung ?

11. Waigen hangtlan hin ltha il shūtaiang, shāḡē kingdomḡē kin saalgas dalung ga istias althlā an dalung ūnshitēanā : ltha ga tlou kum istiāngūng.

12. Altsīlth kīstho kin daas lā ga istiāshang, waigen wautelgu il daēlthasang : waigen kīstho kum kin daāngūng, yenkien kin il daas lā stāhā istiāshang.

13. Altsīlth kīgāngē alth ltha ga lth giatlindang, kin ltha kings kum ltha kingāngsi althlā, kin ltha kwudungs kum ltha kwudungāngūng, waigen isi ishin kum an ltha ūnshitāngūng.

14. Waigen tliku Isaiah shouan kingān ltha ēdung : waigen hinū il shouan, kin dalung kwudungstlo kum an dalung ūnshitalthāngsang : kin dalung kingstlo kum ai dalung kwudāāngashang.

15. Ā lth hāada isis kwutungē kwanelgung, waigen kin ltha kwudungēanu ltha k̄ū katsang : waigen hangi unga ishin ltha oiyūlthtadang. Kin hangi unga alth ltha kings isken, kin k̄ū

unga alth ltha kwudungs ishin : kin kwutungē
 unga alth an ltha unshits ishin : dī gwi kwu-
 tungē unga ltha stīlthtiē ishin, waigen ltha lth
 tlanūngistliē ishin ga ltha lthwaugaḡungḡung.

16. Dalung hangi tlou lāgung kin kingsi
 althlā : dalung k̄ū ishin lāgung kin kwudungsi
 althlā.

17. Altsīlth yenkien dalung ga lth shūḡung,
 prophets kwan isken, ga las gē kwan ishin ā
 kin isis dalung kingsu kāḡē da kwudangang,
 waigen kum ltha kingāḡāni : kin dalung kwu-
 dungsu kwudungē da ltha kwudangang, waigen
 kum ltha kwudungāḡāni.

18. Altsīlth tatlidzalē alth kīḡangē lth
 kwudungo.

19. Tlīstluan kingdomgē kil nung kwudu-
 ngstlo, waigen kum an il ūnshitānsken, itan
 nung dāungas kātīlāḡungḡung, waigen il kwu-
 tungē ā kin tlidziāgan lā stāhā il dungistlang.
 Kūwē kalthḡwīd mātla k̄hūḡaiang kingānu
 anis ēdung.

20. Tliga kwau ai mātla nung istias kil
 nung kwudungu il īching, waigen houītang alth
 il kwutungē lāgung, waigen kum skūshang il
 kātli althgang il istāns althlu kum tlāā il
 giangāḡung.

21. Tlīstluan kin singētzā il hāndungstlo kil
 il yetas althlā houītang il tlidalthtāsang.

22. Hōtdungal shuīt nung mātla istias kil
 kwudungu il īching, waigen adshi tligē gu kin

isis isken, dālā ginggangān eds ishin kil il kwudungsu hōkhhouyistlang, waigen kum hānē lā gud inastlāngung.

23. Kwiē lā ai nung mātla istias kil nung kwudungu il īching, waigen an il ūnshitung, hānē ishin lā gud inastlang, titch waugud lagwau klēlthang, titch waugud lagwau lth'-unilthang, waigen titch waugud klālē lth'-unilthang.

24. Kīgāng kalat is ltha ga il istaiang, waigen hinū il shouan, shāgē kingdomgē nung itlinga kwulthkadis kātliā mātla lā unga tlidzāguns kingānu ēdung.

25. Waigen houān itlansidas kāstalth, lā telga nung kings kātāgang ken wheatgē shuīt in ishin il tlidzaiang, waigen stāhā il kaiitang.

26. Waigen tlīstluan yhil inastlaiang tlo, hānē ishin inastlaiang, waigen itan inē ishin kāngēlang.

27. Waigen anung nēlēgas kitzadalung istlāgang, waigen hin lā ltha shūtaiang, Nungitlagidas, kum gu mātla lā kwulthkadazi ā unga dung tlidzāngudja? Kitchistahā in ishin īching?

28. Waigen hin ltha il shūtaiang, dī telga nung kingsu adshi istaiang. Waigen il kitzadalung hin il shūtaiang, dahou gu in washt itil istada us?

29. Waigen hinū il shouan kāhano: in washt dalung dungstasken, wheatgē ishin wau alth

washt dalung dungstāshang. Agwan an lth kwudungalthan inastlada tliūdē kū :

30. Waigen tatliūd nūt gēlthstlo, tatliūdlē-
ilung hin lth shūtāshang, inka tlāgangultha,
waigen tlaizito sissōan : waigen lth wheatgē
kiagin nē ai gwuda isto.

31. Kīgang kalat ltha ga il istaiang, waigen
hinū il shouan, shāgē kingdomgē mustard mātlē
sūtsu kingānu ēdung, nung itlinga istaiang ken
kwulthkadazi ā unga il tlidzaiang.

32. Mātla wautliwan hangast gē ēdung,
waigen tlistluan inastlastlo, yhil wautliwan telgu
ēdung, waigen kinlthkai isilgung, altsiilth siēt
ettit isis ungadaltlāgang, waigen lthāds inku
tlaouang.

33. Kīgang kalat alth ltha ga il giatlinda-
iang : shāgē kingdomgē shibili tlikulthdouwē
kingānu ēdung. Tlikulthdouwē nung chada
istaiang ken shibili kwīdouwē lth'unilth shuīt
il istaiang tlikulthdouwē tlaodzuwē kū.

34. Ā kin isis wautliwan kīgāngē ā isis
Jesus ltha skūla ga alth giatlindaiang, waigen
kīgāngē ādang kum ltha ga il giatlindāngang.

35. Tliku nung prophetgas shouan kingānu
edāni, waigen hinū il shouan : kīgāng alth
helthli unga lth kisislāsang : hētk tligē tlaou-
tliēlan stāhā kin saalgāgānu lthāalgwi lth
istāshang.

36. Wadlu ltha skūlas il kil istiēdang, waigen
nē ik il katsaiang : lagagahatijāngē lā an istlā-

gang, waigen hin ltha shouan : kwulthkadis ā in isis alth kīgangē an lth itil ünshitalthta.

37. Waigen hangtlan hin ltha il shūtaiang, mātla lā nung tlidzas nung itlinga kitu iching.

38. Kwulthkadisu tligē askwan iching, waigen mātla lā kingdomgē kitilungu iching : in tlou nung daungas kitilungu iching.

39. Kin telga nung kīngs in tlidzasu hetgwa-
ulaṅa iching : waigen hētk tligē tlanelgēu tlī-
dāgung, waigen tatliīdlēilung an angelgas gē
iching.

40. Altsiilth in gwuda istiāgang ken ltha
tlaizadāni, waigen zanoē ā hōgālani : kingān
adshi tligē ishin tlanelgē edasang.

41. Nung itlinga kit angels unga kil istiēda-
shang, waigen kingdomgē stāhā langa kin
dāunga wautliwan isken, ga dāungas gē ishin
gwuda ltha istāshang :

42. Waigen zanoa kladska kātli ā ltha ltha
istāshang giouk sahaigāsēsī gwau, waigen zing
unga kōkopitasēsī gu ishin.

43. Itan ga las gē juiē kākītichings kingānu
hatgāshang. Kin kwudungūng kū nung daas
lth agwan il kwudungda.

44. Houshen, ga lasgē juiē kākītichings
kingānu Aung unga giē kingdomgē gu edasang.
Shāgē kingdomgē kwulthkadazi ā kin kwoyās
saalgāguns kingānu ēdung, waigen tlistluan
nung itlinga kīastlo il saalēdungung. Il kwu-
tungē las alth kin il daas wautliwan alth il

giadoungung, waigen wadshi kwulthkadazi il dakgungung.

45. Houshen, nung wadda lēga pearlsgē lā yūan gakinguns kingānu shāgē kingdomgē ēdung.

46. Tlīstluan ska swaunshung il kīaiang tlo il kaiitang: waigen kin il daas wautliwan alth il giadawaiang il dakgēanā.

47. Houshen, shāgē kingdomgē āat chān ga ltha istaiang kingānu ēdung, waigen skātlink gwudila ed wautliwan ltha chitlaiang.

48. Tlīstluan āatē stāgānītlu ltha dungchao-ugālang, waigen ltha tlousken lāsi tlu gwē ltha kingstağang: dāungasi tlou ltha dāng-waiang.

49. Kingānu hētk tligē tlanelgē edasang. Ga angelgas gē shā stāhā istlāshang, waigen ga las gē shu stāhā ga dāungas gē ltha kingstāshang.

50. Waigen zanoē kladska ai ltha ltha istāshang giouk sahaigasēsi gwau, waigen zing unga kōkopitasēsi gu ishin.

51. Jesus hin ltha shūtaiang, ā kin isis wautliwan an gu dalung ūnshit? Hin ltha shūtaiang Āng Shālānā.

52. Itan hin ltha il shūtaiang, takalung lēilung wautliwan shāgē kingdomgē skadas nung itlinga nung nēlē gāguns kingānu ēdung. Kin kwoyā il daas stāhā kin houtla isken kin kīgā ishin istağungung.

53. Tlistluan ashgē kīgāngē Jesus tlanēlthtā-
iang tlo stāhā il kaiitang.

54. Waigen tlistluan tliḡa unga gwi il
stēlang tlo, churchnē hutsūs ā lthanga kin ltha
il skadadaiang, altsiilth ltha kaldungāgang,
waigen hin ltha shouan, kitchistahā anung
itlinga isis adshi kutungas isken lthāangwila
kladska ishin istaiang?

55. Kum gu nung carpentergas kit il isāng
us? Kum gu il ou Mary hin kēyāng us?
waigen James isken Joseph ishin Simon ishin
Judas ishin kum gu il kwaialung isāng us?

56. Waigen kum gu il chasalung wautliwan
ishin itil alth isāng us? Kitchistahā anung
itlinga isis ā kin isis wautliwan istaiang?

57. Waigen lā an ltha kwutungēstigang.
Jesus hin ltha shūtaiang: ilnigē gu unga isken
nē ā unga ishin nung prophetgas isitlu kum lā
ltha kwoyādaḡungāngung.

58. Waigen gaigu kum lthāangwila kladska
kwan il istaangang kum kwunan ltha yetāngani
althlā.

Chaptērgē Klāalth wok Stanshung.

ASHGĒ timegē gud Herod nung King gas
Jesus giatlingē il kwudangang:

2. Waigen kitzadalung hin il shūtaiang, John
the Baptistū ā iching, kwotal il kātluang

altsiilth kin an kaldunga lā hagunan kânḡē-
lgung.

3. Herod awolth John istaiang althlā, il yhē
lā il kētsigustlaiang ken Herodias il kwai Philip
chā isis hagunan kētsit nē ā lā il istaiang.

4. John hin lā ga shouan althlā kum lā dung
inalē lāngung.

5. Tlīstluan il tīiē da il kwudangang tlo ltha
skūlas ga il lthwaugaiang, nung prophetgas il
is hin ltha kwudangāni althlā.

6. Tlīstluan Herod tlakaiang shantlanē idjan
tlo, Herodias gwudjan ltha hangku yhelang,
waigen alth Herod kwutungē lāgang :

7. Altsiilth gūshou kladska yūan alth hinū
il shouan : kin ga il kiānungs kingān lā ga il
istasangang.

8. Waigen gwudjana unga hin il ou shūhā-
lang, John the Baptist kats lth kēlthka ā isis
ādun dī ga ista : waigen hinū il shouan John
the Baptist kats lth adshi kēlthka inku dī ga
ista.

9. Itan anung king gas kwutungēstigang : il
gūshouwē kladskāgang hagunan : ltha wautli-
wan lā alth lthtanouang hagunan hin il shouan,
agwan lth lā ga isto :

10. Waigen kitzadalung il kil istiēdang,
waigen kētsit nē ā John kats washt ltha skīki-
tlaiang.

11. Il kats kēlthka ā isis anung hāchadas ga
ltha istaiang, waigen ou unga ā il istaiang.

12. Waigen lagagahatijanġē istlāgang, il tlu ltha istaiang ken ltha tlēēwaiang. Waigen Jesus ga ltha shūtāgāni.

13. Tlīstluan Jesus kwudangang tlo, wadshi stāhā tliga dāunga ā il tlu kaiitang; waigen tlīstluan ltha skūlas kwudangang tlo, ilnigē stāhā lā tlāid stē unga alth ltha istiēdang.

14. Waigen Jesus kāgwālang; waigen tlīstluan ltha skūla yūans il kāngang tlo ltha kalthshint il kwutangang ken ltha stis ltha il tlanūngistlaġangang.

15. Singyāsken lagagahatijanġē lā an istlāgang, waigen hin ltha shouan: tliga dāungou ā īching, waigen timegē tlanelgung, altsūilth wēata ltha skūlas lth kil istiēda: lana ā ltha istiēdsiken tou ltha dāhouiēanā.

16. Waigen Jesus hin ltha shutaiang, kum ltha istiēdē lāngung, kin tātlingē lth ltha ga isto.

17. Waigen hin lā ltha shūtaiang, shibili alungē kwu klēlth swaunan ādlun ītli ā īching, waigen skātlink stung īshin.

18. Waigen hinū il shouan althgwi dī ga lth isto.

19. Waigen ltha skūlasu kunē inku il kil tlaouāni; shibili alungē kwu klēlth isken skātlink stung ishin il istaiang ken shā tligē il kiatsgildaiang. Sing il killāgīisken hē il ginanangang, wadlu shibili alungē lagagahatijanġē ga il istaiang, waigen lagagahatijanġē ltha skūlas ga istaiang.

20. Waigen ltha wautliwan lthtanouang, waigen skīsouang: waigen basketgē ā klāalth wok ā stung shibili kwōkungwē alth stāouas ltha istaiang.

21. Waigen itlansidas lagwau klālē klālē stung wok ishin lagwau klālē klēlth lthtanouang, ilā lth chāada ishin idjan, waigen lth hāhudila ishin.

22. Waigen houītang Jesus lagagahatijangē kontluwē gwi istlihālang, waigen lā kwunast ingwik ltha tlu kātijēanā houān ltha skūlas il kil istiēdundang.

23. Tlīstluan ltha skūlas il kil istiēdgigan tlo lthdou gwi il katlaiang singelthkang il gūshūēanā: waigen tlīstluan singyā yentlo lā swaunan gu idjāni.

24. Wadlu kontluwē sīgē yākwusi ā yēlāni, waigen tatjouwē katsūgudāngāni alth kontluwē ga stliskāsilungāngāni.

25. Askaskit stanshung ltha skānaiang tlo Jesus aiyuwē ingud ltha ā kāgang.

26. Tlīstluan lagagahatijangē aiyūs ingud il kās kāngang tlo, ltha kwutungē tlakwīdistlaiang; waigen nung hānts ā hin ltha shouan. Ltha lthwaus sahaigaiang.

27. Houītang Jesus hin ltha shūtaiang, kwutungē unga lth lādo tlaou ā īching; kum lth lthwaugāngu.

28. Peter hangtlan hin il shūtaiang, Shālānā, dahou is tloalth tūngē ingud āgang dī kādi.

29. Waigen hinū il shouan, halūt. Tlistluan Peter kontluwē gwau stāhā kāgaiang tlo tungē ingud il kāgang Jesus ā il kaiitēanā.

30. Tlistluan tatjouwē attawas il kāngang tlo laou lthwaugaiang : il tliediēdgaiang tlo hinū il sahailthlaiang : Shālānā dī lth kaginda.

31. Waigen houītang Jesus stlē unga jistlaiang ken lā il gidsgildaiang, waigen hin lā il shūtaiang, O klingān dung yetang, kashintlou dung lthwaugalthudjang ?

32. Tlistluan kontluwē gwi il istliouang tlo tatjouwē hēlouang.

33. Waigen kontluwē gwau ga isi gē lā an istlasken lā ā singelthkang ltha gūshouang, waigen hin ltha shouan : yenkien Shānunge-tlagidas kitu dung iching.

34. Inagūst ltha tlu kātlātajan tlo, Gennese-rat tligē gu ltha askidang.

35. Waigen wadshi tligē hāadē lā an ūnshitālang tlo lana addu isi wautliwan ai ltha kingādaiang, waigen ltha stis wautliwan lā ā ltha kēlthilangang.

36. Waigen kōdets kiēkwun swaunan langa ltha gidsgildaḡungē da lā alth ltha kiānangang, waigen ltha wautliwan langa gidsgildaiani kingān nūngistloodzouang.

Chaptergē Klāalth wok Klēlth.

WADLU Pharisee hāadē isken, takālung lēilung ishin Jerusalem tligē gu isis Jesus an istlāgang.

2. Waigen hin ltha shouan, kashintlou dung gagahatijanḡē lthkiāsi kingwoguns tlahustaḡungḡung? Tlīstluan shibili ltha tāsītlo kum stlē unga ltha tlināns althlā.

3. Waigen hanḡang hin ltha il shūtaiang, kashintlou kīgangē unga alth Shānungetlagidas kingwoguns dalung tlahustaḡungḡung?

4. Altsīlth Shānungetlagidas hin takingwoḡāngang: aung unga lth kwoyāda ou unga ishin, waigen shūshi kingān lth wau: waigen kīstho aung unga isken, ou unga ishin ā gūshou dāungasken, agwan kwotal alth il kwotalthta.

5. Hin dalung shūḡung: kīstho aung unga isken, ou unga isken ā hin shūtasken, kin alth dalung ta lth tlāts Shānungetlagidas ga lth istāshang: kingān il waustlo, kum aung unga isken ou unga ishin il kwoyādāngḡung.

6. Altsīlth kīgangē unga alth Shānungetlagidas kingwoguns gingangan dalung tlaēdung.

7. Yenkien Isaiah tliku dalung edasēs shūtaiang dalung kwutungē stungs: altsīlth hinū il shouan:

8. Ā lth hāadas helthli unga alth dī an

• āanāgung, waigen ltha kwutungē lthanga dī stāhā jingāgung.

9. Tliku lth hāada kingwoguns skadadas ltha skadas althlā, altsīlth ginggangan singelthkang dī ā ltha gūshūgung.

10. Waigen ltha skūlas an il aiyangang ken hin ltha il shūtaiang: kwudungūlthā waigen lth anūnshito.

11. Nung helthli ik kin katsasu kum nung itlinga ttaskēlēlthāngung: nung helthli stāhā kin isu nung itlinga ttaskēlēlgung.

12. Wadlu lagagahatijanē istlāgang, waigen hin lā ltha shūtaiang: Pharisee hāadē ashgē gūshouwē kwudungūn silīd ltha kwutungēstis an gu dung ūnshit us?

13. Waigen hangtlan hinū il shouan, kinlthkai wautliwan kum dī Aung shā isis tlidzānsu gwunistlāsang.

14. Agwan an ltha lth eda: ltha hangkagā halistal lēilung ltha iching. Nung hangkagā nung hangkagā an halkāskan, hānlth silī il houwilguwaushang.

15. Waigen Peter hangtlan hin il shūtaiang, adshi kīgāngē alth itil ga lth kīgāng.

16. Waigen hinū Jesus shouan, dalung ishin gu houān dakētisōdja?

17. Kin wautliwan helthli ik istzasu kitch ik istalgung, waigen ltha kāgwulgungung: kum gu an dalung ūnshitāng us?

18. Kin wautliwan ltha helthli stāhā isu

ltha kwutungē stāhā īching, waigen ou kin isis nung ītlinga tlas-kēlēlgungung.

19. Kwulthal dāunga isken; lth hāada ltha tltas ishin: ltha chāada alth ltha tians ishin: kwolthta ishin: ltha alth ltha kilthkadungs ishin: gūshou saatsga ishin: ou kin isis wautliwan kwutungē stāhā īching.

20. Waigen ā kin isis nung ītlinga tlas-kēlēlgungung, waigen stlantlan ādang nung lthtanūstlo kum nung ītlinga tlas-kēlēlthāngung.

21. Stāhā il kaiitang, waigen Tyre tligē isken Sodom tligē ishin gu il kāt-lāgang.

22. Waigen kwoking nung Canaan chitga adshi aiyūskiou stāhā kāt-lāgang ken hin lā ā il sahailthlaiang: dī kalthshint lth kwutung O Shālānā, David kitu: dī gwudjana hetgwaulana alth kwutungē kinkaladāgung.

23. Waigen kum kil swaunshung alth hangtlan lā il shūtaangang. Lagagahatijan-gē istlāgang, waigen hin lā ltha shūtaiang, lā lth kil kaiit ītil glā il sahailthlas althlā.

24. Waigen hinū hangtlan il shouan: Israel tligē lamatoē gūguns kingān edis ou dī il kil kaiidāgungwau.

25. Il kāt-lāsken hinū lā ā singelthkang il gūshū tldzouang: Shālānā dī ta lth tlāt.

26. Waigen hin hangtlan lā il shūtaiang, lth hāhudila giē shibiligē hā ga nung istiē ū kum lāngung.

27. Waigen hinū il shouan: āng Shālānā:

yenkien hai ishin kwōkungwē nung itlagidas giē tablegē stāhā khouwesu tāgung.

28. Itan Jesus hin hangtlan il shūtaiang, O nung chadas, dung yeta yuāngung: tliku dung kwudungs kinḡan agwan lth dung an eda. Waigen ashgē askaskitē gud il gwudjana nūngistlaiang

29. Waigen Jesus stāhā kaiitang ken Galilee tungē an il kātālatalstlo lthdou gwi il kātlaiang ken gu il kouwaiang.

30. Waigen ltha skūla yūan lā an istlāgang: ltha kwollo kōdas isken: ltha hangkagas ishin: ltha kil gūs ishin: ltha tlikiā ishin: waigen ltha stis gwudila ed kwan ishin ltha alth idjan. Jesus stai hetgu ltha ltha istaiang, waigen ltha wautliwan il tlatagwiēlāni.

31. Altsiilth ltha kil gūdsias gūshūs isken: ltha kwollo kōdas istalguns ishin: ltha hangkagas kin kingsa ishin: ltha tlikias nūngistlas ishin ltha kāngang tlo, ltha skūlas kaldungāgangang, waigen Israel hāadē an nung Itlagidas an ltha yākwudangang.

32. Waigen Jesus lagagabatijanḡē agang an il aiyangang ken hinū il shouan: ltha skūlas kalthshint dī kwutungung, wēata sin lth'unilth gud dī alth ltha isis althlā, waigen kum kin tātlingē ltha daāngung. Ltha kīsalgundang kum ltha lth kil istiēdāngshang kūwē gud ltha hāagādalsēs althlā.

33. Waigen lagagabatijanḡē hin il shūtaiang,

tliga dāunga gu kitchistahā shibili hūga kwan talung istāshang ā ltha skūl yūans skisouēanā.

34. Jesus hin ltha shūtaiang shibili hūga ki kīslu dalung daang? waigen hin ltha shouan ki chigwau, waigen skātlink hudila klingān ishin īching.

35. Waigen ltha skūlas tligē inku il kil tlaouang.

36. Waigen shibili hūga ki chigwau isken, skātlingē ishin il istaiang: sing il killāgāni, waigen hē il ginanangang ken lagagahatijanḡē ga il istaiang, lagagahatijanḡē ishin ltha skūlas ga istaiang.

37. Ltha wautliwan lthtanouang waigen skisouāni: waigen kwōkungwē gwuda ltha istaiang ken basketgē ā chigwau staouwaiang.

38. Itlansidas lagwau klālē klālē stung isken, lth chāadāsi ishin, lth hāhudila ishin lthtanouang.

39. Waigen ltha skūlas il kil istiēdang ken kontluwē gwi il kātligang, waigen Magadan skwausgiou gu il tlu kātligang.

Chaptergē Klāalth wok Lthūnilth.

WAIGEN Pharisee hāadē Sadducee hāadē alth istlāgang, waigen ltha kiānang alth il eddē ltha kil kāngang kaountsida shā stāhā ltha il kingdiēanā.

2. Waigen hangtlan ltha il shūtaiang, singy-āstlo sin lāshang dalung shūgung yeni s'hetsi althlā.

3. Waigen singai gastlo, aiat zīgulthasang yeni s'het isken waigen yeni lth'alth ishin isis althlā. Yeni hangi an dalung ūnshitung, waigen ashgē timegē kaountsida an gu kum dalung ūnshitāng us ?

4. Gwudistakāngē dāungas isken waigen chaaigas ishin kin kaountsida gakingung, waigen kin kaountsida kum ga istiāngshang, tlan Jonah giē swaunan kin kaountsida iching. Waigen ltha stāhā il kaiitang ken tliga jinga ā il kaiitang.

5. Tlistluan lagagahatijangē inagūst istlāgang tlo, shibili istiē da ltha kīskitang.

6. Waigen Jesus hin ltha shūtaiang, tuman lth agung kingo, waigen Pharisee hāadē isken Sadducee hāadē ishin giē tlikulthdouwē stāhā lth ga gwudagungo.

7. Waigen gwud alth ltha kwulthilthgangang, waigen hin ltha shouan : kum shibili talung istaanḡun, altsiilth iṭil an il kwutungē stiḡung.

8. Waigen tlistluan Jesus anūnshitalthstlo hin ltha il shūtaiang, kashintlou gwud alth dalung kwulthilthgungung kum shibili dalung istaangāni althlā. O klingān dalung yetang.

9. Shibili hūga kwu klēlth iṭlansidas lagwau klālē klālē stung wok lagwau klālē klēlth glu ēdung kum gu an dalung ūnshitāng us ? waigen

basketgē ā kīslu ā kwōkungwē isis dalung istān kum gu ē dalung kēitāng us?

10. Kum gu shibili hūga kwu chigwau itlasidas lagwau klālē klālē stung glu edāngudja? waigen basketgē ā kīslu ā kwōkungwē dalung istān ishin kum gu ē dalung kēitāng us?

11. Kashintlou kum an dalung ūnshitāngung (kumu shibili eddē ā dalung ā lth kaoukga-angun) Pharisee hāadē isken Sadducee hāadē giē tlikulthdouwē stāhā ga dalung gwudagūngēanā.

12. Itan shibili tlikulthdouwē stāhā ltha ga gwudagūngē kum il shūtaans an ltha ūnshitālang: Pharisee hāadē isken Sadducee hāadē ishin kin ltha skadadasu il shūtaiang.

13. Tlistluan Ceaserea Philippi aiyuwē giouk gu Jesus kātlāgang tlo lagagahatijangē alth hin il kiānangang, kasin nung hāada edu dī is hin ltha shūgung, dīū nung itlinga kitu iching.

14. Waigen hin ltha shouan, John the Baptist dahou is hin ltha titch shūgung: Elijah dahou is hin ltha titch shūgung: waigen ltha kalat Jeremiah dahou is hin shūgung: waigen ga prophetgas gē swaun dahou is hin gu hutsu shūgung.

15. Waigen hin ltha il shūtaiang, kīstho dī is hin dalung shūgung?

16. Waigen Simon Peter hin hangtlan lā il shūtaiang, Shānungetlagidas hēninga kit Christ dahou iching.

17. Waigen Jesus hin hangtlan lā il shūtaiang, Simon Bar Jonah yenkienu dung shūgung, waigen dung kagunasang : kēā isken ai ishin kum dung ga shūtaanḡun : dī Aung shā isis lthāalgwi dung ga shūdaḡun.

18. Waigen houshen hin dung ga lth shūgung, Peter dahou īching, waigen tīsh kingānu dung ēdung ; altsīlth dung inku churchnē unga lth tlaoutlāshang, waigen hetgwaugē kūwē kum wau gwikāēlthāngshang.

19. Shāgē kingdomgē kīkustlouwē dung ga lth istāshang : waigen hētk tligē gu kin dung kētsrustlasken shā tligē gu ishin kētsrustuashang : waigen hētk tligē gu kin hēsta dung tlāadsken shā tligē gu ishin hēsta ltha adēlthsang.

20. Itan lagagahatijangē il stitaiang, waigen Jesus Christ il isis kum nung ītlinga ga il shūtātlangang.

21. Ashgē timegē stāhā Jesus tliku Jerusalem tligē ā il kāasēs lagagahatijangē il skadadiēdang, waigen lth kīāsī isken laplēt ga ītlagidas gē ishin, takālung lēilung ishin il tīlthwandasēs isken lā ltha tiasēs ishin, waigen shantlan lth'unilthstlo houshen il kātlūsēs ishin.

22. Itan, Peter il gidsgildasken lā il stitaiang, waigen hinū il shouan, agwan stigan lth jingāda Shālānā : adshi kum dung ī edāngshang.

23. Waigen lā gwi il kīaiang ken, Peter hin il shūtaiang, Satan, dī tlā lth kā, kin lth gin

tlidalthtaguns kingānu dī an dung ēdung : lth itlansidas kinā ou dung gwudanungung, waigen Shānungetlagidas kinā ou kum dung gwudanungāngung.

24. Wadlu lagagahatijangē hin il shūtaiang, nung itlinga dī tlā kaiitē da kwudungs tlo agwan lth agung il chākwudandādi : skaumā sīk unga il istada dī tlā il kāgēanā.

25. Altsiilth hēninga unga nung kagindasu gūdāshang, waigen dī hagunan hēninga unga nung gūdasu wau kīāshang.

26. Nung itlinga tligē askwan gwikāēlthsi-ken waigen hātlandē unga il gūdastlo, gūshū lā gwikāēlthasang ? Gūshū nung itlinga hātlandē unga saoutk istāshang ?

27. Altsiilth nung itlinga kit Aung unga giē kin anyākwudungas isken ga angelgasgē dungal-
lthan ishin langa il kātlāshang, waigen lth hāada wautliwan tliku lthāangwiltlidzus kingān ga il giasouasang.

28. Yenkien dalung ga lth shūgung, ādlun ltha tlazūgians titch kum kwotalthkāngshang nung itlinga kit kingdomgē ai unga il kātlāgē ltha kāngē kū.

Chaptergē Klāalth wok Chigwau.

WAIGEN shantlan lthūunilth silīd Jesus Peter istaiang, James ishin, John il tuan ishin, waigen lthdou jing ingwi lā il istaouang.

2. Waigen ltha hangku adda il edang : juiē kingān il hangi hatgāgang, waigen kin il giandas hatgāguns kingānu addaiang.

3. Waigen kwoking, Moses isken, Elijah ishin lā ga il gūshuwas il kingouang.

4. Wadlu Peter hangtlan hin Jesus il shū-taiang, Shālānā ādlun an talung itzgēu lāgung : dung gwulāstlo, agwan gioungnē ti lth'unilth lth tlaoutlāshang : ti swaun dūngiou isisang, ti swaun Moses giou isisang, waigen ti swaun Elijah giou isisang.

5. Houan il gūshūgundang, yen addā shā stāhā ltha addu idjang, waigen kwoking, kil yen stāhā hin shouan, anis dī kit kwōyāsi īching, il kil lth kwudungo.

6. Waigen tlīstluan lagagahatijangē kwudāngāni tlo ltha hānlthkikukidangang, waigen yenkien ltha lthwaugaiang.

7. Waigen Jesus kātlāgang ken ltha il gidsgildaiang, waigen hinu il shouan ; katlūu-lthā, waigen kum lth lthwaugāngu.

8. Waigen tlīstluan sīk ltha kīitlaiang tlo tlan Jesus swaunan kum nung itlinga kalat ltha kingāngang.

9. Waigen houan lthdouwē stāhā ltha ista-algundang, Jesus ltha stitaiang, waigen hinu il shouan, itan kin an kaldunga dalung kingsa kum nung itlinga ga lth shūdāngo nung itlinga kit kwotal stāhā kātluwē kū.

10. Waigen lagagahatijangē hin lā alth kiā-

nangang, kashintlou takālung lēilung Elijah kātlātlāgangshang shūgung?

11. Waigen Jesus hin ltha shūtaiang, Elijah yenkien kātlātlāgangshang, waigen kin wautliwan il ēlthkidāshang.

12. Waigen hin dalung ga lth shūgung, itanu Elijah kātlāgang, waigen kum lā an ltha ūnshitāngang, altsiilth tliku ltha kwudungs kingān lā ā ltha istaiang. Waikingān nung itlinga kit ishin ltha tilthwangshang.

13. Wadlu John the Baptist il shūtaiang an lagagahatijanḡē ūnshitālang.

14. Waigen tlīstluan ltha skūlas an ltha istlāgāni tlo, nung itlinga lā an kātlāgang, waigen kwollo kats ing alth il kaoustlo hinū il shouan :

15. Shālānā dī kit kalthshint lth kwutung il kōnungālas althlā, waigen il stiyūangung : timegē kwan gud zanoa si il assaḡungung, waigen chān ga ishin il atgaḡungung.

16. Itan dung gagahatijanḡē ā lā lth istagun, waigen kum tliku lā ltha tlagūelth tlingē kāng gaangun.

17. Waigen Jesus hin hangtlan shouan, O gwudista kāngē gouan dalung yetaangung, waigen dalung kāskādsulangung ; kīslu dalung ga lth tlītīsisang, kīsītlu dalung kwulth lth isisang?

18. Waigen Jesus hetg Maulana stitaiang, waigen lā stāhā il kaitang, waigen ḡē askaskitē stāhā anung hāhutsūs lāgalāni.

19. Wadlu lagagahatijangē giouk Jesus swaunan idjan gaigu istlāgang, waigen hin lā ltha shūtaiang, kashintlou kum kiak lā talung dangāngudja?

20. Waigen ltha il shūtaiang, kum dalung yetāns althlā.

21. Altsūilth yenkien dalung ga lth shūgung, mustard mātlē swaunshung kingān dalung yetastlo, adshi lthdouwē hin dalung shūtāshang, wādshgwau tligē ā lth is, waigen kingānū isisang, waigen kum kin swaunshung dalung an singētzāngsang. Altsūilth singelthkang gūshū isken kīsal ishin ādang kum hetgwaulana kiak isāngung.

22. Waigen houan Galilee tligē gu ltha iĉhingdang, Jesus hin ltha ga shouan; nung iĉtinga kit lth hāada stlē ik alth ltha giadāshang;

23. Waigen lā ltha tiāsang, waigen shantlan lth'unilthstlo houshen il kātłūdiāshang. Waigen kwunan ltha kwutungē stigangang.

24. Waigen tlistluan Capernaum tligē gu ltha istlāgāni tlo, ga giasougunungs gē Peter an istlāgang, waigen hin ltha shouan, kum gu dalung itlagīda dālā hinawē alth giasouāngus? Waigen Āng hinū il shouan.

25. Waigen nē ik il katsaiang tlo Jesus lā ā kilthgwultlāgangang, waigen hinu il shouan, Simon, kasino dung kwudungung: kītildas sto tligē an ga king gas gē giasou istang? Kiti-

lung stāhā gwau? tliga kalat hāadē stāhā gwau?

26. Waigen hin lā il shūtaiang, tliga kalat hāadē stāhā. Jesus hin il shūtaiang, lāgung, altsiilth kitilung ākānāgung.

27. Ltha kwutungē talung estigē kum lāngung, altsiilth tungē ā lth kaiit, waigen lth chān ga touul ista: skātlink sīk dung istatlāgangs lth ista, waigen tlistluan il helthli dung kisistlastlo dālā kēskwau dung kiāshang: washt lth istang, waigen dī saoutk wēata ltha ga lth istang, waigen dāha ishin.

Chaptergē Klāalth wok Stanshungā.

A SHGĒ askaskitē gud lagagahatijanē Jesus an istlāgang, waigen hin ltha shouan, shā tligē gwau kīstho itlagida sitlthligung.

2. Waigen nungihutsūs an āgang il aiyan-gang, waigen ltha yākwusiā lā il istaiang,

3. Waigen hinū il shouan, kum kwutungē unga dalung stilthtānstlo, waigen kum hīhudila kingān dalung ēlthānstlo, kum tliku shāgē kingdomgē gudalung istlātingē kāng gaangung.

4. Altsiilth kīstho anung hihutsūs kingān kwutungē unga edasken laou shāgē kingdomgē gu itlagida sitlthlisang.

5. Waigen kīstho ā lth hīhudila swaun dī kēyi ā istasken, dī ishin il istāshang.

6. Waigen kīstho ā lth hīhudila dī yetas swaun kwutungē kil stistlo, kwau kikōna il hēl addu ltha istiēū lā an lāgung, waigen tligēlth-dūinga ā il chātlādē ū lāgung.

7. Kin lth gin tlidaltas hagunan adshi tligē dāungang! Yenkien kin lth gin tlidaltas althgwi itzgē ū lāgung, waigen kin lth gin tli-daltas althgwi nung ītlinga istas laou dāungang.

8. Dung stlē isken dung stai ishin dung tladiltadasken, washt lth ketsitla, waigen stigan lth dāng : hēningā ā stlē unga chis swaun isken stai unga chis swaun ishin alth dung kāgēū dung an lāgung, waigen dung stlē chis stung isken dung stai chis stung ishin kum zanoa hēninga swaunung ai isāngasang.

9. Dung hangi dung tladiltadasken, ltha-
algwi lth ista, waigen stigan lth dāng; hangi
unga ska swaunshung alth hēninga ā dung
kāgē ū dung an lāgung, waigen dung hangi
ska stung kum hetgwaugē zanoa ai isāngasang.

10. Tuman lth kingo, waigen ā lth hīhudila
swaun ga kum lth gwouwāngu : yenkien dalung
ga lth shūgung,

11. Ltha hants dī Aung shā isis hangi king
gūgung. Altsīlth nung ītlinga kit ga gūs gē
kagindiē an kātīlāgang

12. Kasino dalung kwudungung : nung
ītlinga lamatoē lagwau klēlth daastlo, waigen
nung swaunshung tligwan an kaitstlo, kum gu
klālē klāalthswansingū wok klāalthswansingū il

tastlaang us? waigen kum gu lthdouwē ā il kaitāng us nung gouan da il kāngēanā?

13. Waigen lā il kīastlo, yenkien dalung ga lth shūgung, lamatoē klālē klāalthswansingū wok klāalthswansingū kum tligwan an istalgung-gāngang telgu lā alth il kwutungē lātlingā-gung.

14. Waikingān dalung Aung shā isis kum ā lth hīhudila swaunshung gougē ga istatlāngung.

15. Waigen dung kwai dung an kin dāunga istasken, lā ā swaunan lth kā, waigen kin il hadlous lth lā ga shūda: dung kil il kwudungstlo dung kwai dung gwikāēlthasang.

16. Waigen kum dung kil il kwudungānstlo, ltha swaunshung, ltha stung katdung lth ista, waigen ltha stung ltha lth'ūnilth dung kil wautliwan kwudungsang dung kil wautliwan kladskaḡēan.

17. Waigen ltha kil kwudungē ā il tastlastlo, church hāadē ga lth shūdo, waigen church hāadē kil kwudungē ā il tastlastlo agwan dung an il hetgwaulana hāadāda, waigen nung giasougunungs ishin.

18. Yenkien dalung ga lth shūgung, kin wautliwan hētk tligē gwau dalung kētsitāshang shā tligē gwau kētsigūwaushang: waigen hētk tligē gwau kin wautliwan hēsta dalung tlāad-sang, shā tligē gwau hēsta adadāasang.

19. Houshen yenkien dalung ga lth shūgung, hētk tligē gwau dalung shu stāhā ltha stung

kin ga kīānungē an kwutungē swaunshungtlo, dī Aung shā isis ltha an istāshang.

20. Tlīstluan ltha stung, ltha lth'ūnilth dī kēyi ā kwudungalth gwuda isistlo tlaou ishin ltha yākwusi ā isisang.

21. Wadlu Peter kātāgang, waigen hinū il shouan: Shālānā, dī kwai dī kwutungē kil sti kīslūstlo waigen da agung lth kiskitāshang, timegē chigwau gwau?

22. Jesus hin il shūtaiang, timegē chigwau kum hin dung ga lth shūāngung; timegē klālē chigwau ēlthsītlu lth ga agung kīskita.

23. Altsīilth shāgē kingdomgē nung king gas kingānu edāni, waigen kitzadalung dālā kwaiundiē ga il kwudangang.

24. Waigen tlīstluan il kwaiundiēdāni tlo, nung swaunshung dālā lagwau klālē klēlth lthakākidang lā ā ltha istaiang.

25. Waigen kum kin alth il giasoutlingē kāng gaans althlā, il ītlagīda lā alth giadahālang, il chā ishin, il kitilung ishin, waigen kin il daas wautliwan ishin, waigen alth ginggang il giasougēanā.

26. Waigen anung kitzadas kwollo kats ingalth il kaoung ken singelthkang hin lā ā il gūshouang: Shālānā kwai lth dī an agung kwutgulthsuwādi waigen dung ga lth saouod-zūashang.

27. Waigen itan anung kitzadas an nung ītlagidas lā kilth kalthshint gwālang ken kin

tlan lā il ēlthtaiang, waigen il lthakākidang wautliwan ga agung il kin kīskitang.

28. Anung kitzadas itan kiak kāgwālang, waigen lā alth ga kitzadāgang swaun il kāngang tlo lā il gidsgildasken il kāgunzu langa il gidsgildaiang; waigen hinū il shouan, dung lthakākidung lth dī ga saou. Althanisu centgē klālē klālth langa lthakākidang.

29. Altsīlth lā alth nung kitzadāgang kwollo unga kats ingalth il kaoung ken singelthkang hin lā ā il gūshouang, kwai lth dī an agung kwutgultsuwādi, waigen dung ga lth saouodzuashang.

30. Kum ga il istatlāngāni, waigen kētsitnē ā lā il istaiang lthakākidē il saougē ku.

31. Altsīlth tlīstluan lā alth ga kitzadāgang tliku il waus langa ltha kāngang tlo yenkien ltha kwutungē stigang. Etlagida unga ā ltha istālang, waigen tliku il waus wautliwan hansta langa ltha shouan.

32. Itan il ītlagīda silīd lā an aiyangang, waigen hin lā il shūtaiang, kitzada dāungou dung īching: dung lthakākidang wautliwan da agung lth kin kīskituni dī alth da dung kiānunḡuni althlā.

33. Kashintlou dung kilth kalthshint lth kwutungūn kingān kum dung alth nung kitzadāgang kilth kalthshint dung kwutungāngūdja?

34. Waigen il ītlagīda kātliyildaiang tlo

kētsitlēilung ga lā il istaiang il lthakākidang wautliwan la ga il saougē kū.

35. Dalung kwaialung kin dāunga dalung an istas kum kwutungē unga stāhā ga agung dalung kīskitānstlo: kingān dalung Aung shā isis dalung an istāshang.

Chaptergē Klāalth wok Klāalthswansingū.

WAIGEN ashgē gūshouwē Jesus shūda ēlth-
kīgang tlo, Galilee tligē stāhā il kaiitāni
ken Judea tligē gu il kātīlāgang Jordan hantlā;

2. Waigen ltha skūla yūans lā tlā istiēdang,
waigen gaigu ltha il tlatagwiēlang.

3. Pharisee hāadē lā an istlāgang, waigen il
eddē ltha kil kāngang: hin lā ltha shūtaiang,
kin dāunga wautliwan hagunan nung ītlinga
chā unga dāngē gu lā us?

4. Waigen hin hangtlan ltha il shūtaiang,
kum gu dalung readadāngudjang? awolth nung
ītlinga isken nung chada ishin il tlaoutlāgan-
gang ā.

5. Waigen hinu il shouan, ā kin isis hagunan
nung ītlinga aung unga isken ou unga ishin
tastlāshang, waigen chā unga alth il stung
gūishang: waigen ltha stung kēā swaunshung
isilthasang.

6. Altsīlth kum houshen il stungwaang-
shang: kēā swaunshung il isilthawang: kītildou

Shānungetlagidas gwudga tlāaskīdang, agwan kum nung itlinga gwudistāhā il istawāngda.

7. Wadlu lā ltha shūtaiang, kashintlou Moses gwudistāhā ltha itzgē kālūngē gwudga ltha il istalthudjang? waigen gwud ltha dāngwēanā.

8. Hin ltha il shūtaiang, dalung kwutungē katsas althlā chā unga dāngē alth Moses dalung kingwogangang: tlaglu agwi kum hin edāngāni.

9. Waigen tlaou dalung ga shūgung: kīstho chā unga dāngung, kum il lagāansken an, waigen nung kalat il inēlthstlo hinganu lā alth il tīgādāsang. Kīstho nung ltha dāngs inēlung lā ishin hinganu lā alth tīgādāshang.

10. Lagagahatijangē hin il shūtaiang, nung itlinga kum tliku chā unga dāng tlingē kāng gaansken, lā alth gu il inalēu kum lāngung.

11. Waigen ltha il shūtaiang, lth hāada wautliwan kum tliku adshi gūshouwē ista tlingē kāng gaangung: titch ga istiāsi swaunanu istāshang.

12. Altsiilth ltha titch chāadasu ltha oualung kaiyūgūngung: waigen ltha itlansidou ltha titch tlachāadāgung: waigen shāgē kingdomgē haturan ltha titch chāadasu titch hin ltha chāadādang. Istiē an nung tagwias lth agwan il istada.

13. Wadlu ltha hihudila lā an ltha kēlthilangang ltha inku stlē unga il istiēanā, waigen singelthkang il gūshūgēanā: waigen lagagahatijangē ltha ā stakīdang.

14. Waigen Jesus hin shouan, agwan lth līhudila dī ā istaldo, waigen kum ltha ā stakidāngu : shāgē kingdomgē gu hāagē isis althla.

15. Waigen ltha inku stlē unga il istaiang, waigen stāhā il kaiitang.

16. Waigen kwoking, nung swaunshung lā an kātlāgang ken hinu il shouan, Nung ētlagida las, gūshū lou lth istāshang hēninga swaunung lth dāagēanā ?

17. Waigen hin lā il shūtaiang, kashintlou lā hin dī dung kēyādung ? kum nung swaunshung lāngung tlan Shānungetlagidas swaunanu lāgung : hēninga an kātlāgē da dung kwudung-sken, kingwoguns lth tumanking.

18. Lā il shūtaiang, kishgaiu ? Waigen Jesus hin shouan, kum lth hāada tiāng : kum lth chāgāng : kum lth kwolthtāng : kum ltha kil hansta kwaiēdungāng.

19. Aung unga isken ou unga ishin lth ga gwudgīd : waigen tlu unga dung kwōyādas kingān dung kwulth ltha naans lth kwōyāda.

20. Anung itan innas hin lā il shūtaiang, ā kin isis wautliwan tuman lth kingūni. Gūshgu wēatu ga dī statlang ?

21. Jesus hin il shūtaiang ; kwutungē swaunshung istiē da dung kwudungstlo, kin wautliwan dung dāas alth lth giadouwē, waigen ltha kuniskidēga ga lth ista, waigen shā tligē gwau kin kwōyas dung daāshang, waigen althgwi isanga dī tlā lth kā.

22. Tlīstluan anung itan innas ashgē gūsh-
ouwē kwudangang tlo, il kwutungē stis dungalth
il kaiitang, tligē kwan il daaiang althlā.

23. Waigen Jesus lagagahatijangē hin il
shūtaiang, yenkien dalung ga lth shūgung,
shāgē kingdomgē gu nung kintlingā kātlagē
singētjang.

24. Waigen houshen hin dalung ga lth
shūgung, shāgē kingdomgē gu nung kintlingā
kātlagē telgu kintīga yūans stlin kwusi hēlā
kalthgwīd kāgē yāngulang.

25. Waigen tlīstluan lagagahatijangē kwu-
dangang tlo ltha kwutungē kaldungāgangang,
waigen hin ltha shouan kashinlth edlou ka-
gūnāsin ?

26. Waigen Jesus ltha gwi il kīaiang, waigen
hin ltha il shūtaiang, ā kin isis ītlansidā an
singetzang, waigen Shānungetlagidas an kin
wautliwan yāngulang.

27. Wadlu Peter hangtlan shouan, waigen
hin lā il shūtaiang, kwoking, kin wautliwan
stāhā unga talung istiēdang, waigen dung tlā
talung istalgung: gūshū talung istāshang ?

28. Waigen Jesus hin ltha il shūtaiang,
yenkien dalung ga lth shūgung, tligē houtla gu,
tlīstluan nung ītlinga kit aulthkaaungwē anyā-
kwudungā inku unga il kouwastlo, dī tlā dalung
istals dalung ishin aulthkaaungwē lā inku
tuadāshang, waigen Israel gwaigangē klāalth
wok stung dalung ginkilishang.

29. Ltha wautliwan han nē isken, kwaialung ishin, tūanalung ishin, chasalung ishin, aungalung ishin, oualung ishin chāalung ishin, kiti-lung ishin, tligē ishin dī kēyi hagunan ltha tastlastlo, wausilthka lagwau klēlth telgu ltha gwi kāēlthasang, waigen hēninga swaunung ishin ltha daāshang.

30. Lth hāada kwan kwuniātlāgangs gaiu otgwau isilthasang, waigen otgwau ga isgē kwuniē ēlthasang.

Chaptergē Lagwau Swaunshung.

SHĀGĒ kingdomgē nung itlinga nalēgā kingānu ēdung, waigen singaian nung kāg-wālanā lthāangwilēlung vine lthkai kwulthkadazi ā unga il istiēanā.

2. Waigen sin gud cent swaunshung ltha ga il giasouses an ltha il ūnshitalhtaiang tlo, vine lthkai kwulthkadazi ā unga ltha il kil istiēdang.

3. Askaskit klāalthswaunsingūstlo kiak il kāg-wālang, waigen giouk waddanē isis kwulthkadazi gu ltha kalat skunsalungā tlazūgiangs il kāngang.

4. Waigen ltha il shūtaiang, dalung ishin vine lthkai kwulthkadazi ā lth istiēdo, waigen tliku an kin lā ed dalung ga lth istāshang. Waigen kūwē gud unga ltha istiēdang.

5. Waigen askaskit klāalth wok stung talstlo,

waigen askaskit lth'ūnilthstlo houshen kiak il kāḡwālang, waigen houshen kingān il shouan.

6. Askaskit klēlthstlo kiak il kāḡwālang, waigen ltha kalat skunsalungā tlazūgians il kāngang: waigen hin ltha il shūtaiang, kashintlou ādlun sin saasgud skunsalungan dalung tlazūgianḡung.

7. Hin lā ltha shutaiang, kum nung itlinga lthāangwiliē itil ga istaansi althlā.

8. Ltha il shūtaiang, dalung ishin vine lthkai kwulthkadazi ā lth istiēdo, waigen tliku an kin lā ed dalung istāshang.

9. Tlistluan sinyāstlo, vine lthkai kwulthkadazi an nung itlagidas kin wautliwan tuman langa nung kings hin il shūtaiang, ga lthāangwilas gē an lth aying, waigen lthāangwiliē ltha ga lthanga saou ista: otgwau ga lthāangwilas gē ga lth giasou tlāgang, waigen kwunā gē ga lth otgwau giasou.

10. Askaskit klēlth lastlo ga lthāangwilā tlāgang gē centgē swaunshung wu istaodzouang: ga lthāangwilā tlā tlāgangang gēu wautelgu wu istāshang kwudangang, waigen gē ishin wai-kingān centgē swaunshung wu istaodzouang.

11. Tlistluan ltha istaiang tlo nēlē ltha kilthwangang.

12. Waigen hin ltha shouan, otgwau ga lthāangwilas gē askaskit swaunshung gud swaunan lthāangwilgun, waigen itil kingān ltha ga dung giasouḡun juiē kousta yūanstlo, yenkien

sin saasgud talung lthāangwilgun, waigen ka-shintlou kum wautelg ītil ga dung giasouān-gūng?

13. Waigen nung swaunshung ltha shu hin il shūtaiang, tui, kum dung lth tlaoulthdaung-gāngūng : kum gu cent swaunshung sing sin gud dī an lthāangwiliē an dung kwutungē lāngud-jang?

14. Oudshi lth unga ista, waigen kūwē gud lth unga kaiit: tliku lth kwuduns kingān lth waushang, waigen dung ga lth giasous kingān ā otgwau ltha isis ga lth giasouasang.

15. Tliku kin an unga lth kwudungs kingān lth istiē gu kum dī an lāng us? Dung hangi gu dāungā us? dī hangi lāsi althlā.

16. Altsīilth ltha kwuniā tlāgangs gaiu otgwau isisang, waigen ltha otgwau hāadē gē ishin kwuniē ēlthasang. Kingānu ga ostlas gē kwuniāasang, waigen ga kwunias gē ostlāsang. Lth hāada kwan an aiyingāgung, waigen ltha gū kingstiāgung

17. Waigen Jesus Jerusalem tligē ā il kaiitālāng tlo, kūwē in lagagahatijangē il istaiang, waigen hin ltha il shutaiang :

18. Kwoking, Jerusalem tligē ā talung istiēdasang, waigen nung ītlinga kit ga laplet ītlagidasgē isken, takālunglēilung ishin ga alth ltha giadāshang: il kwōtalēanu lā ltha ginkilislungshang: siliā, tliga kalat hāadē ga lā ltha istāshang lā alth ltha nangasilungēanā.

19. Lā ltha tilthwangēanā, lā ltha zitoklis-kidēanā, waigen shantlan lth'ūnilthstlo houshen il kātālūshang.

20. Wadlu Zebedee kitilung ou lā an kātālā-gang il kitilung dungalthan : lā ā singelthkang il gūshūstlo lā alth kin da il kiānangang.

21. Waigen hin lā il shūtaiang, gūsh gu dung istatlang ? Lā il shūtaiang, dungīē king-domgē gwau dī kitilung stung tluadiē alth takingwoḡung : nung swaun dung soolgūst isken nung kalat dung stlangūst itzgēanā.

22. Jesus hin hangtlan shouan, kin da dalung kiānungs anu kum dalung ūnshitāngung. Skatlang aist lth hutlaungkasēs aist hutliēan gu dalung tagwiā us ? Waigen baptismgē alth dī baptaizdias alth baptaizdigēan gu dalung tagwiā us ? Lā il shūtaouang an ītil tagwiāgung.

23. Hin lā il shūtaouang, yenkien kiagin skatlangwē aist dalung hutlāshang : soolgūst dī kwulth kouwiē isken, st'angūst dī kwulth kouwiē ishin dalung ga lth istiēan kum kiagin isāngung : kitildou an ltha dī Aung ēlthkidasi wū istawaushang.

24. Tlistluan ltha klāalth kwudāngāni tlo, kwaialung stung an ltha kātliyilthdaiang.

25. Waigen Jesus ltha an aiyangang, waigen hinū il shouan, ltha haldungsidāan ltha istaḡuns tliga kalat hāadē an ga princesgas gēu an dalung ūnshitung ; waigen ltha hangast ga ītlagidasgē kilth kingān ltha waugungung.

26. Kum waikingān dalung shu edāngshang : kīstho dalung shu itlagidagē da kwudungstlo, agwan dalung kitzadou il isisang : waigen kīstho dalung shu kwuniāgē da kwudungstlo agwan dalung haldunga il isisang.

27. Waikingān nung itlinga kit kum an lthāangwilangēan kātlātalgun :

28. Il lthāangwilēan il kātlātalgun, lth hāada kwan hēninga unga alth il dakgēanā.

29. Waigen Jericho tligē stāhā itan ltha istiēdungdang ltha skūla yūan lā tlā istālang.

30. Waigen kwoking, ltha hangkagas stung kūwē in tluadaiang kin il ginungāwēanā. Jesus kāgians il kwudungwastlo hinū il sahaigaouang, Shālānā David Kit, itil kalthshint lth kwutung.

31. Waigen ltha skūlas lā ā stakidaouang tlan il gūshūwēanā : waigen houshen hin il sahaigaouang, Shālānā David Kit, itil kalthshint lth kwutung.

32. Waigen Jesus giāgang ken lā an il aiyingouang : waigen hinū il shouan, gūsh dalung an lth istiē gu dalung istatlang ?

33. Lā il shūtaouang, Shālānā, itil hangi helthilthgiēan.

34. Altsiilth Jesus lā kalthshint il kwutungouang : il hangi il gidsgildaouang tlo houitang kin hangi unga alth il kingouang, waigen lā tlā il istiēdouang.

Chaptergē Lagwau Swaunshung wok Swaunshung.

WAIGEN tlīstluan Jerusalem tligē an ltha istlātālang tlo Bethphage tligē gu ltha idjāni Olives lthdouwē gwud ltha itzgēanā.

2. Jesus lagagahatijangē stung il kil istiēdang ken hin lā il shūtaouang, wadshgwau lana is ā lth istiēdwang, waigen houītang kuitan k̄ū jinda k̄ūtlitajas dalung kiāshang, il kīti ishin lā kwulth isisang. Lā hēsta lth tlātawang, waigen althgwīk dī ā il istawang.

3. Waigen nung itlinga tliku han dalung shūtastlo, hin dalung ishin shūasang, Shālānā lā ga stalhawangwau, waigen houītang dī ā lā il istawāsang.

4. Wadlu, tliku awolth nung prophetgas shouan kingān kin wautliwan edang: waigen hinū il shouan:

5. Sion gwudjana ga hin lth shūū, kwoking, dung an nung King gas kwutungē hēt eds dung an kātlātalgung kuitan k̄ū jinda inku il kouwang, waigen kuitan k̄ū jinda kīti an ishin.

6. Lagagahatijangē istiēdang, waigen tliku Jesus il shūtaouang kingān il wauouang.

7. Kuitan k̄ū jinda isken il kīti ishin il istaouang, waigen kin il giandawas unga lā inku il istaouang ken gē inku lā il istaouang.

8. Waigen ltha skūla yūan kin ltha giandas

unga kūwē kalthgūd ltha duntānaḡangang : waigen ltha kalat ishin lthkumal ltha skitawī-ḡangang, waigen kūwē kalthgūd ltha kouwanstlaḡangang.

9. Ltha skūlas lā kwunast ltha istalsken lā tlā ga is ḡē ishin hin katzouang, David Kit isis ā lth killou. Shālānā kēyi ā nung kātllās lāḡung. Kwunan lā ā lth killou.

10. Waigen tlīstluan Jerusalem tligē gu il kātllāḡang tlo, ilnigē hāadē kaldungā odzouāni, waigen hin ltha shouan, kīstho īching ?

11. Waigen ltha skūlas hin shouan, anis, Jesusu īching. Nazareth tligē Galilee tligē gu nung Prophetḡāḡang.

12. Waigen Jesus Shānungetlagidas giē churchnigē ai katsaiang, waigen lth hāada wautliwan kin alth ltha giadawas isken, kin ltha dāawas ishin kiak il dāngwāḡang : tableḡē inku dālā idjan ishin il skohastlaiang, waigen kaltsida alth ltha waddas giē aulthkaaungwē il skwolthgaduldangang.

13. Waigen hin ltha il shūtaiang ū kālunḡā-ḡung, kiagin nē singelthkang' ḡūshou nē hinū kēyāsang, waigen kwolthta nē an dalung tlaoutlaiang.

14. Waigen churchnigē ā ltha hangkagas isken ltha kwollo kōdas ishin lā an istlāḡang, waigen ltha il tllāḡālāni.

15. Tlīstluan ga laplēt itlagidasḡē isken takā-lunglēilung ishin kin an kaldunga il tlaoutlas

kāngang tlo, waigen lth hāhudila churchnai ā isis David Kit ā lth killou hin shūs ishin ltha kwudangang tlo, ltha kwutungē kātliyilth-daiang.

16. Waigen hin lā ltha shūtaiang, ā ltha shūs gu dung kwudung? Waigen Jesus hin ltha shūtaiang, āng, lth hīhudila helthli stāhā isken ga tlingē helthli stāhā ishin killāgē lā yūan dung istaiang kum gu dalung reada-dāngudjang?

17. Waigen ltha stāhā il kaiitang: ilnigē ishin stāhā il kaiitang Bethany tligē āā, waigen gaigu il hal daiang.

18. Singaiḡastlo ilnigē gwi il stēlang tlo il kwotagālang.

19. Waigen kūwē duul ā fig lthkai isis il kāngang tlo ā il kāgang, waigen yhil swaunan lā ī kous il kīaiang, altsīlth hinū il shouan, ashgē shantlanē stāhā agwan kum hāna dung inku houshen inastla swaunungānda. Waigen houitang fig lthkai sahādungkilthistlaiang.

20. Waigen lagagahatijanḡē kāngang tlo ltha kaldungāḡangang, waigen hin ltha shouan, kashintlou houitang fig lthkai isis sahādungkilthistlou ūdjang.

21. Waigen Jesus hangtlan ltha il shūtaiang, yenkien dalung ga lth shūḡung, dalung yetastlo, waigen kum ā dalung gwudukikitānstlo, tliku adshi fig lthkai ḡē isisi kingān dalung kin istāshang: waigen adshi lthdouwē hin dalung

shūtasken sīk lth is, waigen chān ga lth is, hin dalung shūtasi kingānu ichingsang.

22. Waigen kin wautliwan an singelthkang gūshou ā dalung yetasi hin da dalung kiānungskan dalung istāshang.

23. Waigen tlīstluan churchnigē ai il kat-saiang tlo houān il taskadadagundang, ga laplēt itlagidas gē isken, ltha kiāsi ishin lā kwulth istzaiang: waigen hin ltha shouan, kīst tagwiāgē hanstu ā kin isis dung istang waigen kīstho adshi tagwīgē dung ga istaiang?

24. Waigen Jesus hin hangtlan ltha il shū-taiang, tlaou ishin kin swaunshung da dalung alth lth kiānungsang, waigen hangtlan dī ga dalung shūtastlo, nung tagwias hanstu ā kin isis lth istas tlaou ishin dalung ga lth shūtāshang.

25. John giē hānlthē kwōyāsi kitchistā idjang? shā stāhā gwau? ltha itlansidas stāhā gwau? Waigen gwudalth ltha kwulthālang waigen hin ltha shouan, shā stāhā hin talung shūsken, kashintlou kum lā dalung yetāngūdjang hin itil il shūtāshangwau?

26. Ltha itlansidas stāhā hin talung shūsken, ltha skūlas ga itil lthwauḡung, John nung, Prophetgas ishin ltha kwudungsi althlā.

27. Waigen hangtlan hin Jesus ltha shū-taiang, kum hansta talung shoutlingāḡung. Laou ishin hin ltha il shūtaiang, nung tagwias hanstu ā kin isis lth istas kum dalung ga lth shūtāngshang.

28. Waigen kasino dalung kwudungung? Nung itlinga kitilung stāngang: waigen il kit kwaias an il kātālāgang, waigen hinū il shouan; lthkin, aiata vine lthkai kwulthkadazi ā lth dī nā lthāangwilā.

29. Waigen kum ā lth kaiitāngshang hinū hangtlan il shouan: waigen siliā kwutungē unga il stilthtaiang waigen ā il kaiitang.

30. Il kit tuanas an il kātālāgang, waigen kingān il shouan. Waigen hinū hangtlan il shouan, Nung itlagidas, ā lth kaiitshang, waigen kum ā il kaiitāngang.

31. Ā ltha stung isis kinasu tliku il aung kwudungs kingān waugang? Ltha shouan nung kwaias. Jesus hin ltha il shūtaiang, yenkien dalung ga lth shūgung, giasougunungalēilung isken, ga laaigas gē ishin, Shānung-etlagidas giē kingdomgē ā dalung kwunasta istalashang.

32. John kūwē lās gud dalung an il kātālāgang, waigen kum lā dalung yetāngāni: giasougunungalēilung isken, ga laaigas gē ishin il kil yetaiang: tlistluan dalung kāngang tlo kum siliā dalung kwutungē unga stilthtaangang il kil dalung yetiēanā.

33. Houshen lth kīgang kalat kwudungu: nung nēlē gāgang vine lthkai tlidzaiang, waigen addu il kwulthkadajang, waigen vine tlaoutlouwē ishin kātli ā il tlaoutlaiang, waigen nē kladska ishin: tuman vine lthkai ltha kingsa

il shildadaiang, waigen tliga jinga ā il kai-
itang.

34. Waigen tlīstluan hāna ltha lthūdtalsītlo, tuman vine lthkai langa ltha kingsa ā kitzadalung il kil istiēdang hāna langa washt ltha istiēanā.

35. Waigen tuman vine lthkai ltha kingsa il kitzadalung istaiang: nung swaun ltha skodangang: nung swaun ishin ltha tīaiang, waigen nung kalat ishin kwau alth ltha kuntlouang.

36. Houshen kwunāgē telgu kitzadalung adda il kil istiēdang, waigen gē ishin waikingān ltha istaiang.

37. Otgwau agwi kit unga ltha ā il kil kaiitang, waigen hinū il shouan dī kit ā ltha kōgāsang.

38. Waigen tlīstluan tuman vine lthkai ltha kingsa il kit kāngāni tlo hin gwu ltha shūtaiang, anis, lā silthnāsang: ōtlā lā talung tiadzing, waigen tligē lā talung istadzing.

39. Lā ltha gidsgildaiang, waigen vine lthkai gē kwulthkadazi stāhā lā ltha dāngang, waigen lā ltha tīaiang.

40. Altsīlth vine lthkai tligē an nung itlagidas kātlāstlo, kasino vine lthkai tuman ltha kingsa il edāsang. Hin lā ltha shūtaiang,

41. Ā ltha dāungas gē wautliwan il tlitāshang, waigen vine lthkai kwulthkadazi ltha kalat unga il shildadāshang, waigen hānē lā ga langa ltha istāshang hānē lthūdgīstlo.

42. Jesus hin ltha shūtaiang, kum gu Shānungetlagidas giē kōgīnē ā dalung reada-dāngūdjang? Kwaunē tlaoutlalēilung adshi kwauē dāngāni kwungut an kats ēalang. Shā-lānā wauḡang, waigen kin an kaldungou itil hangā iching.

43. Altsīlth dalung ga lth shūḡung, Shānungetlagidas giē kingdomgē dalung stāhā istiāshang, waigen lth hāada lā gud hāna lā inastlas ga istiāshang

44. Kīstho adshi kwau inku tlidaltastlo aisī idasang: waigen kīsta ingwīu adshi kwauē kīwītelgung kwiē kingānu il zilthūstāshang.

45. Tlīstluan ga laplēt itlagidasgē isken Pharisee hādē ishin il kīgangs langa ltha kwudangang tlo ltha addē ā il shūs an ltha ūnshitālang

46. Waigen tlīstluan il gidsgildiē da ltha kwudangang tlo, ltha skūlas ga ltha lthwau-gaiang, nung prophetga il ishin ltha kwudāngāni althlā.

Chaptergē Lagwau Swaunshung wok Stung.

WAIGEN Jesus hangtlan shouan, waigen kīgāngē alth ltha ga il kīgāngang.

2. Shāgē kingdomgē nung king ga kingānu ēdung, waigen gwū inēl lagunungē kit unga an il tlaoutlaiang.

3. Waigen ltha wautliwan ga il shūtaiang il lagunungasēs : kin hansta lagunungasēs wautliwan ēlthkīsītlo itan kitzadalung il lagunungā-daiang, waigen kum lagunung kāagē gu ltha istatlāngang.

4. Houshen kitzadalung adda il lagunungā-daiang, waigen kitzadalung hin il shūtaiang, ltha an lth aiyingun ga lth shūdo; kwoking lagunungē lth tlaēlthkiḡun, kiagin musmusgē isken, kiagin kin aia ishin lth tlitaḡun, waigen kin wautliwan ēlthkiḡun, altsīlth gwū inē lagunungē ai lth istzoo.

5. Waigen ltha kāḡangang, waigen kūwē gud unga ltha istiēdang, nung swaun mūsmūs tligē gwi unga il stēlang : nung kalat waddanē ā unga il kaiitang :

6. Waigen ltha kalat il kitzadalung istaiang ken ltha ltha tilthwangyūanḡangang, waigen ltha ltha tlitaiang.

7. Waigen tlīstluan an nung king gas kwudangang tlo il kātliyilthdaiang : soldiergasgē kwan yūan il kil istiēdang, waigen ā ga lagunungas gē ga tlitaiāni gē ishin ltha tliitiēdāni, waigen ilnigē ishin lthanga ltha hokulthtaiang.

8. Wadlu hin kitzadalung il shūtaiang, gwū inēl lagunungē ēlthkiḡun, waigen āḡian ltha aiyingu kum lānḡung.

9. Altsīlth kūwē kwun ā lth istiēdo, waigen ltha wautliwan dalung kings kingān gwū inēl lagunungē ā ltha kil istiēdo.

10. Yenkien il kitzadalung kūwē kwun ā istiēdang ken ltha wautliwan ltha kingskialk ltha ltha istaḡangang: ga lās gē isken ga dāungasgē ishin, waigen gwudlth inēlths roomgē lth hāada alth stāougāḡang.

11. Waigen tlīstluan anung king gas āi kat-saiang tlo touilung il kāngēanā, nung swaunshung nung chādūnēlths kinā kum il giandāns il kāngang.

12. Waigen hin lā il shūtaiang: toui, kasino nung chādūnēlths kinā kum dung giandāns-kenan ai dung katsouūdjang? Waigen il kil gouang.

13. Itan anung King gas hin kitzadalung shūtaiang: il yhē isken il kwollo ishin langa yātselthto, wadshgwi lth il isto, waigen giouk halgas gē ā lth il dāngu, wiouk sahaigāsēsi gwau, waigen zing unga kōkopitāsēsi gwau ishin.

14. Altsilth lth hāada kwan an aiyingāḡung, waigen ltha gu kingstiāḡung.

15. Wadlu Pharisee hāadē kiak issāgang tlo ltha counselgāgang tliku il kil da langa ltha dungdaḡwunasēsā eddē ā.

16. Waigen kitzadalung Herodias hāadē alth lā ā ltha kil istiēdang, waigen hin ltha shouan: Nung itlagidas, yenkien dung shūs an itil ūnshītung, waigen Shānungetlagidas giē kūwē yenkien ltha dung skadadang: ltha itlansida ishin alth kum dung aiyuānḡung, ltha itlansida tlu addu kum dung kwulthilhānḡung.

17. Tliku dung kwudungs lth itil ga shūdi :
 giasou dālā Caesar ga talung istiē gu lā us?
 kum gwau ?

18. Waigen ltha kwutungē dāungas an Jesus
 ūnshitālang tlo hinū il shouan : kashintlou dī
 eddē dalung kil kingung ?

19. Dalung kwutungēstungs, giasou dālē dī
 lth kingdo. Waigen centgē swaunshung lā ā
 ltha istaiang.

20. Waigen hin ltha il shūtaiang, kīstā
 danījingaiu iching, waigen kasin kālūngē edu
 iching ?

21. Waigen Caesar giē hin lā ltha shūtaiang.
 Wadlu hin ltha il shūtaiang, Caesar kinā isis
 lth Caesar ga lth isto : Shānungetlagidas kinā
 isis tlou lth Shānungetlagidas ga lth isto.

22. Waigen tlīstluan ltha kwudāngāni tlo
 ltha kaldungāgāngang, waigen lā stāhā kūwē
 gud unga ltha istiēdang.

23. Ashgē shantlanī tlo Sadducee hādē
 lā an istlāgāng : kum kwōtal stāhā lth hāada
 kātlūāngān ltha shouan.

24. Waigen hin lā alth ltha kiānangang,
 Nung itlagidas, nung itlinga kwōtalsken, kum
 il kit kaiānsken il tuan il chā alth gu inēltha-
 sang, waigen kwai unga an kitilung il kaiawau-
 shang hinū Moses shouangwau.

25. Itan, gwudalth ltha istalgā chigwau itil
 alth iching : waigen nung kwaias chādināēl-
 gun ken il kwōtalgun. Kum il kit kaiāngun

althlā, altsülth tuan unga ga chā unga il tatlistlaḡun.

26. Waigen nung tuanasishin kingān īching, nung tuanas kalat ishin, waigen il chigwau an kwōtalthkaodzūḡun, waigen kum kit ltha kaiānḡun.

27. Waigen otgwau agwi anung chada ishin kwōtalḡun.

28. Altsülth kwōtal stāhā ltha kātluš singē aik ā ga chigwau isisgē kinas chāū il isisang, il inā odzūḡunē althlā.

29. Jesus hin hangtlan ltha il shūtaiang, dalung hadlouḡung Shānungetlagidas giē kōḡina isken il tagwias ishin kum an dalung ūnshitānsi althlā.

30. Kwōtal stāhā ltha kātluš tlo kum ltha gwud lth inā gungānḡung, kum gwud ltha ināsing gungānḡung, waigen Shānungetlagidas giē angelgas gē shā tligē gu isis kingān ltha ēdunḡung.

31. Shānungetlagidas dalung shūtaiang tliku kwōtal stāhā ltha kātluš edis kum gu dalung readadāngūdjang?

32. Abraham an dī Ītlagidāḡung: Isaac an dī Ītlagidāḡung: Jacob an dī Ītlagidāḡung. Shānungetlagidas kum ltha kwōtalthkiē an Ītlagidānḡung: ga heningasgē an il Ītlagidāḡung.

33. Waigen ltha skūlas kwudāngāni tlo, kin il skadadas an ltha kwutungē kaldungāḡang.

34. Waigen tlistluan Sadducee hāadē il kil-sitlthlīs Pharisee hāadē kwudangang tlo kwudā ltha idjan.

35. Waigen nung swaunshung ltha shu Lawyer gāgang. Lā alth il kiānangang il eddē il kil kāngēanā.

36. Hinū il shouan, Nung itlagidas, kingwoguns shu kinasu wautelgu yūangung?

37. Waigen hin lā il shūtaiang, Shālānā dung itlagīda lth kwutungē unga saaskwan alth kwōyāda : hātlandē unga wautliwan alth ishin : kwulth alth unga wautliwan alth ishin Shānungetlagidas lth kwōyāda.

38. Anisu kwuniāgung, waigen kingwogung yūanu iching.

39. Waigen nung swaun ishin wau hangast ēdung. Agung dung kwōyādatlidzūs kingān lth dung kwulth ltha naans ishin kwōyādatlidzu.

40. Ashgē kingwogungē stung stāhā kingwogungē wautliwan isken ga prophetgas gē ishin kiāgāgung.

41. Waigen houān Pharisee hāadē kwudungalth ichingdang, Jesus hin ltha alth kiānangang, waigen hinū il shouan :

42. Kasino Christ an dalung kwudungung? Kīsta kitu il iching? Hin lā ltha shūtaiang David Kitā.

43. Hin ltha il shūtaiang : kashintlou waiken hants unga alth Shālānā hin lā il kēyādou ūdjang?

44. Hinū il shouan, Shālānā dī an nung Shālānā gas hin shūtaiang, soolgüst dī kwulth kouwa dung telga ltha kingsa dung stai hetgu lth istiē kū.

45. David, Shālānā hin il kēyādaiangken kasino il kit il istlidzūgung?

46. Waigen kum nung itlinga swaunshung kil swaunshung alth hangtlan il shūtaangang: waigen gē shantlanē stāhā houshen lā alth kiānungē ga ltha hulskudang.

Chaptergē Lagwau Swaunshung wok Lth'ūnilth.

WADLU Jesús ltha skūlas isken, lagagahatijangē ishin hin il shūtaiang:

2 Pharisee hāadē isken, takālunlglēilung ishin Moses giē aulthkaaungwē inku tlūadaḡungḡung:

3. Kin wautliwan dalung ga ltha shūtas kingān lth wauu: waigen ā kin isis tuman lth kingo: waigen kin ltha istas kingān lth kum wauāngu, tliku kin ltha shūtas kingān kum ltha wauāngsi althlā.

4. Ang, kin kina wuniḡiḡē singētza an ltha lthaidsgustlaḡungsi althlā, waigen ltha itlansidas skū gwi ltha istaḡungḡung ken kum stlē kungē unga ska swaunshung alth ltha da ltha tlāēdunḡungḡung:

5. Lthāangwilas wautliwan lth hāada lthanga kāngēanā ltha istaḡungḡung: kin kwōyā ltha

giandas ālthli unga ltha yūandaḡungḡung, waigen kin ltha giandas gud kin tlikīdans ltha yūandaḡungḡung.

6. Lagunungē gu shā agwi aulthkaaungu inku tlūadiēd ltha kwōyādaḡungḡung, waigen churchnē hudila ā aulthkaaungu tatchgwau agwi ishin.

7. Waigen giouk ltha waddas ā ishin ltha hangā ltha kwaukulthtiēd ga ltha istatlaḡungḡung, waigen lth hāadā nung ītlagīdas, nung ītlagīdas hin ltha kēyādiē da ltha kwudungḡung.

8. Dalung kum lth nung ītlagīdas hin agung kēyādadāngu, nung swaunshung dalung an ītlagidāḡung Christ ā, waigen dalung wautliwanū gu kwaiildang.

9. Kum lth nung ītlinga aung unga hin hētk tligē gu kēyādaāngu, dalung Aungu swaunshung shā isis althlā.

10. Ga ītlagidas gē kum lth hin agung kēyādadāngu, nung swaunshung dalung an ītlagidāḡung Christ ā.

11. Dalung shu nung yūansitlthlisu dalung kitzadou isisang.

12. Waigen kīstho shā kwutungē unga ēdung, hētk gu il isisang: kīstho hētk kwutungē unga ēdung sīk gu il isisang.

13. Takālunḡlēlung: Pharisee hāadē ishin: ltha kwutungē stungs ishin: dalung an kin ga lthwōgīgāsang! lth hāada talth shāgē kingdomgē wau dalung skaskītungs althlā.

14. Kum ī dalung istzaanḡung, waigen ltha wautliwan ī istziē da ltha kwudungsiken anu ā dalung kēkīdung.

15. Takālunḡlēilung: Pharisee hāadē: ltha kwutungē stungs: dalung an kin ga lthwōḡīḡā-sang! singelthkang dalung ḡūshūjingas kwulgudang ltha zūtlingas giē nē dalung kwōskīdungsi althlā, altsīlth wautelgu kin dāunga kinung an dalung istāshang.

16. Takālunḡlēilung: Pharisee hāadē ishin: ltha kwutungē stungs: dalung an kin ga lthwō-ḡīḡā-sang! tungē isken tligē ishin addu dalung istalḡung nung swaunshung kwutungē dalung tlastelḡēanā: kwutungē unga il stīlthtlāstlo dalung telgu hetḡwaugē kit an lā dalung tlaoutlaḡung.

17. Ltha hangkagas halistal lēilung dalung īching, altsīlth dalung an kin ga lthwōḡīḡā-sang: hin dalung shūḡung, kīstho churchnē alth kin shūdaḡīḡung ḡingḡangānu ēdung, waigen kīstho gold churchnē ā isis alth kin shūdaḡīḡung tliku il shūs kum sīlthkang il stīlthtaḡungānḡung.

18. Dalung kōnungs isken waigen dalung hangkagas ishin, kinaso wautelgu kwōyāḡung, gold ḡwau, churchnē āk gold lās ḡwau?

19. Waigen kīstho Shālānā giē tableḡē alth kin shūdaḡīḡung ḡingḡangānu ēdung; waigen kīstho Shālānā giē tableḡē inku saouhadan kin isis alth kin shūdaḡīḡung tliku il shūs kum sīlthkang il stīlthtaḡungānḡung.

20. Dalung hangkagasu : kinaso wautelgu yūangung ? saouhadan kin isis gwau ; Shālānā giē tablegē inku saouhadan kin isis gwau ?

21. Altsīlth kīstho Shālānā giē tablegē alth kin shūdaḡiīgung wau alth il shūdaḡiīgungung, waigen kin wautliwan inku isi alth an ishin.

22. Kīstho churchnē alth kin shūdaḡiīgung, wau alth il shūdaḡiīgungung waigen ā nung isi alth ishin.

23. Waigen kīstho shā tligē alth kin shūdaḡiīgung, Shānungetlagidas giē aulthkaaungwē isken inku nung kouwas ishin alth kin il shūdaḡiīgungung.

24. Takālunglēilung : Pharisee hāadē : ltha kwutungē stungs : dalung an kin ga lthwōgī-gāsang ! mintgē isken, anisegē ishin, cummingē ishin stāhā giasou dalung istas althlā : kingwoguns isken, ginkilislungs ishin, kin kalthshintokwutungs ishin, yeta ishin : ā kin kinas kum dalung istaangung ; ashgē dalung istiēu lāgung, waigen kin adda dalung istas kum lth tlanēlhtāngu.

25. Ltha hangkagas halistal lēilung dalungu īching : stlaldigwan ūnlthoutlilthadziē addu dalung eskang, camelgē, kintīga yūan is tlou dalung ūnlthoutlilthadzaḡungung.

26. Takālunglēilung : Pharisee hāadē : ltha kwutungē stungs : dalung an kin ga lthwōgī-gāsang ! skatlangwē kal swaunan dalung tlas-

kwunaḡungasi althlā waigen kēlthka ishin :
kātli tlou kin sālā isken, kin dalung kwolthtas
ishin alth stāouḡāḡung.

27. Nung Pharisee hāadē hangkagasu dung
īching : skatlangwē kātli ā kin isis tlaskwuna-
gelth tlāgang, waigen skatlangwē kal ishin
skwunagelthasang.

28. Takālunḡlēilung isken : Pharisee hāadē
ishin : ltha kwutungē stungs : dalung an kin
ga lthwōḡīḡāsang ! shātlinga nē addaḡuns kin-
gānu dalung edis althlā : kīaḡustsi lāḡung
waigen skwunang, kātli tlou ltha kwōtalthgias
skwuts isken kin skwūna wautliwan ishin alth
staouwaḡung.

29. Kingānu dalung ishin, ltha hāada hang-
ku kal unga tlaskwunaḡunḡung ; dalung kātli
tlou kwutungē sahalthila isken kin dāunga
ishin alth staouwaḡung.

30. Takālunḡlēilung : Pharisee hāadē : ltha
kwutungē stungs : dalung an kin ga lthwōḡī-
ḡāsang ! ga prophetgas ḡē shātlingnigē dalung
tlaoutlaḡungsi althlā, waigen ga lās ḡē ltha
tlēēwas ishin dalung tlaskwunaḡunḡung.

31. Waigen hin dalung shūḡung : itil aun-
galung giē shantlanē nūd tālung idjastlo kum
ga prophetgas ḡē ai ltha alth talung dāngāng-
dādunḡung.

32. Altsiilth kinung an dalung witness ḡā-
ḡung, waigen ga prophetgas ḡē ga tlitaian
kitilung dalung īching.

33. Altsiilth aungalung giē kwīdouwē lth stāoudo.

34. Dalung sikgas gē, sik dāunga kitilung dalung īching: kasino hetgwaugē ginkilislungē stāhā dalung kaḡuntlidzūashang?

35. Altsiilth kwoking, ga prophetgas gē isken, ga kutungas gē ishin, takālunḡlēilung ishin, dalung ā lth kil istiēdang: ltha titch dalung tlitāshang, waigen zitoklikadangshang: ltha titch ishin dalunḡiē churchnē hudilas ā dalung tīlthwangshang: ilnigē stāhā ilnigē ā kin singētza ltha dalung hāndungdāshang.

36. Ga las gē wautliwan ai hētk tligē gwi kwaiyangang dalung inku attūḡēanā, Abel nung itlinga lā isis ai stāhā Zacharias Barachias kit ai ā idjan, waigen churchnē yūans kūwē isken Shālānā giē tablegē ishin yakwusiā nung dalung tīaiang ā.

37. Yenkien dalung ga lth shūḡung, ā kin isis wautliwan adshi hāadaḡē inku attawau-sang.

38. O Jerusalem, Jerusalem, ga prophetgas gē dung tlitāḡunḡung, waigen dung ā ga kil istiēdas kwau alth dung kuntlouḡunḡung! timeḡē kīslu skou chada kitilung hudila yhē unga hetgu istāḡuns kingān dung kitilung gwudā kwudungalth istiē da dī kwudunḡung, waigen kum ga dalung istatlānḡung.

39. Kwoking dālunḡiē nē wēata dalung an ginggangānu ēdung.

40. Yenkien dalung ga lth shūgung adshi stāhā kum dī dalung kingāngsang, Shālānā kēyi ā nung kātlāsu lāgung hin dalung shūasēs kū.

Chaptergē Lagwau Swaunshung wok
Stanshung.

WAIGEN Jesus churchnē yūans stāhā kiak kāgwālang ken lagagahatjanḡē lā an istlāgang churchnigē tlaoutliāsi lā ltha king-diēanā.

2. Waigen Jesus hin ltha il shūtaiang, ā kin isis wautliwan kum gu dalung kingāng us? Yenkien dalung ga lth shūgung, kum ādlun kwau gwud ingwi istatliāngshang, kwauē wautliwan hunwēasēsi althlā.

3. Waigen Olives lthdouwē inku il kouw-
iang tlo lagagahatjanḡē swaunan lā an istlā-
gang ken hin ltha shouan: tlistlu ā kin isis
isisēs itil ga lth shūda, waigen gūsh kaoun-
tsidou isisang dung kātlātalhsēstlo waigen
adshi tligē hēlōungkasastlo ishin.

4. Waigen Jesus hin hangtlan ltha il shūta-
iang, tuman lth agung kingwang waigen kum
nung itlinga agung kinkōnungdāngwang.

5. Ltha kwan dī kēyi ā istlāsēsi althlā:
Christ tlaou iching, hin ltha shūasang, waigen
ltha kwan ltha kinkōnungashang.

6. Gūistā isken, gūistā giatlingē ishin dalung

kwudungsang : kum lth kwutungē unga kwī-distladāngwang : yenkien ā kin isis isisang, waiken houān adshi tligē kum tlanēlthāngsang.

7. Gwaigang alth gwaigang gūistāshang : kingdomgē. alth kingdomgē gūistāshang : tou gūēlthasang : idskāshang : waigen tligē kwan ai tligē ildungsang.

8. Adshi wautliwan kin ga lthwōgīgās an kwuniāgung.

9. Itan, dalung ltha tilthwangasēs ā dalung ltha istāshang, waigen dalung ltha tlitāshang ken dī kēyi hagunan dalung telga gwaigang wautliwan kingasang.

10. Waigen lth hāada kwan kwutungē stiasang, waigen gwud alth ltha kilthkadungashang ken gwu telga ltha kingasang.

11. Ga prophetgas gē kilthkadunga kwan kātlušang, waigen ltha kwan ltha kinkōnungasang.

12. Waigen kin dāunga kwanasēsi althlā ga lās gē kwutungē tadāsang.

13. Waigen nung kwutungē kladskaḡiisītlo laou kaḡunasang.

14. Waigen adshi kingdomgē giatlingē lās alth lth hāada wautliwan gūk ltha gūshūasang gwaigangē wautliwan an witnessgaḡēanā, waigen itan kin wautliwan tlanēlthasang.

15. Daniel nung Prophetgas hin shouan : tlīstluan kin dāunga akaia churchnē ā gians

dalung kingstlo, kin nung readadasu lth agwan an il ūnshita.

16. Itan, Judaea tligē gu ltha isis agwan lthdouwē ā ltha khūstado:

17. Nās inku nung isis agwan lth kum hētk il kāalthtāng nē stāhā kin unga il istawau-gēana:

18. Kwulthkadazi ā nung isis kōdetsē unga il istiēna agwan kum il stīlthānda.

19. Waigen ashgē shantlanē gud ltha telthkias isken ga tatlindas gē ishin an kin ga lthwōgīgāsang.

20. Sin gā ai isken sundiga ai ishin kum dalung khudjāngungē singelth gūshū.

21. Itan ltha kwutungē sahaigyūansang: hētk tligē isi tlāgangang tlo kum hin kin ga lthwōgīgāangang, waigen ashgē timegē silīd kum houshen kingān kin ga lthwōgīgāngsang.

22. Waigen ashgē shantlanē kum il kwoandadānsken, kum tliku kēā kaguna tlingē kāng gaanḡung: ga kingstias gē hagunan ashgē shantlanē il kwoandadāsang.

23. Altsīlth nung ītlinga hin dalung shūtasken, kwoking Christ ādlun īching, waudlun ishin, kum lth yetāngwang

24. Christ kilthkadungas kwan kātlūshang: ga prophetgas gē kilthkadungas ishin: waigen kaountsida yūanda isken kin an kaldunga ishin dalung ltha kingdāshang: ga kingstias gē kin-kōnungē ishin ltha istakwudungasang.

25. Kwoking wau kwunast dalung ga lth shūdang.

26. Altsiilth tligē dāunga gu il idja hin dalung ltha shūtastlo kum ā lth istalāngu : kwoking nē kātli ā il iching hin ltha shūstlo kum lth yetāngu.

27. Hougust stāhā chāgwīk sēoulthtawau-guns kingān nung itlinga kit kātlašang.

28. Tlitzan ltha kwōt isis gaigu hōt ishin gwudā isisang.

29. Ga singē gud ltha kwutungē sahaigas siliā houitang juiē halgēlthasang : kungē ishin kum kwuntlāngangsang : kaiēlthta shā tligē stāhā huwīshang, waigen hin tagwia shā tligē gu isis kēidistlāsang.

30. Waigen itan, nung itlinga kit shā tligē gu isis giē kin kaountsidās kāngēlthasang, waigen gwaigangē wautliwan hētk tligē gu isis sahaigāsang : waigen nung itlinga kit kin tagwia alth isken kin anyākwudunga alth ishin yeni kātli ā kātālatalungkasas ltha kingasang.

31. Waigen ga angelgas gē hukingan huhē-gunsi dungalth il kil istiēdashang, waigen tatjouwē stanshung hētk tligē gu isis stāhā ga kingstias gē langa gwudā ltha istāshang.

32. Wēata, fig lthkai kīgāngē lth skado : tlīstluan il klāts lthtanastlo il yhil ishin inastlastlo, sinkinā āanān isis an dalung ūnshitung.

33. Altsiilth tlīstluan ā kin isis wautliwan

dalung kingstlo kūwē kwulth il isi an agung lth ūnshito.

34. Yenkien dalung ga lth shūgung, ā kin isis wautliwan kingān kin edgē kū kum adshi gwudistakāngē hēloāngshang.

35. Shā tligē isken hētk tligē ishin hēloashang, dī kil tlou kum hēloāngshang.

36. Waigen oudshi shantlanē isken askaskit ishin kum nung itlinga anūnshitāngung, shā angels isis ishin: tlan dī Aungē swaunan anūnshitung.

37. Tliku Noah shantlanē edangang kingān nung itlinga kit ishin kātlātalhasang.

38. Gītlidē kwunast gē singē gud ltha lhta-nugāngang, waigen ltha anilgangang, isi ishin gwud ltha ināēlgāngang waigen gwud ltha ināsingāngang.

39. Noah ark gwau ī kātligē kū: gītlidē kwunast kum kin an ltha ūnshitāngāngang, waigen ltha wautliwan tligwīk stāhā gīgīdāni. Waikingān nung itlinga kit ishin kātlāstlo edasangwau.

40. Itan, itlansidas stung kwulthkadis kātli ā isisang: nung swaun washt gūashang, nung swaun tlou gu an isisang:

41. Lth chāada stung mōlo ā shibili tlaoutlāshang: nung swaun washtgūashang, nung swaun tlou gu an isisang.

42. Altsīlth shanlthahadzo, kum tlīstlu askaskitē gud dalung an nung Shālānāgas kātlāsēs an dalung ūnshitānsi althlā.

43. Adshi an agung lth ūnshīto, nung nēlēga tlistlu askaskit gud kwolthtalē kātāsēs an il ūnshitstlo, il shanlthahadzātlingāgung, waigen nē langa skōkwulthziē addu ltha eskātlingāgung.

44. Altsīlth dalung ishin agung lth ēlthki-gādo: askaskit gud kum kinai dalung gwūdā-anḡundang nung itlinga kit kātālathasang.

45. Kīstho nung kitzada yeta isken waigen kutungā ishin īching? Il itlagīda giang nēzai an il itlagidēlthtāshang timegē wautliwan gud tou ltha ga il istiēanā.

46. Il itlagīda kātāstlo, anung kitzad kingan waus langa il kingstlo lāshang.

47. Yenkien dalung ga lth shūgung, kin wautliwan il daas an lā il itlagidēlthtāshang.

48. Nung kitzada dāunga tlou hin kwutungē unga ā il shūstlo, dī itlagīda kum houītang kātlaangshang:

49. Waigen lā alth ga kitzadas il skodasken: ga langas gē alth il lthtanūsken waigen hutlasken:

50. Wou nung kitzadas anung itlagidas kātāshang: sin swaunshung ai tlistluan kum lā da il kiatsuānḡundang askaskit skasgu gud kum kinai il gwūdāanḡundang il kātāshang:

51. Lā il tilthwangsang, waigen ga kwutungē stungs gē shu lā il istāshang giouk sahaigāsēsi gwau waigen zing unga kōkopitāsēsi gwau.

Chaptergē Lagwau Swaunshung wok Klēlth.

WADLU, shāgē kingdomgē chitlingā klāalth kingānu edasang : kāsotouho unga ltha istaiang ken chādūnēlths an istlāgēan kiak ltha issāgāng.

2. Klēlthu kōnangang, waigen klēlthu kutungāgāni.

3. Ga kōnungs gē kāsotouho unga istaiang ken tou kum wau an ltha istaangang :

4. Ga kutungas gē tlou kāsotouho unga istaiang, waigen tou ishin.

5. Houān nung chādūnēlths gūstalth ltha wautliwan tīslaiang waigen ltha kaslaiang.

6. Waigen halyakwulēlthstlo sahaiga idjang : kwoking nung chādūnēlths kātālātgung, kiak lth isso lā ā dalung istalēanā.

7. Itan ā lth chitlingas wautliwan katloukwudangang ken kāsotouho unga ltha hokulthtaodzouang :

8. Waigen ga kōnungs gē hin kutungas gē shūtaiang, tou itil ga lth unga isto itil giē kāsotouho kīlthgas althlā.

9. Waigen ga kutungas gē hin shouan, kāhano : kum itil an isken dalung an ishin kwānāngsang, altsiilth waddalēilung ā lth istiēdo waigen kinung an lth dahwou.

10. Tou ltha dahawas talth anung chādūnēlths kātālāgang, waigen ga ēlthkiāgas gē lā

alth na ga istzaiang gwud lth inēlths lagunungs ai ā waigen kūwē wau askidāni.

11. Wadla, ga chitlingas kalat istlāgang, waigen hin ltha shouan, Shālānā, Shālānā itil kūst lth daastla.

12. Waigen hin hangtlan il shouan, yenkien dalung ga lth shūgung kum dalung an dī ūnshitāngung.

13. Altsūilth shanlthahadzu, tlīstlu shantlanē isken tlīstlu askaskit gud ishin nung itlinga kit kātlāsēs kum an dalung ūnshitānsi althlā.

14. Shāgē kingdomgē nung itlinga tliga jinga ā kaiitang kingānu ēdung: kitzadalung an il aiyangang, waigen kin wautliwan ltha ga unga il istaiang.

15. Waigen nung swaunshung ga dālā ki klēlth il istaiang: nung kalat ga dālā ki stung il istaiang, waigen nung kalat ga ki swaunshung il istaiang: tliku ltha tagwiātals kingān ltha ga kin il istaḡangang ken houītang il kaiitāni.

16. Houītang dālā ki klēlth nung istaiang kaiitang: itan gwudistā il tlakaiidāni waigen dālā ki klēlth waug agung lā kāāskidang.

17. Kingān ishin dālā ki stung nung istaiang wauḡang, waigen lāgiē ki stung ishin waug agung kāāskidang.

18. Ki swaunshung nung istaiani kaiitang lā tlou hingan gatlēēwaiang ken itlagida unga giē dālā il saālang.

19. Washt ed kout ā ga kitzadas an nung

ītlagidas kātālāgang waigen lthanga il kwaiundaiang

20. Waigen dālā ki klēlth nung istaiang kātālāgang, waigen ilā dālā ki klēlth kalat il hātłhlāgang ken hinū il shouan, Shālānā dālā ki klēlth dī ga dung istaḡun, kwoking ilā ga ki klēlth houshen lth istaḡun.

21. Il ītlagīda hin il shūtaiang, Lāḡung, kitzadē las isken waigen yetou ishin dung īching: kin gu hutsu tuman dung kāngāni althlā, altsūlth kin kwan an dung lth ītlagidēlthtāshang; dung ītlagīda kwutungē las ik lth katsi.

22. Dālā ki stung nung istaiang kātālāgang ken hinū il shouan, Shālānā, dālā ki stung dī ga dung istaḡun, kwoking ilā ga ki stung dī gwi kāēlgun.

23. Il ītlagīda hin lā il shūtaiang, Lāḡung, kitzadē las isken waigen yetou dung īching: kin gu hutsu tuman dung kāngāni althlā, altsūlth kin kwan an dung lth ītlagidēlthtāshang; dung ītlagīda kwutungē las ik lth katsi.

24. Itan dālā ki swaunshung nung istaiang kātālāgang ken hinū il shouan, Shālānā, nung ītlinga skalthza dung isis an dī ūnshitung: giouk kum dung tatlıdzanḡunu dung tlıidung, waigen giouk kum kin dung dāngwānḡunu gwudā dung istang:

25. Waigen dī lthwaugaḡun ken lth kaiitun, waigen dunḡiē dālā ki swaunshung tligē kātli

ā lth saalguni, kwoking dungīē īching unga dung daēlung.

26. Waigen il ītlagīda hangtlan hin il shū-taiang: kitzada dāunga isken, skunsalunga ishin dung īching: giouk kum lth tatlidzāngas lth tlīidunḡung, waigen giouk kum kin lth dāngwāngas gwuda lth istaḡung an dung ūnshītunḡung:

27. Altsīlth kashintlo kiagin dālā kum dālālē ga dung istaang ūdjang, waigen waug agung kāskittastlo sīlthkang lth stīlthstlo lth istasgaiaunḡung.

28. Altsīlth dālā lā stāhā lth isto, waigen dālā ki klāalth nung daas ga lth isto.

29. Altsīlth ltha wautliwan han kin kwōyā daas ga ga istiāshang, waigen wautelgu il daēlthasang: kum kin nung daangs tlou kin il daas lā stāhā istiāshang.

30. Anung kitzada skunsalungas kiak halga ā lth dāngu giouk sahaigāsēsi gwau waigen zing unga kōkopitāsēsi gwau.

31. Tlīstluan nung ītlinga kit kin anyākwudunga dungalth unga il kātlāstlo, angels las wautliwan lā alth lā isisang, waigen itan aulthkaaungwē anyākwudunga inku unga il kouwāshang:

32. Waigen lā hangku gwaigangē wautliwan gwudā isisang, waigen lamatoēkētsitlē lamatoē isken kimptiē ishin gwudād tlāēdaḡuns kingān gwudād ltha il tlātisang:

33. Soolgūst lamatoē il istāshang, stlangūst kimptiē gē il istāshang.

34. Itan anung King gas il soolgūst ga isgē hin il shūtāshang, halūto, dī Aung kitilung lās dalung iching: hētk tligē ēlthkīgang stāhā kingdomgē dalung an ēlthkīgang lth isto:

35. Dī kwīdun tlo tou dī ga dalung gīdaḡun: dī kattūgun tlo dī dalung hutlthdaḡun: dī tliga kalat hāadāḡun tlo kwulth kān dī dalung istaḡun.

36. Dī kalthōnāngun tlo dī addu dalung tlilthlthdaḡun: dī stigun tlo tuman dī dalung kingun: ketsitnē ā lth iching tlo dī dalung kingatlāḡun.

37. Wadla, hinū ga lās gē hin hanḡang il shūtāshang, Shālānā, kīshinda dung kwōts talung kingstlo dung talung lthtanūdaiang: dung kattūstlo dung talung hutlthdaiang?

38. Kīshinda dung tliga kalat hāadas talung kingstlo kwulth kān dung talung istaiang: kīshinda dung kalthōnānstlo dung addu talung tlilthlthdaiang?

39. Kīshinda dung stis talung kingstlo, kēt-sitnē ā dung isis talung kingstlo dung an talung istlāḡang?

40. Waigen anung King gas hanḡtlan hin ltha il shūtāshang, yenkien dalung ga lth shūḡung, ā dī touilung isis swaun wauhangast edis an dalung istaḡīni althlā, dī ū dalung istaḡīni.

41. Wadla stlangūst ga isgē ishin hin il shūtāshang, waukwelth dī stāhā lth issu dalung dāungas, waigen zanoa swaunung hetgwaulana an isken lāgiē angelgas gē an ishin ēlthkīgāng ai lth isso.

42. Dī kwīdun tlo kum tou dī ga talung gīdāangūn: dī kattūgun tlo kum dī dalung hutlthtāngūn.

43. Dī tliga kalat hāadāgūn tlo kum kwulth kān dī dalung istaangūn: dī kalthōnāngūn tlo kum dī addu dalung tlilthilthdāngūn: dī stigun tlo: kētsitnē ā lth iching tlo kum tuman dī dalung kingāngūn.

44. Itan gē ishin hin hangāng il shūtāshang, Shālānā, kīshinda dung kwots talung kāngāng: dung kattūs ishin: dung tliga kalat hāadas ishin: dung kalthōnāns ishin: dung stis ishin: kētsit nē ā dung isis ishin, waigen kum dung ga talung tlātāngāng?

45. Waigen hin hangtlan ltha il shūtāshang, yenkien dalung ga lth shūgūng ashgē swaun wauhangast edis an kum dalung istaangīni althlā, kum dī ū dalung istaangīni.

46. Ā ga dāungas gē zanoa ed swaunung ai istiēdashang: waigen ga lās gē hēninga swaunung ai istiēdashang.

Chaptergē Lagwau Swaunshung wok Lthūn-
nith.

WAIGEN tlistluan Jesus ashgē gūshouwē
wautliwan kilth ēlthtaiang tlo, lagaga-
hatijanḡē hin il shūtaiang:

2. Shantlan stungēlthstlo Passover lagunungē
isēs an dalung ūnshitung, waigen nung itlinga
kit alth ltha giadāshang il zitokliskidēanā

3. Wadlu ga laplēt itlagidas gē isken takā-
lunglēilung ishin, lth hāada an ltha kiās ishin,
laplēt an nung itlagida yūans giē ginkilislang
roomgē ā gwudā ltha idjang: Caiaphas hinu il
kēyaiang.

4. Tliku Jesus ltha istakwolthtatlidzūasēs
eddēā ltha kaoukgaiang lā ltha tiēanā.

5. Waigen hin ltha shouan, lagunungē singē
gud lā talung istiēu kum lāngung, lth hāada
gūshou saatsgasēs althlā.

6. Wadlu, Jesus Simon nung hēlōdas giē nē
ā idjang Bethany tligē gwau.

7. Waigen nung chada kalk ā tou kwōyā
yūan istaiang lā an kātālāgang, waigen houān il
lthtanuḡundang il kats ingwi il giastlaiang.

8. Tlistluan lagagahatijanḡē kāngang tlo
ltha kwudāēlk il wauḡang: waigen hin ltha
shouan; kashintlou tou kwōyāsiken an gūḡung?

9. Adshi tou kwōyāsi dālā kwan alth dāawau
tlingāḡung ltha kuniskidēga ga istāan.

10. Waigen Jesus anūnshitālang tlo hin ltha il shūtaiang: kashintlou anung chadas kwutungē dalung kilth kwīidang? Lthāangwila lā dī an il istas alth gwau.

11. Ltha kuniskidēgas dalung kwulthlu ish-gūīgung, dī tlou kum dalung dāagūiangung.

12. Adshi tou dī tlu gwi il giastlasi althlā dī tlēēwaugēanu il istang.

13. Yenkien dalung ga lth shūgung, tlīidan tligē askwan ai ashgē giatling las alth lthagūk ltha gūshūstlo, tliku anung chada waus ishin lā an ltha kil unshitgāsang.

14. Wadlu, ltha klāalth wok stung shu stāhā ga laplēt itlagidas gē ā nung kaiitang, Judas Iscariot hinū il kēyaiang:

15. Waigen hinū il shouan, gūshū dī ga dalung istāshang, waigen Jesus dalung ā lth istāshang? waigen dālā hudila klālē lth'ūnilth saoutka lā ga ltha kilth ēlthtaiang.

16. Waigen altsgē timegē stāhā lā alth giadagē il istakwudangang.

17. Wadlu, shibili tlikulthdē gu shantlanē tlāgangu idjan: waigen lagagahatijangē Jesus an istlāgang ken hin lā ltha shūtaiang, kitlano itil dung tlaēlthtadāshang Passover lagunungē dung tagēanā?

18. Waigen hinū il shouan, nung itlinga ilnigē gu isis ā lth istiēdo, waigen hin lth il shūdawang: kiagin timegē dūungelgung, dungiē nē ā dī gagahatijangē alth Passover

lagunungē lth tāsang hinū nung itlagidas shūgung.

19. Tliku Jesus ltha shūtaiang kingānu ltha wauḡang, waigen Passovergē ltha ēlthkidaiang.

20. Waigen singyāstlo, lagagahatijanḡē klā-alth wok stung alth il kouwaiang.

21. Waigen houān ltha lthtanūḡundang, hinū il shouan: yenkien dalung ga lth shūgung, dalung swaun dī alth giadāsang.

22. Waigen ltha kwutungē lthanga stiyūanan, waigen ltha wautliwan han hin il shūdiēdang, Shālānā, tlaou gwau?

23. Waigen hangtlan hinū il shouan, adshi kēlthka ai dī alth stlē unga nung istasu dī alth giadāshang.

24. Tliku nung itlinga kit edasēs ltha kālan-gang kingān il edasang: nung itlinga kit alth nung giadas an kin ga lthwōḡiḡāsang! anung itlingas kum awolth lthkaiangasken il lādā-dungung.

25. Waigen Judas lā alth nung giadāgang hangtlan hinū il shouan, Nung itlagidas, tlaou-gwau? Waigen hangtlan hin lā il shūtaiang, yen dung shūgung.

26. Houān ltha lthtanūḡundang Jesus shibili istaiang: waigen ū il tlalāḡālang tlo hē il ginanangang waigen lagagahatijanḡē ga il istai-ang, waigen hinū il shouan, istalthā, talthā, adshi dī tlū u iching.

27. Waigen skatlangwē il istaiang ken sing

il killāgāng: ltha ga il istaiang tlo hinū il shouan, dalung wautliwan lth adshi nīltho.

28. Adshi dī ai giatling lāsu īching, waigen ltha kwan kin dāungas dakiskitē an hagwodji-nāgung.

29. Waigen hin dalung ga lth shūgung, adshi stāhā kum houshen vine hāna lth hutlāngshang, Aung unga giē kingdomgē gu vine hāna houtla dalung alth lth hutliē kū.

30. Shalang sas swaunshung ltha katzouang tlo, Olives lthdouwē ā ltha issāgāng.

31. Wadlu, Jesus hin ltha il shūtaiang, aiat halgwau dalung wautliwan dī an kwutungē stiungkashang: kālūngāsi althlā, lamatoē kēt-sitlē lth sahasdashang, waigen lamatoē tligwanan istalgungashang.

32. Waigen houshen kwōtal stāhā lth kātlūs silid, Galilee tligē ā dalung kwunast lth kai-itshang.

33. Peter hangtlan hin lā il shūtaiang, dung an ltha wautliwan kwutungē stistlo, dī tlou kum dung an kwutungēstī tlingāngung.

34. Jesus hin lā il shūtaiang, yenkien dung lth shūdang, aiat halgwau, skou itlinga kīngangē kwunast dī da dung kāda lth'ūnilthshang.

35. Peter hin lā il istaiang, dung alth dī kwōtalhsken kum dung da lth kādāngsang. Waikingān lagagahatijangē wautliwan ishin shouan.

36. Wadlu Jesus Gethsemane tligē gu ltha alth kātālāgang, waigen lagagahatijanḡē hin il shūtāiang: kwai lth adlun tlūadawang, wadshgwi singelthkang lth gūshūwas talthla.

37. Waigen Peter isken, Zebedee kitilung stung katdung il istaiang ken il kwutungē stiēdang, waigen il tlakwīdistlayūanan.

38. Wadlu, hin lā il shūtaouang, dī kwutungē stiūangung, dī kwōtaltalgung: ādlun lth isiwang, waigen dī alth lthahadzuwang.

39. Waigen Jesus tliētlāst il kāgang waigen il tikwushtloaiang, waigen hinū singelthkang il gūshouang, O dī Aung, dung gwulāstlo agwan lth adshi skatlangwē dī ilā ista: tliku dung kwudungs kingān swaunan lth waushang: tliku lth kwudungs kingān kum lth wāngshang.

40. Waigen lagagahatijanḡē kaslaiang an il kātālāgang, waigen hin Peter il shūtaiang kashintlou askaskit swaunshung gud kum dī alth dalung shanlthahadzāngūdja?

41. Shanlthahadzūltha, waigen singelthkang lth gūshū, waigen kum kin dāunga ai dalung isāngshang: hānts gwulāsiken kēā tlou hāagā-gung.

42. Houshen otgwau ltha stāhā il kaiitang, waigen singelthkang hin il gūshouang, O dī Aung kum adshi skatlangwē wadshgwau dī stāhā isānstlo kum lth hutlānsken: tliku dung kwuduns kingān lth wau.

43. Waigen houshen lagagahatijanḡē kasla-

iang an il kātālāgang il hangi langa kināgultho-
uāni althlā.

44. Lā il tastlaouang, waigen houshen wad-
shgwi il kaiitang, waigen kingān houshen sin-
gelthkang il gūshou lth'ūnilthēlang.

45. Wadlu, houshen lagagahatijanḡē an il
kātālāgang, waigen hin ltha il shūtaiang, wēata
lth kasloo, waigen anshanszouta lth unga isto.
Kwoking, askaskit dūungelgung, waigen ga
dāungas ḡē stlē ai nung itlinga kit alth ltha
giadāḡung.

46. Kātlūultha, talung istiēdzing, kwoking dī
alth nung giadas āanān īching.

47. Waigen houān il gūshūḡundang, kwoking
Judas ltha klāalth wok stangang swaun kātālā-
ḡang, waigen lth hāada an ltha kiāsi isken, ga lap-
lēt itlagidas ḡē ishin stāhā ltha skūla yūans sitzē
isken skidangwē ishin dungalth lā alth istlāḡang.

48. Waigen lā alth nung giadāḡang kin
kaountsida ltha ga il istaiang ken hinū il
shouan: nung lth skwuntlas laou isisang, kwu-
nan lth il gidsgildawang.

49. Waigen houītang Jesus an il kātālāgang,
waigen hinū il shouan, hai dī itlagīda, waigen
kwunan lā il skwuntlaiang.

50. Waigen Jesus hin lā il shūtaiang, toui,
kashintlou ādlun dung kātālāḡun? tliku kin
gu dung istatlas kingān lth wau. Wadlu ltha
istlāḡang, waigen Jesus ltha gidsgildaiang, wai-
gen stāhā lā ltha istaiang.

51. Waigen kwoking, Jesus alth ltha idjan swaun stlē unga dunchistaiang : sitzē unga il gidsgildasken, ga Laplēt gas gē an nung Ītlagidas kitzad il sahaskidang, waigen il kū langa washt il skiatlaiang.

52. Wadlu, Jesus hin lā il shūtaiang, houshen sitzē kal ai sitzē unga lth gidsa : ltha wautliwan sitzē istas sitzē alth ltha gūasēsi althlā.

53. Aung unga ā kum tliku wēata singelthkang lth gūshou tlingē kāng gaang gu dung kwudung us? waigen ga angelgas gē klālē kwan dī ga il istāshang gu dī istatlastlo.

54. Kingān lth wausken, kasino Bible kālungē kingān istlidzūashang? Hin isisang Bible shouan :

55. Altsgē askaskitē gud Jesus ltha skūlas hin shūtaiang : kwolthtalē ltha istagūns kingān sitzē isken skidangwē ishin alth dī dalung istiēan gu dalung istlou ūdjang? Shantlan wautliwan gud churchnē ā dalung alth lth kouwaḡīni kin dalung lth skadadiēanā waigen kum dī dalung gidsgildaānḡun.

56. Tliku prophetgas gē kālunḡangang kingān adshi wautliwan idjāni. Wadlu lagagahatijanḡē wautliwan lā stāhā istiēdang, waigen ltha khūstaiang.

57. Ā Jesus ga istaianu Caiaphas ga Lapletgasgē an nung Ītlagidas giē nē ā la ltha istaiang, gaigu takālunḡlēilung isken, ltha kiāsi ishin gwudā idjan.

58. Waigen Peter lā tlā agwi kāgāng ken ga Laplētgas gē an nung Ītlagidas giē ginkilislāng roomgē ai il katsaiang, waigen kētsitlēilung kwulth il kouwaiang tliku edgē il kāngēanā.

59. Ga laplēt ĩtlagidasgē isken, ltha kiāsi ishin, council hāada wautliwan ishin Jesus alth ga witness gē kilthkadungasēs da ltha kāngāng lā ltha tīēanā,

60. Waigen kum ltha kiāngāni. Yenkien ga witness gē kilthkadungas kwan istlāgāng, waigen kum ltha gūshouwē swaunshungāngāng. Waigen otgwau, ga witness gē kilthkadungas stung istlāgāng:

61. Waigen hin ltha shouan, anung ĩtlingas hin shouan: Shānungetlagidas giē churchnē tlahunziē an dī tagwiāgung, waigen shantlan lth'ūnilth gud houshen lā tlaoulthtiouwē an dī tagwiāgung.

62. Waigen ga Laplētgas gē an nung Ītlagidas giāgāng, waigen hin lā il shūtaiang, kum gu hanḡāng lā dung shūtaāngwashou us? Gūshū adaltas stung dung an witness gādang?

63. Waigen Jesus kum klingān kilāngāng. Waigen Laplēt an nung Ītlagidas hin il shūtaiang, Shānungetlagidas hēninga hangku dung giāgung, altsīlth ĩtil ga lth shūda Shānungetlagidas kit Christ dung istoo?

64. Jesus hin il shūtaiang, yenkienu dung shūgung: waigen houshen dalung ga lth shū-

gung, adshi stāhā nung itlinga kit Shānunge-
tlagidas soolgūsta inku kouwas dalung kinga-
sang, waigen shāshi yeni kātli ā il kātlatalthā-
sang.

65. Wadlu` ga Laplētgas gē an nung Ītlagi-
das kin giandas unga il dungulthgwaiang ken
hinū il shouan : il gūshūdāungang, gūshū anu
houshen ga witness gē gu itil istatlang? kwo-
king wēata il gūshūdāungas dalung kwudun-
gung, Shānungetlagidas kit il is hin il shūsi
althlā.

66. Kasino dalung kwudungung? Hangtlan
hin lā ltha shūtaiang agwan il kwōtalē lāgung.

67. Wadlu il hangā ltha tagwangang: lā
ltha skodangang: waigen ltha titch stlē unga
kāānung alth lā ltha tlagūgūgāngang.

68. Waigen hin ltha shouan, itil ga lth shūda
Christ, kīstho dung skodang?

69. Wadlu, Peter ginkilislang roomgē kiak-
gust il kouwaḡundang, nung hāchada lā an
kātllāgang ken hinū il shouan, dahā ishin Jesus
Galilee hāadas alth stūngūn.

70. Waigen ltha wautliwan hangku lā da il
kādaiang: waigen tliku dung shūs kum an dī
ūnshitāngung hinu il shūgāngang.

71. Waigen tlīstluan kūwē ai kiak il kāgwā-
lang tlo, nung hāchada kalat il kāngang: wai-
gen gaigu lth hāada isis hin il shūtaiang, anung
itlinga ishin Jesus Nazareth hāadas alth stūn-
gūn.

72. Waigen kwunan lā da il kādaiang ken hinū il shouan, anung itlinga isis kum an dī ūnshitāngung.

73. Amzawan wadla, tlitzan Peter gians kwulth ga tlazūgiangang gē lā an istlāgang ken hin ltha shouan, yenkien dahā ishin ltha swaun iching dung kil ltha kil kingān edis althlā.

74. Itan Peter kātliyildas tista glīdistlaiang, waigen gūshou dāunga il shūdiēdang ken hinu il shouan, anung itlingas kum an dī ūnshitāngung.

75. Waigen houitang skou itlingas kingang. Waigen tliku Jesus il shūtaiang ē Peter kēidang : skou itlinga kingangē kwunast dī da dung kādā lth'ūnilthasang hin lā il shūtaianā. Waigen il kāgwālang tlo il sahailth yūanan.

Chaptergē Lagwau Swaunshung wok Chigwau.

TLĪSTLUAN singaigastlo ga laplēt itlagidas gē wautliwan isken lth hāada an ltha kiāsi wautliwan ishin Jesus an eddeā ltha kaoukgaianang lā ltha tiēanā :

2. Waigen tlistluan lā ltha kētsgustlaiang tlo stāhā lā ltha halkaitang, waigen Pontius Pilate nung Governorgas ā lā ltha istaiang.

3. Itan Judas lā alth nung giadāgang lā ltha tiungkasas il kāngang tlo, kwutungē unga il stilthtaiang, waigen dālā hudilas klālē lth'ūnilth

ga laplēt itlagidas gē isken ltha kiāsi ishin ga sīlthkang il istaiang.

4. Waigen hinū il shouan: kin dāunga lth istaḡun ai skwunas alth lth giadāḡun althlā. Waigen hin ltha shouan, kasino oudshi itil an ēdung, dahou an itlagidāḡung.

5. Waigen churchnē yūans kātli ā dālā hudila il hāūstazaiang ken stāhā il kaiitang, waigen agung il kūtliouang.

6. Waigen ga laplēt itlagidas gē dālā hudilas istaiang tlo hin ltha shouan, churchnē dālā hōtē ai talung istiē ū kum lāḡung, ai saou isis althlā.

7. Ltha counsel gāgang ken skatlangu nung tlaoutlas giē kwulthkadazi wau alth ltha dakgang tliga kalat hāada gu ltha tlēēwauḡēanā.

8. Altsīlth ashgē shantlanē gud wadshi kwulthkadazi ai kwulthkadazi hin kēyāḡang.

9. Wadlu tliku Jeremiah nung Prophetgas shouan kingānu edāni: waigen hinū il shouan, dālā klālē lth'ūnilth il saou ltha kilskudanā ltha istaiang, waigen Israel hāadē il kilskudang.

10. Waigen skatlangu nung tlaoutlas giē kwulthkadazi ā ltha istaiang, waigen tliku Shālānā dī ga shūḡun kingān edāni.

11. Wadlu anung Governorgas hangku Jesus giāḡang, waigen hin lā alth il kiānangang Jew hāadē an gu dung King gā us? Waigen Jesus hin il shūtaiang kwaulthangan dung shūḡung.

12. Waigen tlistluan ga laplēt itlagidas gē

isken, ltha kiāsi ishin lā an witness gāgang tlo kum hanḡang il kilāngang.

13. Itan Pilate hin il shūtaiang, kin kwan dung an ltha witness gādas kum gu dung kwudungān us?

14. Waigen kum kil swaunshung alth hangtlan lā il shūtaangang, altsiilth anung Governorgas kaldungāyūanan.

15. Ashgē lagunungētlu anung Governorgas kētsit nē stāhā nung ga ltha istatlas kingān ltha ga il kāgwulthtaḡangang.

16. Wadlu, nung dāunga yūans ltha kētsigu wādaiang Barabbas hinū il kēyaiang.

17. Altsiilth gwuda ltha idjang tlo Pilate hin ltha il shūtaiang: Barabbas isken, Jesus ishin Christ hin ishin il kēyang: ā ltha stung isis kinasu kiak dalung ga kētsit nē stāhā lth kāgwulthtāsang.

18. Lā an ltha kwutungē sahalthilas alth, a kētsit nē ā lā ltha istas an il ūnshītang.

19. Waigen houān ginkilislang aulthkaungwē inku il kouwaḡundang, il chā lā ā da kil kaiitang, waigen hinū il shouan, wu nung itlinga lā is ā lth kum tlāḡāng, aiata shantlanē gud lā hagunan yenkien agung lth kung lthwau-gaḡunḡung.

20. Wadlu ga laplēt itlagidas gē isken, ltha kiāsi ishin ltha skūlas kilskudhanskitang Barabbas ltha ginungēanā, Jesus il zitokliskadēanā.

21. Waigen anung Governorgas hin hangtlan ltha il shūtaiang; ā ltha stung isis kinasu kēt-sitnē stāhā lth kāgwulthtāsang? Barabbas hin ltha shouan.

22. Pilate hin ltha il shūtaiang; Jesus, Christ hin ishin il kēyang, kasino lā lth edāsang. Ltha wautliwan hin il shūtaiang, agwan lth il zitokliskadādi

23. Waigen hinū anung Governorgas shouan : kashintlou, gūsh dāungou il istouūdjang? Waigen kwunan houshen hin ltha shouan agwan lth il zitokliskadādi.

24. Altsiilth Pilate kum lāgwikāēlthāns an il ūnshitālang tlo, waigen ltha kātliyildas il kāngang tlo, hānlth il istaiang ken ltha skūlas hangku il stlē unga glanang, waigen hinū il shouan, anung itlinga lās tīiē kum ga dī istatlāngung : dalung ū an itlagidāgung.

25. Waigen lth hāada wautliwan hin hangtlan shouan, agwan il ai itil inku ista, waigen itil kitilung inku ishin.

26. Itan Barabbas kētsit nē stāhā kiak ltha ga il kāgwulthtaiang ken Jesus il tīlthwangang lā ltha zitokliskadēanā.

27. Wadlu, anung Governorgas ga soldiers gē Jesus istaiang Governorgas giē nē ā, waigen ga soldiergas gē wautliwan lā ā ltha istaiang.

28. Kin il giandas hēst lā ltha tlaistlāgang, waigen kōdets s'het ī lā ltha tlakatsaiang.

29. Waigen tlistluan tatching kī ltha haiang

tlo il kats ī ltha takutlaiang : taskga soolgūst il stlē ik ltha taskatlaiang ken lā hetgu kwollo unga kats ing alth ltha kaouslaiang, waigen isi ishin lā alth ltha shouanḡangang ken hin ltha shouan, hai, Jew hāadē an nung King gas.

30. Waigen lā gwi ltha tagwangang : taskgē lā stāhā lth istaiang ken il kats ai ltha sahaskidang.

31. Waigen lā alth ltha shouanḡūis silid kōdets s'hets hēst lā ltha tlakātlāgang ken kin il giandaiang lā gwi ltha istaiang, waigen stāhā lā ltha halkaiitang lā ltha zitokliskadēanā.

32. Itan stāhā ltha issāḡundang nung Cyrene hāada ltha kīaiang Simon hinū il kēyaiang : katdung lā ltha kaiidaiang skauma langa il skūlthḡaiidēanā.

33. Waigen tlistluan Golgotha hin tliga kēyas gu ltha istlāḡāni tlo, winegē shuīt kin hougut yūan lā ltha hutlthtaiang, waigen il kūkūdangāni tlo kum il hutlaangang. Golgotha tligē tlingits tligē hin ishin kēyang.

34. Waigen lā ltha zitokliskadang, waigen kin il giandas langa ltha tlāādīgang ken gwudan langa ltha wasuḡangang.

35. Waigen tliku nung prophetgas shouan kingānu ltha wauḡang. Waigen hinū il shouan : kin lth giandas gwudē ltha tlāādīsang, waigen kiagin kōdetsē gwudan ltha wasuwāsang.

36. Gwu ltha tluadaiāni ken lā ltha lthahadzaiang.

37. Il kats shāed lthken ltha istaiang ken inku hin ltha kālangang: anis Jesusu iching Jew hāadē an nung King gas.

38. Waigen kwolthtal lēilung stung gu lā kwulth zitohatajāgang: soolgūst nung idjan ken stlangūst ishin nung idjan.

39. Itan lā hetit ltha istalguns lā alth shou-nangang, waigen kats unga ltha kēkikidangang, waigen hin lā ltha shūdaḡangāni:

40. Dā tlou churchnē yūans tlahunzasing-odjing waigen sin lth'ūnilth gud houshen dung tlaoutlasinguntliku: agung lth kaginda: Shā-nungetlagidas kit gu dung istōalth skaumē stāhā kāalth.

41. Waikingān ga laplet itlagidas gē isken, takālunḡlēilung ishin, ltha kiāsi ishin lā alth shou-nangang.

42. Waigen hin ltha shouan: ltha kalat il kagindaiang, waigen kum tliku Agung il kaginda tlingē kāng gaanḡung. Israel hāadē an il King gāstlo agwan lth skauma stāhā il kāalthta: wadla lā talung yetāshang.

43. Shānungetlagidas il yetang, agwan wēata lā il kagindada lā gu il statlasken: dīu Shā-nungetlagidas kit iching hinū il shūḡinē althlā.

44. Kingān lth kwolthtal lēilung lā kwulth zitohatajas ishin lā alth shou-nangāngang.

45. Wadlu, askaskit lthūnilth stāhā aska-skit klāalthswansingūstlo tligē askwan gud halḡā ēlang.

46. Waigen askaskit klāalthswansingū ēlthstlo Jesus kwunan kil alth sahailthlaiang Eli Eli lama sabacthāni: dī Ītlagīda, dī Ītlagīda, kashintlou dī dung dāngūdjung.

47. Ltha titch waudlun tlazūgians tliku il shūs kwudāngānī tlo hin ltha shouan: Elijah an il aiyingungwau.

48. Waigen houītang ltha swaun addang ken spongegē il istaiang: skang kwun ik il kūgungjalang tlo vinegar ai il telthkwulthgaiang ken lā ga il istaiang il hutliēanā.

49. Waigen ltha kalat hin shouan: agwan lth il eda, Elijah kātlāstlo lā il kagindiē talung kingzing.

50. Waigen Jesus houshen kwunan kil alth sahailthlaiang, waigen il kwōtalang.

51. Waigen kwoking churchnigē kwustahātītajāni, waigen tligē ildangang ken tīshē wau-tliwan ātlingāngang.

52. Ga tlēēwas gē yesi washt asugāngang, waigen lth hāada lā kwōtalthgias tlu kwan kātlouang.

53. Waigen kwōtal stāha il kātlouang silīd shātlingnigē stāhā kiak unga ltha issāgāng, waigen ilnigē lasi ai ltha istālang ken ltha kwan agung ltha kingdaiang.

54. Wadlu, soldiergas gē lagwau klēlth an nung ītlagidas isken, lā alth ga idjan gē ishin, tlīstluan tligē ildung isken kin an kaldungas ishin ltha kāngang tlo, Jesus ā ltha lthahadzai-

ang ken hin ltha shouan : yenkien Shānunge-
tlagidas kit anis idjan. Waigen ltha lthwau-
galth yūanan.

55. Waigen lth chāada kwan wadshgust ū
kāngang Jesus tlā ga istalanā Galilee tligē
stāhā, waigen lā an ltha lthāangwilgangang.

56. Ltha shu Mary Magdalene idjāni : Mary
James isken Joses ishin ou ishin : waigen
Zebedee kitilung ou ishin.

57. Waigen singyāstlo, nung itlinga kintlinga
Arimathea tligē stāhā kātlāgang : Joseph hinū
il kēyaiang ; laou ishin Jesus kitzad idjāni.

58. Pilate ā il kaiitang ken Jesus kwōt il
ginangang : itan Pilate il tlu lā ga istahālang.

59. Waigen Joseph il kwōt istaiang ken
gioung skwuna lā addu il istaiang.

60. Waigen giang shātlingnigē houtlas ai lā
il istaiang : itan tīshē shātlingnē an il tlaou-
tlaiang : waigen kwau yūan shātlingnigē kūwē ā
il skōkiskutang ken stāhā il kaiitāni.

61. Waigen Mary Magdalene isken, Mary
kalat ishin, shātlingnigē hantlā il tlūadouang.

62. Waddalēku Preparation shantlanaiu id-
jang, altsiilth ga laplēt itlagidas gē isken
Pharisee hāadē ishin Pilate ā gwudā idjang :

63. Waigen hin ltha shouan : nung Itlagidas,
anung kilthkadungas shūgung ai itil kēidung :
houān il hēningāgundang hinū il shouan, shant-
lan lth'ūnilth silid houshen lth kātlūshang.

64. Altsiilth wadshi shātlingnigē ā shantlan

lth'ūnilē ku ltha lthahadzālth : kum waikingān edānsken, lagagahatijanḡē halgwau il kwōt kwolthtātlāshang, waigen kwōtal stāhā il katlouang lth hāada ga ltha shūasang : waigen kwunāḡē hadlouāḡun telgu otgwaugē ishin hadlouāshang.

65. Pilate hin ltha il shūtaiang, ga soldiergas ḡē dalung dāang : kūwē gud lth unga istiēdo, waigen shātlingnigē ā ltha lthahadzādou.

66. Altsiilth ā ltha istiēdang, waigen shātlingnigē ā ltha lthahadzaiang : kwau kūwē inku kēyi unga ltha kālangang, waigen ga soldiergas ḡē ltha kwulth idjāni.

Chapterḡē Lagwau Swaunshung wok
Stanshungā.

SUNDIGAS halyākwulēlē ā, Mondiga shantlanē istalstlo, Mary Magdalene kātlāḡang, waigen Mary kalat ishin shātlingnigē il kingouēanā.

2. Waigen kwoking, tlige ildayūanan, Shālānā ḡiē angelḡē shā stāhā kātlātālāni althlā : il kātlāḡang tlo kūwē stāhā kwauī il skōki-stlaiang waigen inku il kouwaiang.

3. Il hangi sēoulthta kingānu edang, waigen kin il giandaiang taou kingānu addaiang :

4. Lā ga ltha lthwaugas tista Jesus ā ga lthahadzaiang ḡē glīdistlaiang, waigen ltha kwōtalhkaḡuns kingān ltha idjāni.

5. Waigen anung angelgas hin lth chāadas shūtaiang: kum lth lthwauḡāngu: Jesus da dalung kingsa an dī ūnshitung nung ltha zito-kliskidunā.

6. Kum ādlun il isāngung, il kātluḡun althlā tliku il shouan kingānu. Halūto, tlitzan Shālānā tlēēwauḡun silī lth kingo.

7. Waigen houītang lth istiēdo, kwōtal stāhā il kātluḡ lagagahatijanḡē ga lth shūdo: waigen kwoking Galilee tligē ā dalung kwunast il kāiitung: gaigu lā dalung kingasang: kwoking dalung ga lth shūdang.

8. Waigen shātlingnigē stāhā houītang il istiēdouang: il lthwauḡawāsken isi ishin tlika il ḡūlouang, waigen lagagahatijanḡē ā giatlingē il gihal khūstaouang.

9. Lagagahatijanḡē ga ā il shūtāouānītlo, kwoking Jesus lā an kātlaouang ken hinū il shouan, hai: Waigen houītang lā ā il istalouang ken il stai langa il gidsgildaouang waigen lā ā singelthkang il ḡūshūouang.

10. Wadlu, Jesus hin il shūtaouang, kum lth lthwauḡāngu, Galilee tligē ā dī touilung istiēdalth wāla, waigen gai gu dī ltha kingasang.

11. Houān il istalouḡundang, kwoking ga soldiergas ḡē titch ilnigē gu istlāḡang ken tliku kin edang wautliwan ga laplēt itlagidas ḡē ga ltha shūtaiang.

12. Waigen ltha kiasi alth gwudā ltha idjan

tlo ltha counsel gāgāng, waigen dālā kwan ga soldiergas gē ga ltha istaiang :

13. Hin ltha shouan, lagagahatijanḡē halgwau il tlu kwolthtātālāḡun talung kāstalthā hin lth shūwangē.

14. Waigen anung Governorgas k̄ū ī adshi attawāsitlo il kwutungē wau talung kil saaskitashang, waigen dalung talung kagindāshang.

15. Altsiilth dālā ltha istaiang, waigen tliku ltha ltha skadadaiang kingān ltha waugāng : waigen ashgē giatlingē ashgē shantlanē gud Jew hāada shu kokgustlowaiang.


16. Waigen lagagahatijanḡē klāalth wok swaunshung Galilee tligē ā istiēdang, lthdou gu isi ā Jesus ltha istiēdhālang ā.

17. Waigen lā ltha kāngāni tlo lā ā singelthkang ltha gūshūgāngang, waigen ltha titch lā kwudūkikitang.

18. Waigen Jesus ltha an kātlāgang tlo hin ltha il shūtaiang, kin tagwia wautliwan shā tligē gu isis isken hētk tligē gu isis ishin dī ga istiāḡun.

19. Altsiilth istiēdūlthā, waigen gwaigangē wautliwan kin lth skadadou, nung Aung kēyi ā isken, nung kit kēyi ā ishin, nung Hānts Lās kēyi ā ishin ltha lth baptizdo :

20. Waigen kin wautliwan alth dalung lth kingwoguns tumankāngē ltha lth skadadowang, waigen kwoking dalung alth lth ishḡīsang, waikingān ed swaunungshang.



SMITHSONIAN INSTITUTION LIBRARIES



3 9088 00588 1495